


1000

6

17-b

3

07



Bibliotheca
Coll. Rom.
Societ. Jesu

14. 9. 78.

~~14-0-25~~

14


0

24

1930A 0000000000


FRANCISCUS AGELLI

Q. H O R A T I V S
F L A C C V S



Q V I N T I
H O R A T I I
F L A C C I
O P E R A

TOMVS SECVNDVS





M A N N H E M I I

Cura & Sumptibus Societatis litteratae.

MDCCLXXIX








Q. HORATII F.

SATYRARVM

LIBER I.

SATYRA I.



Inuehitur primum in prauam hominum consuetudinem; qua fit, vt numquam sua forte sint contenti, nec in suo vitae instituto sibi placeant, sed alienum suo anteferant, & suae conditionis semper eos poeniteat. Deinde auaritiam, capta ex hoc sermone occasione, infectatur.

Qui fit, Maecenas, vt nemo, quam sibi fortem
Seu ratio dederit, seu fors obiecerit, illa
Contentus viuat; laudet diuersa sequentes?
O fortunati mercatores, grauis annis
Miles ait, multo iam fractus membra labore. 5
Contra mercator, nauim iactantibus Austris,
Militia est potior. Quid enim? concurritur: horae
Momento cita mors venit, aut victoria laeta.
Agricolam laudat iuris legumque peritus,
Sub galli cantum consultor vbi ostia pulsat. Io

A 3



Ille, datis vadibus qui rure extractus in urbem est,
Solos felices viuentes clamat in vrbe.

Cetera de genere hoc (adeo sunt multa) loquacem
Delassare valent Fabium. Ne te morer, audi

Quo rem deducam. Si quis deus, En ego, dicat, 15
Iam faciam quod vultis: eris tu, qui modo miles,
Mercator: tu, consultus modo, rusticus: hinc vos,
Vos hinc mutatis discedite partibus. Eia

Quid statis? nolint. Atqui licet esse beatis.

Quid causae est, merito quin illis Iuppiter ambas 20
Iratus buccas inflet, neque se fore posthac

Tam facilem dicat, votis ut praebeat aurem?

Praeterea, ne sic, ut qui iocularia, ridens

Percurram: quamquam ridentem dicere verum

Quid vetat? ut pueris olim dant crustula blandi 25
Doctores, elementa velint ut discere prima.

Sed tamen amoto quaeramus seria ludo.

Ille grauem duro terram qui vertit aratro,

Perfidus hic caupo, miles, nautaeque, per omne
Audaces mare qui currunt, hac mente laborem 30

Sese ferre, senes ut in otia tuta recedant

Aiunt, quum sibi sint congesta cibaria: sicut

Paruula (nam exemplo est) magni formica laboris
Ore trahit quodcumque potest, atque addit aceruo,
Quem struit, haud ignara ac non incauta futuri. 35
Quae simul inuersum contristat Aquarius annum,
Non vsquam prorepat, & illis vtitur ante

Quaesitis sapiens: quum te neque feruidus aestus
Demoueat lucro, neque hiems, ignis, mare, ferrum,
Nil obstat tibi, dum ne sit te ditior alter. 40

Quid iuuat immensum te argenti pondus & auri
Furtim defossa timidum deponere terra?

Quod si comminuas, vilem redigatur ad assem.

At, ni id sit, quid habet pulchri constructus aceruus?

Millia frumenti tua triuerit area centum, 45

Non tuus hoc capiet venter plus, quam meus: vt si
Reticulum panis venales inter onusto

Forte vehas humero, nihilo plus accipias, quam

Qui nil portarit. Vel dic, quid referat intra

Naturae fines viuenti, iugera centum, an 50

Mille arēt? At suaue est ex magno tollere aceruo.

Dum ex paruo nobis tantundem haurire relinquas,

Cur tua plus laudes cumeris granaria nostris?

Vt, tibi si sit opus liquidi non amplius vrna,

Vel cyatho, & dicas, Magno de flumine mallet, 55
Quam ex hoc fonticulo tantundem sumere. Eo fit,
Plenior ut si quos delectet copia iusto,
Cum ripa simul auulfos ferat Aufidus acer.

At qui tantuli eget, quanto est opus, is neque limo
Turbatam haurit aquam, neque vitam amittit in vndis.

At bona pars hominum, decepta cupidine falso, 61

Nil satis est, inquit: quia tanti, quantum habeas, sis.

Quid facias illi? iubeas miserum esse libenter,

Quatenus id facit. Ut quidam memoratur Athenis

Sordidus, ac diues, populi contemnere voces 65

Sic solitus: Populus me sibilat, at mihi plaudo

Ipse domi, simul ac nummos contemplor in arca.

Tantalus a labris sitiens fugientia captat

Flumina. Quid rides? mutato nomine de te

Fabula narratur. Congestis vndique faccis 70

Indormis inhians, & tamquam parcere sacris

Cogeris, aut pictis tamquam gaudere tabellis.

Nescis quo valeat nummus? quem praebeat usum?

Panis ematur, olus, vini sextarius: adde,


Queis humana sibi doleat natura negatis. 75

An vigilare metu exanimem, noctesque diesque

SATYRARVM LIBER I.

Formidare malos fures, incendia, feruos,
 Ne te compilent fugientes: hoc iuuat? horum
 Semper ego optarim pauperrimus esse bonorum.
 At si condoluit tentatum frigore corpus, 80
 Aut alius casus lecto te adfixit, habes qui
 Adfideat, fomenta paret, medicum roget, vt te
 Suscitet, ac reddat natis, carisque propinquis.
 Non vxor saluum te vult, non filius: omnes
 Vicini oderunt, noti, pueri atque puellae. 85
 Miraris, quum tu argento post omnia ponas,
 Si nemo praestet, quem non merearis, amorem?
 At si cognatos, nullo natura labore
 Quos tibi dat, retinere velis, seruareque amicos;
 Infelix operam perdas: vt si quis asellum 90
 In campo doceat parentem currere frenis.
 Denique sit finis quaerendi: quumque habeas plus,
 Pauperiem metuas minus: & finire laborem
 Incipias, parto quod auebas: nec facias, quod
 Vmidius quidam (non longa est fabula) diues, 95
 Vt metiretur nummos; ita sordidus, vt se
 Non vnquam seruo melius vestiret: ad vsque
 Supremum tempus, ne se penuria victus

Opprimeret, metuebat. At hunc liberta securi
Diuisit medium, fortissima Tyndaridarum. 100
Quid mi igitur suades? ut viuam Naeuius? aut sic,
Ut Nomentanus? Pergis pugnancia secum
Frontibus aduersis componere. Non ego, auarum
Quum veto te fieri, vappam iubeo ac nebulonem.
Est inter Tanaim quiddam, focerumque Viselli. 105
Est modus in rebus: sunt certi denique fines,
Quos ultra, citraque nequit consistere rectum.
Illuc, vnde abii, redeo. Nemon' ut avarus
Se probet, ac potius laudet diuersa sequentes?
Quodque aliena capella gerat distentius vber, 110
Tabescat? neque se maiori pauperiorum
Turbae comparet? hunc atque hunc superare laboret?
Sic festinanti semper locupletior obstat.
Ut, quum carceribus missos rapit vngula currus,
Instat equis auriga suos vincentibus, illum 115
Praeteritum temnens extremos inter euntem.
Inde fit, ut raro, qui se vixisse beatum
Dicat, & exacto contentus tempore vitae
Cedat, vti conuiuia satur, reperire queamus.
Iam fatis est: ne me Crispini scrinia Lippi 120
Compilasse putes, verbum non amplius addam.



SATYRA II.

Exemplis dictum illud confirmat: dum vitant stulti
vitia, in contraria currunt. Infanas quorum-
dam circa adulteria libidines infectatur.

Ambubaiarum collegia, pharmacopolae,
Mendici, mimae, balatrones: hoc genus omne
Moeustum ac sollicitum est cantoris morte Tigelli.
Quippe benignus erat. Contra hic, ne prodigus esse
Dicatur, metuens, inopi dare nolit amico, 5
Frigus quo duramque famem depellere possit.
Hunc si perconteris, aui cur atque parentis
Praeclaram ingrata stringat malus ingluuie rem,
Omnia conductis coemens obsonia nummis:
Sordidus, atque animi quod parui nolit haberi, 10
Respondet. Laudatur ab his, culpatur ab illis.
Fusidius vappae famam timet ac nebulonis,
Diues agris, diues positus in foenore nummis.
Quinas hic capiti mercedes exsecat: atque
Quanto perditior quisque est, tanto acrius vrget. 15
Nomina sectatur, modo sumpta veste virili,

Sub patribus duris tironum. Maxime, quis non,
Iuppiter, exclamat, simul atque audiuit? at in se
Pro quaestu sumtum facit. Hic, vix credere possis,
Quam sibi non sit amicus: ita ut pater ille, Terenti 20
Fabula quem miserum nato vixisse fugato
Inducit, non se peius cruciauerit, atque hic.
Si quis nunc quaerat, quo res haec pertinet? illuc:
Dum vitant stulti vitia, in contraria currunt.
Malthinus tunicis demissis ambulat; est qui 25
Inguen ad obscenum subductis usque facetus.
Pastillos Rufillus olet, Gorgonius hircum.
Nil medium est. Sunt, qui nolint tetigisse, nisi illas,
Quarum subsuta talos tegat instita veste:
Contra alius, nullam nisi olenti in fornice stantem. 30
Quidam notus homo quum exiret fornice, maeste
Virtute esto, inquit, sententia dia Catonis.
Nam simul ac venas inflauit tetra libido,
Huc iuuenes aequum est descendere, non alienas
Permolere vxores. Nolim laudari, inquit, 35
Sic me, mirator cunni Cupiennius albi.
Audire est operae pretium, procedere recte
Qui moechis non vultis, ut omni parte laborent:

Vtque illis multo corrupta dolore voluptas,
 Atque haec rara, cadat dura inter saepe pericla. 40
 Hic se praecipitem tecto dedit: ille flagellis
 Ad mortem caesus: fugiens hic decedit acrem
 Praedonum in turbam; dedit hic pro corpore
 nummos:

Hunc perminxerunt calones. Quin etiam illud
 Accidit, ut cuidam testes caudamque falacem 45
 Demeteret ferrum. Iure omnes: Galba negabat.
 Tutior at quanto merx est in classe secunda?
 Libertinarum dico: Sallustius in quas
 Non minus insanit, quam qui moechatur. At hic si,
 Qua res, qua ratio suaderet, quaque modeste 50
 Munifico esse licet, vellet bonus atque benignus
 Esse: daret quantum satis esset, nec sibi damno.
 Dedecorique foret. Verum hoc se amplectitur vno,
 Hoc amat, hoc laudat: Matronam nullam ego tango.
 Ut quondam Marfaeus amator Originis, ille, 55
 Qui patrum mimae donat fundumque, laremque,
 Nil fuerit mi (inquit) cum vxoribus vnumquam alienis.
 Verum est cum mimis, est cum meretricibus: unde
 Fama malum grauius, quam res trahit. An tibi abunde

Personam fatis est, non illud, quidquid vbique 60
Officit, euitare? bonam deperdere famam,
Rem patris oblimare, malum est vbicumque. Quid
inter-

Est in matrona, ancilla, peccesue togata?
Villius in Fausta Sullae gener (hoc miser vno
Nomine deceptus) poenas dedit vsque superque, 65
Quam fatis est: pugnīs caesus, ferroque petitus,
Exclusus fore, quum Longarenus foret intus.
Huic si mutonis verbis mala tanta videntis
Diceret haec animus: Quid vis tibi? numquid
ego a te

Magno prognatum deposco consule cunnum, 70
Velatumque stola, mea quum conferbuit ira?
Quid responderet? Magno patre nata puella est.
At quanto meliora monet, pugnantiāque istis,
Diues opis natura suae. Si tu modo recte
Dispensare velis, ac non fugienda petendis 75
Immiscere. Tuo vitio, rerumne labores,
Nil referre putas? quare, ne poeniteat te,
Desine matronas sectarier: vnde laboris
Plus haurire mali est, quam ex re decerpere fructus.

Nec magis huic inter niueos viridesque lapillos, 80
 (Sit licet hoc Chaerinthe tuum) tenerum est femur,
 aut crus

Rectius; atque etiam melius perfaepe togatae.

Adde huc, quod mercem sine fucis gestat: aperte
 Quod venale habet, ostendit: nec, si quid honesti est,
 Iactat, habetque palam, quaerit quo turpia celet. 85
 Regibus hic mos est: vbi equos mercantur, opertos
 Inspiciunt: ne, si facies (vt faepe) decora
 Molli fulta pede est, emtorem inducat hiantem,
 Quod pulchrae clunes, breue quod caput, ardua
 ceruix.

Hoc illi recte; ne corporis optima lynceis 90
 Contemplere oculis, Hypsaea caecior, illa
 Quae mala sunt, spectes. O crus, o brachia! verum
 Depygis, nasuta, breui latere, ac pede longo est.
 Matronae, praeter faciem, nil cernere possis,
 Cetera, ni Catia est, demissa veste tegentis. 95
 Si interdicta petes, vallo circumdata (nam te
 Hoc facit infanum) multae tibi tum officient res:
 Custodes, lectica, ciniflones, parasitae,
 Ad talos stola demissa, & circumdata palla:

Plurima, quae inuideant pure adparere tibi rem. 100

Altera nil obstat: Cois paene videre est

Vt nudam: ne crure malo, ne sit pede turpi:

Metiri possis oculo latus. An tibi mauis

Insidias fieri, pretiumque auellier, ante

Quam mercem ostendi? leporem venator vt alta 105

In niue sectatur, positum sic tangere nolit:

Cantat & adponit. Meus est amor huic similis: nam

Transuolat in medio posita, & fugientia captat.

Hiscene versiculis speras tibi posse dolores,

Atque aestus, curasque graues e pectore pelli? 110

Nonne cupidinibus statuit natura modum, quem

Quid latura sibi, quid sit dolitura negatum,

Quaerere plus prodest, & inane abscindere foldo?

Num', tibi quum fauces vrit sitis, aurea quaeris

Pocula? num esuriens fastidis omnia, praeter 115

Pauonem, rhombumque? tument tibi quum ingui-

na: num, si

Ancilla, aut verna est praesto puer, impetus in quem

Continuo fiat, malis tentigine rumpi?

Non ego: namque parabilem amo Venerem, faci-

lemque.

Illam, post paullo: sed pluris: si exierit vir: 120

Gallis hanc, Philodemus ait: sibi, quae neque magno

Stet pretio, neque cunctetur, quum est iussa, venire.

Candida rectaque sit: munda haftenus, vt neque longa

Nec magis alba velit, quam det natura, videri.

Haec vbi subposuit dextro corpus mihi laeuum, 125

Ilia & Aegeria est: do nomen quodlibet illi.

Nec vereor, ne, dum futuo, vir rure recurrat,

Ianua frangatur, latret canis: vndique magno

Pulsa domus strepitu resonet: vepallida lecto

Defiliat mulier: miseram se conscia clamet: 130


Cruribus haec metuat, doti deprensa, egomet mi.

Discincta tunica fugiendum est, ac pede nudo;

Ne nummi pereant, aut pyga, aut denique fama.

Deprendi miserum est: Fabio vel iudice vincam.





SATYRA III.

Eos primum reprehendit, qui, quum ad sua ipsorum vitia conniueant, in alienis videndis acumine oculorum valent. Deinde amatorum & patrum exemplo leuiora vitia in amicitia dissimulanda esse docet. Postremo ad reprehensionem Stoici paradoxo dilabitur, qui paria esse peccata dicunt.

Omnibus hoc vitium est cantoribus, inter amicos
 Ut numquam inducant animum cantare rogati:
 Iniussi numquam desistant. Sardus habebat
 Ille Tigellius hoc. Caesar, qui cogere posset,
 Si peteret per amicitiam patris, atque suam, non
 Quidquam proficeret: si collibuisse, ab ovo
 Vsque ad mala citaret: Io Bacche, modo summa
 Voce, modo hac resonat quae chordis quattuor ima.
 Nil aequale homini fuit illi. Saepe velut qui
 Currebat fugiens hostem; persaepe velut qui IO
 Iunonis sacra ferret, habebat saepe ducentos,
 Saepe decem seruos: modo reges atque tetrarchas,
 Omnia magna loquens: modo, sit mihi mensa tripes, &
 Concha salis puri, & toga, quae defendere frigus,

Quamuis crassa, queat. Decies centena dedisses 15

Huic parco paucis contento, quinque diebus

Nil erat in oculis. Noctes vigilabat ad ipsum

Mane, diem totam stertebat. Nil fuit umquam

Sic impar sibi. Nunc aliquis dicat mihi: Quid tu?

Nullane habes vitia? immo alia, haud fortasse mi-

nora. 20

Maenius absentem Nouium quum carperet: Heus tu,

(Quidam ait) ignoras te? an ut ignotum dare nobis

Verba putas? Egomet mi ignosco, Maenius inquit.

Stultus & improbus hic amor est, dignusque notari.

Quum tua peruideas oculis mala lippus inunctis, 25

Cur in amicorum vitiis tam cernis acutum,

Quam aut aquila, aut serpens Epidaurius? at tibi

contra

Euenit, inquirant vitia ut tua rursus & illi.

Iracundior est paullo, minus aptus acutis

Naribus horum hominum. Rideri possit, eo quod 30

Rusticius tonso toga defluit, & male laxus

In pede calceus haeret. At est bonus, ut melior vir

Non alius quisquam: at tibi amicus: at ingenium

ingens


Inculto latet hoc sub corpore. Denique te ipsum
Concute, num qua tibi vitiorum inieuerit olim 35
Natura, aut etiam consuetudo mala. Namque
Neglectis vrenda filix innascitur agris.
Illuc praeuertamur: amatorem quod amicae
Turpia decipiunt caecum vitia, aut etiam ipsa haec
Delectant: veluti Balbinum polypus Agnae. 40
Vellem in amicitia sic erraremus: & isti
Errori nomen virtus posuisset honestum.
At, pater ut gnati, sic nos debemus amici,
Si quod sit vitium, non fastidire. Strabonem
Adpellat paetum pater: & pullum, male paruus 45
Si cui filius est: ut abortiuus fuit olim
Sisyphus: hunc varum, distortis cruribus: illum
Balbutit scaurum, prauis fultum male talis.
Parcius hic viuit? frugi dicatur. Ineptus
Et iactantior hic paullo est? concinnus amicis 50
Postulat ut videatur: at est truculentior, atque
Plus aequo liber? simplex fortisque habeatur.
Caldior est? acres inter numeretur; opinor,
Haec res & iungit, iunctos & seruat amicos.
At nos virtutes ipsas inuertimus, atque 55

Sincerum cupimus vas incrustare. Probus quis
 Nobiscum viuit? multum demissus homo. Illi
 Tardo cognomen pingui damus. Hic fugit omnes
 Infidias, nullique malo latus obdit apertum?
 (Quum genus hoc inter vitae versetur, vbi acris 60
 Inuidia atque vigent vbi crimina) pro bene sano
 Ac non incauto, fictum astutumque vocamus
 Simplicior si quis (qualem me saepe libenter
 Obtulerim tibi Maecenas) vt forte legentem
 Aut tacitum impellat, quouis sermone molestus? 65
 Communi sensu plane caret, inquimus. Eheu
 Quam temere in nosmet legem sancimus iniquam!
 Nam vitiis nemo sine nascitur: optimus ille est,
 Qui minimis vrgetur. Amicus dulcis, vt aequum est,
 Quum mea compenset vitiis bona; pluribus hisce, 70
 (Si modo plura mihi bona sunt) inclinet, amari
 Si volet: hac lege, in trutina ponetur eadem.
 Qui, ne tuberibus propriis offendat amicum,
 Postulat, ignoscat verrucis illius. Aequum est,
 Peccatis veniam poscentem, reddere rursus. 75
 Denique, quatenus excidi penitus vitium irae,
 Cetera item nequeunt stultis haerentia: cur non

Ponderibus modulisque suis ratio vtitur? ac res
Vt quaeque est, ita suppliciis delicta coercet?
Si quis eum feruum, patinam qui tollere iussus, 80
Semesos pisces tepidumque ligurrierit ius,
In cruce suffigat; Labeone infanior inter
Sanos dicatur. Quanto hoc furiosius, atque
Maius peccatum est? paullum deliquit amicus:
Quod nisi concedas, habere insuavis, acerbus: 85
Odisti, & fugis, vt Drusonem debitor aeris:
Qui nisi, quum tristes misero venere Calendae,
Mercedem, aut nummos vnde vnde extricat, amaras
Porrecto iugulo historias, captiuus vt audit.
Comminxit lectum potus, mensaue catillum 90
Euandri manibus tritum deiecit: ob hanc rem,
Aut positum ante mea quia pullum in parte catini
Sustulit esuriens, minus hoc iucundus amicus
Sit mihi? quid faciam, si furtum fecerit? aut si
Prodiderit commissa fide? sponsumue negarit? 95
Queis paria esse fere placuit peccata, laborant,
Quum ventum ad verum est: sensus moresque re-
pugnant,
Atque ipsa utilitas, iusti prope mater & aequi.

Quum proreperunt primis animalia terris, 99
 Mutum & turpe pecus, glandem atque cubilia propter
 Vnguibus & pugnīs, dein fustibus, atque ita porro
 Pugnant armis, quae post fabricauerat vsus :
 Donec verba, quibus voces sensusque notarent,
 Nominaque inuenere: dehinc abstinere bello,
 Oppida coeperunt munire, & ponere leges, 105
 Ne quis fur esset, neu latro, neu quis adulter.
 Nam fuit ante Helenam cunnus teterrima belli
 Causa: sed ignotis perierunt mortibus illi,
 Quos Venerem incertam rapientes, more ferarum,
 Viribus editior caedebat, vt in grege taurus. 100
 Iura inuenta metu iniusti fateare necesse est,
 Tempora si fastosque velis euoluere mundi.
 Nec natura potest iusto secernere iniquum,
 Diuidit vt bona diuersis, fugienda petendis: 114
 Nec vincet ratio hoc, tantumdem vt peccet, idemque,
 Qui teneros caules alieni fregerit horti,
 Et qui nocturnus diuum sacra legerit. Adsit
 Regula, peccatis quae poenas irroget aequas :
 Ne scutica dignum, horribili sectere flagello.
 Nam, vt ferula caedas meritum maiora subire 120

Verbera, non vereor: quum dicas esse pares res,
Furta latrociniiis, & magnis parua mineris
Falce recisurum simili te, si tibi regnum
Permittant homines. Si diues, qui sapiens est,
Et futor bonus, & solus formosus, & est rex: 125
Cur optas quod habes? Non nosti, quid pater (inquit)
Chrysippus dicat: Sapiens crepidas sibi numquam
Nec soleas fecit: futor tamen est sapiens. Quo?
Vt, quamuis tacet Hermogenes, cantor tamen, atque
Optimus est modulator: vt Alfenus vafer, omni 130
Abiecto instrumento artis, clausaque taberna,
Sutor erat: sapiens operis sic optimus omnis
Est opifex, sic rex solus. Vellunt tibi barbam
Lasciui pueri: quos tu nisi fuste coerces,
Vrgeris turba circum te stante, miserque 135
Rumperis, & latras, magnorum maxime regum.
Ne longum faciam, dum quadrante lauatum
Rex ibis: neque te quisquam stipator, ineptum
Praeter Crispinum, sectabitur: & mihi dulces
Ignoscent, si quid peccaui stultus, amici: 140
Inque vicem illorum patiar delicta libenter,
Priuatusque magis viuam te rege beatus.



SATYRA IV.

Lucilium, veteres Comicos Graecos sequutum, mordacem fuisse ait. Sua tamen scripta non itidem legi ostendit, quum bona pars hominum, sibi vitii conscia, se ibi perstringi sciant. Se alioqui virulentia carere, ac tantum iocose, & velut paterna quadam castigatione, ad deterrendos a vitiis homines, vti profitetur.

Eupolis, atque Cratinus, Aristophanesque poetae,
Atque alii, quorum comoedia prisca virorum est:
Si quis erat dignus describi, quod malus, aut fur,
Quod moechus foret, aut ficarius, aut alioqui
Famosus: multa cum libertate notabant. 5
Hinc omnis pendet Lucilius, hosce sequutus,
Mutatis tantum pedibus numerisque, facetus,
Emunctae naris, durus componere versus:
Nam fuit hoc vitiosus; in hora saepe ducentos,
Vt magnum, versus dictabat, stans pede in vno. 10
Quum flueret lutulentus, erat quod tollere velles.
Garrulus, atque piger scribendi ferre laborem,
Scribendi recte: nam vt multum, nil moror. Ecce,

Crispinus minimo me prouocat: Accipe, si vis,
 Accipiam tabulas: detur nobis locus, hora, 15
 Custodes: videamus, vter plus scribere possit.

Di bene fecerunt, inopis me quodque pusilli
 Finxerunt animi, raro & perpauca loquentis.

At tu conclusas hircinis follibus auras,
 Vsque laborantes, dum ferrum molliat ignis, 20
 Vt mauis, imitare. Beatus Fannius, vltro
 Delatis capsis & imagine: quum mea nemo
 Scripta legat, vulgo recitare timentis, ob hanc rem,
 Quod sunt, quos genus hoc minime iuuat: vtpote
 plures

Culpari dignos. Quemuis media erue turba: 25
 Aut ob avaritiam, aut misera ambitione laborat.
 Hic nuptarum insanit amoribus, hic puerorum:
 Hunc capit argenti splendor, stupet Albius aere:
 Hic mutat merces surgente a sole, ad eum quo
 Vespertina tepet regio: quin per mala praeceps 30
 Fertur, vti puluis collectus turbine: ne quid
 Summa deperdat metuens, aut ampliet vt rem.
 Omnes hi metuunt versus, odere poetas.
 Foenum habet in cornu, longe fuge; dummodo risum

Excuiat sibi, non hic cuiquam parcat amico: 35

Et quodcumque semel chartis illeuerit, omnes

Gestiet a furno redeuntcs scire, lacuque,

Et pueros, & anus. Agedum, pauca accipe contra.

Primum ego me illorum, dederim quibus esse poetas,

Excerptam numero. Neque enim concludere versum 40

Dixeris esse satis: neque, si quis scribat vti nos,

Sermoni propiora, putes hunc esse poetam,

Ingenium cui sit, cui mens diuinior, atque os

Magna sonaturum, des nominis huius honorem.

Idcirco quidam, comoedia, necne, poema 45

Effet, quaesiuere: quod acer spiritus ac vis

Nec verbis nec rebus inest: nisi quod pede certo

Differt sermoni fermo merus. At pater ardens

Saeuit, quod meretrice nepos insanit amica

Filius, vxorem grandi cum dote recuset: 50

Ebrius & (magnum quod dedecus) ambulet ante

Noctem cum facibus. Numquid Pomponius istis

Audiret leuiora, pater si viueret? ergo

Non satis est puris versum perscribere verbis:

Quem si dissoluas, quiuis stomachetur eodem 55

Quo personatus pacto pater. His, ego quae nunc,

Olim quae stripſit Lucilius, eripias ſi
Tempora certa, modosque, & quod prius ordine
verbum eſt,
Poſterius facias, praeponens vltima primis:
Non, vt ſi ſoluas, „POSTQVAM diſcordia tetra 60
Belli ferratos poſtes portasque refregit: „
Inuenias etiam diſiecti membra poetae.
Haſtenus haec: alias, iuſtum ſit necne poema.
Nunc illud tantum quaeram: meritone tibi ſit
Suſpectum genus hoc ſcribendi. Sulcius acer 65
Ambulat; & Caprius, fauci male, cumque libellis:
Magnus vterque timor latronibus: at bene ſi quis
Et puris viuat manibus, contemnat vtrumque.
Vt ſis tu ſimilis Coeli Byrrhique latronum,
Non ego ſim Capri, neque Sulci: cur metuas me? 70
Nulla taberna meos habeat, neque pila libellos,
Queis manus inſudet vulgi, Hermogenisque Tigelli.
Non recito cuiquam, niſi amicis, idque coactus:
Non vbiuis, coramue quibuslibet. In medio qui
Scripta foro recitent, ſunt multi: quique lauantes: 75
Suaue locus voci reſonat concluſus. Inanes
Hoc iuuat, haud illud quaerentes, num ſine ſenſu,

Tempore num faciant alieno. Laedere gaudes,
 Inquis, & hoc studio paruus facis. Vnde petitur
 Hoc in me iacis? est auctor quis denique eorum 80
 Vixi cum quibus? absentem qui rodit amicum,
 Qui non defendit, alio culpante: solutos
 Qui captat risus hominum, famamque dicacis:
 Fingere qui non visa potest, commissa tacere
 Qui nequit: hic niger est, hunc tu Romane caueto. 85
 Saepe tribus lectis videas coenare quaternos:
 E quibus vnus auet quauis aspergere cunctos;
 Praeter eum, qui praebet aquam: post, hunc quo-
 que potus,

Condita quum verax aperit praecordia Liber.
 Hic tibi comis, & vrbanus, liberque videtur, 90
 Infesto nigris. Ego, si risi, quod ineptus
 Pastillos Rufillus olet, Gorgonius hircum,
 Liuidus & mordax videor tibi. Mentio si qua
 De Capitolini furtis iniecta Petilli
 Te coram fuerit: defendas, vt tuus est mos: 95
 Me Capitolinus conuictore vsus amicoque
 A puero est, caussaue mea permulta rogatus
 Fecit: & incolumis laetor, quod viuut in vrbe:
 Sed tamen admiror, quo pacto iudicium illud

Fugerit. Hic nigrae succus loliginis, haec est 100
Aerugo mera: quod vitium procul abfore chartis,
Atque animo prius, vt si quid promittere de me
Possum aliud, vere promitto. Liberius si
Dixero quid, si forte iocosius, hoc mihi iuris
Cum venia dabis. Infuevit pater optimus hoc me, 105
Vt fugerem exemplis vitiorum quaeque notando,
Quum me hortaretur, parce, frugaliter, atque
Viuerem vti contentus eo, quod mi ipse parasset:
Nonne vides, Albi vt male viuat filius? vtque
Barrus inops? magnum documentum, ne patriam rem
Perdere quis velit. A turpi meretricis amore 111
Quum deterreret: Sectani dissimilis sis.
Ne sequerer moechas, concessa quum Venere vti
Possem: Deprensi non bella est fama Treboni,
Aiebat: sapiens, vitatu, quidque petitu 115
Sit melius, causas reddet tibi: mi satis est, si
Traditum ab antiquis morem seruare, tuamque,
Dum custodis eges, vitam famamque tueri
Incolumem possim: simul ac durauerit aetas
Membra animumque tuum, nabis sine cortice. Sic me
Formabat puerum dictis: & siue iubebat, 121
Vt facerem quid, habes auctorem, quo facias hoc,

Vnum ex iudicibus selectis obiciebat :

Siue vetabat : an hoc inhonestum & inutile factu

Necne sit, addubites, flagret rumore malo quum 125

Hic atque ille ? Auidos vicinum funus vt aegros

Exanimat, mortisque metu sibi parcere cogit :

Sic teneros animos aliena opprobria saepe

Absterrent vitiis. Ex hoc ego sanus ab illis,

Perniciem quaecumque ferunt; mediocribus, & queis

Ignoscas, vitiis teneor. Fortassis & istinc 131

Largiter abstulerit longa aetas, liber amicus,

Consilium proprium. Neque enim, quum lectulus,

aut me

Porticus excepit, defum mihi. Rectius hoc est :

Hoc faciens, viuam melius : sic dulcis amicis 135

Occurram : hoc quidam non belle : numquid ego illi

Imprudens olim faciam simile ? Haec ego mecum

Compressis agito labris, vbi quid datur oti,


Illudo chartis. Hoc est mediocribus illis

Ex vitiis vnum; cui si concedere nolis, 140

Multa poetarum veniat manus, auxilio quae

Sit mihi : nam multo plures sumus : ac veluti te

Iudaei, cogemus in hanc concedere turbam.



SATYRA V.

Iter suum ab vrbe Roma Brundisium vsque describit, exemplo Lucilii, qui itidem quoddam iter suum descripserat. Narrat autem, quae risu digna in eo contigerant: inter quae primum locum obtinet duorum scurrarum Sarmenti & Messii faceta contentio.

Egressum magna me accepit Aricia Roma
 Hospitio modico: rhetor comes Heliodorus,
 Graecorum longe doctissimus. Inde Forum Appi,
 Differtum nautis, cauponibus atque malignis.
 Hoc iter ignaui diuisimus, altius ac nos 5
 Praecinctis vnum. Minus est grauis Appia tardis.
 Hic ego, propter aquam, quod erat deterrima, ventri
 Indico bellum, coenantes haud animo aequo
 Exspectans comites. Iam nox inducere terris
 Umbras, & coelo diffundere signa parabat. 10
 Tum pueri nautis, pueris conuicia nautae
 Ingerere: huc adpelle: trecentos inferis: ohe
 Iam satis est. Dum aes exigitur, dum mula ligatur,
 Tota abit hora. Mali culices, ranaeque palustres

Auertunt fomnos. Absentem cantat amicam 15

Multa prolutus vappa nauta, atque viator

Certatim: tandem fessus dormire viator

Incipit: ac missae pastum retinacula mulae

Nauta piger saxo religat, stertitque supinus.

Iamque dies aderat, quum nil procedere lintrem 20

Sentimus: donec cerebrofus profilit vnus,

Ac mulae nautaeque caput lumbosque saligno

Fuste dolat. Quarta vix demum exponimur hora.

Ora manusque tua lauimus, Feronia, lympha.

Millia tum pransi tria repimus, atque subimus 25

Impositum faxis late candentibus Anxur.

Huc venturus erat Maecenas optimus, atque

Cocceius, missi magnis de rebus vterque

Legati, auersos soliti componere amicos.

Hic oculis ego nigra meis collyria lippus 30

Illinere. Interea Maecenas aduenit, atque

Cocceius, Capitoque simul Fonteius, ad vnguem

Factus homo, Antoni, non vt magis alter, amicus.

Fundos Aufidio Lusco praetore libenter

Linquimus, infani ridentes proemia scribae, 35

Praetextam, & latum clauum, prunaeque batillum.

In Mamurrarum lassī deinde vrbe manemus,
Murena praebente domum, Capitone culinam.
Postera lux oritur multo gratissima: namque
Plotius & Varius Sinuessae, Virgiliusque 40
Occurrunt: animae, quales neque candidiores
Terra tulit, neque queis me sit deuinctior alter.
O qui complexus, & gaudia quanta fuerunt!
Nil ego contulerim iucundo fanus amico.
Proxima Campano ponti quae villula, tectum 45
Praebuit; & parochi quae debent ligna, falemque.
Hinc muli Capuae clitellas tempore ponunt.
Lusum it Maecenas, dormitum ego, Virgiliusque:
Namque pila lippis inimicum, & ludere crudis.
Hinc nos Cocceii recipit plenissima villa, 50
Quae super est Caudi cauponas. Nunc mihi paucis
Sarmenti scurrae pugnam Messique Cicerri
Musa velim memores, & quo patre natus vterque
Contulerit lites. Messi clarum genus Ofci,
Sarmenti domina exstat: ab his maioribus orti 55
Ad pugnam venere. Prior Sarmentus: Equi te
Esse fexi similem dico. Ridemus: & ipse
Messius, Accipio; caput & mouet: O, tua cornu
Ni foret exsecto frons (inquit) quid faceres, quum

Sic mutilus minitaris? At illi foeda cicatrix 60

Setosam laeui frontem turpauerat oris.

Campanum in morbum, in faciem permulta locatus

Pastorem saltaret vti Cyclopa, rogabat:

Nil illi larua, aut tragicis opus esse cothurnis.

Multa Cicerrus ad haec: Donasset iamne catenam 65

Ex voto Laribus, quaerebat: scribe quod esset,

Deterius nihilo dominae ius esse, Rogabat

Denique, cur vmquam fugisset: cui fatis vna

Farris libra foret, gracili sic, tamque pusillo.

Prorsus iucunde coenam produximus illam. 70

Tendimus hinc recta Beneuentum, vbi sedulus hospes

Paene arsit, macros dum turdos versat in igne:

Nam vaga per veterem dilapso flamma culinam

Vulcano, summum properabat lambere testum.

Conuiuas auidos coenam seruosque timentes 75

Tum rapere, atque omnes restinguere velle videres.

Incipit ex illo montes Appulia notos

Ostentare mihi, quos torret Atabulus, & quos

Numquam erepsimus, nisi nos vicina Triuici

Villa recepisset, lacrimoso non sine fumo, 80

Vdos cum foliis ramos vrente camino.

Hic ego mendacem stultissimus vsque puellam
Ad mediam noctem exspecto. Somnus tamen aufert
Intentum Veneri: tum immundo somnia visu 84
Nocturnam vestem maculant, ventremque supinum.
Quattuor hinc rapimur viginti & millia rhedis,
Manfuri oppidulo, quod versu dicere non est,
Signis perfacile est. Venit vilissima rerum
Hic aqua: sed panis longe pulcherrimus, vltra
Callidus vt soleat humeris portare viator: 90
Nam Canusi lapidosus: aquae non ditior vrna,
Qui locus a forti Diomede est conditus olim.
Flentibus hinc Varius discedit moestus amicis.
Inde Rubos fessi peruenimus, vtpote longum
Carpentes iter, & factum corruptius imbri. 95
Postera tempestas melior, via peior, ad vsque
Bari moenia piscosi. Dehinc Gnatia lymphis
Iratis exstructa dedit risusque iocosque:
Dum flamma sine, tura liquefcere limine sacro
Persuadere cupit: credat Iudaeus Apella, 100
Non ego. Namque deos didici securum agere aeuum:
Nec, si quid miri faciat natura, deos id
Tristes ex alto coeli demittere tecto.
Brundisium longae finis chartaeque viaeque est.



SATYRA VI.

Reprehendit vanum populi Romani de nobilitate iudicium, quod eam stemmatum antiquitate, non virtute, metiretur, & nobilitate illa non praeditos ad magistratus non libenter admitteret. Sibi non eadem ratione amicitiam Maecenatis, qua tribunatum, posse quemquam inuidere: quum haec non fortunae fuerit, sed virtutis commendatione quaesita sit. Tandemque suam conditionem longe meliorem in vita priuata ostendit, quam in magistratu esse possit.

Non, quia, Maecenas, Lydorum quidquid Etruscōs
Incoluit fines, nemo generosior est te:

Nec, quod auus tibi maternus fuit atque paternus,
Olim qui magnis legionibus imperitarint:

Vt plerique solent, naso suspendis adunco 5

Ignotos: vt me libertino patre natum.

Quum referre negas, quali sit quisque parente

Natus, dum ingenuus: persuades hoc tibi vere,

Ante potestatem Tulli, atque ignobile regnum,

Multos saepe viros nullis maioribus ortus, 10

Et vixisse probos, amplis & honoribus auctos.

Contra, Laeuinum Valeri genus, vnde superbus
Tarquinius regno pulsus fuit, vnus assis
Non vmquam pretio pluris licuisse, notante
Iudice, quem nosti, populo: qui stultus honores 15
Saepe dat indignis, & famae seruit ineptus:
Quid stupet in titulis & imaginibus. Quid oportet
Nos facere, a vulgo longe lateque remotos?
Namque esto, populus Laeuino mallet honorem
Quam Decio mandare nouo, cenforque moueret 20
Appius, ingenuo si non essem patre natus:
Vel merito, quoniam in propria non pelle quiessem.
Sed fulgente trahit constrictos gloria curru
Non minus ignotos generosis. Quo tibi, Tulli,
Sumere depositum clauum? fierique tribuno? 25
Inuidia accreuit, priuato quae minor esset.
Nam vt quisque infans nigris medium impediit crus
Pellibus, & latum demisit pectore clauum;
Audit continuo: Quis homo hic est? quo patre natus?
Vt si qui aegrotet, quo morbo Barrus, haberi 30
Et cupiat formosus: eat quacumque, puellis
Iniiciat curam quaerendi singula: quali
Sit facie, fura quali, pede, dente, capillo:

Sic qui promittit, ciues, urbem sibi curae,
 Imperium fore & Italiam, & delubra deorum: 35
 Quo patre sit natus, num ignota matre inhonestus,
 Omnes mortales curare & quaerere cogit.

Tunc Syri, Damae, aut Dionysi filius, audes
 Deicere e saxo ciues? aut tradere Cadmo?

At Nouius collega gradu post me sedet vno; 40
 Namque est ille, pater quod erat meus. Hoc tibi

Paulius

Et Messala videris. At hic, si plostra ducenta,
 Concurrantque foro tria funera, magna sonabit,
 Cornua quod vincatque tubas: saltem tenet hoc nos.
 Nunc ad me redeo libertino patre natum, 45

Quem rodunt omnes libertino patre natum
 Nunc, quia, Maecenas, tibi sum conuictor: at olim,
 Quod mihi pareret legio Romana tribuno.

Dissimile hoc illi est: quia non, vt forsit honorem
 Iure mihi inuideat quiuis, ita te quoque amicum: 50

Praesertim cautum dignos adsumere, praua
 Ambitione procul. Felicem dicere non hoc
 Me possum casu, quod te fortitus amicum.

Nulla etenim mihi te fors obtulit: optimus olim

Virgilius, post hunc Varius, dixere quid essem. 55

Vt veni coram, singultim pauca loquutus,

(Infans namque pudor prohibebat plura profari)

Non ego me claro natum patre, non ego circum

Me Satureiano vestari rura caballo,

Sed quod eram, narro: Respondes (vt tuus est mos) 60

Pauca. Ab eo: & reuocas nono post mense, iubesque

Esse in amicorum numero. Magnum hoc ego duco,

Quod placui tibi, qui turpi fecernis honestum,

Non patre praeclaro, sed vita & pectore puro.

Atqui si vitiis mediocribus, ac mea paucis 65

Mendosa est natura, alioqui recta (velut si

Egregio inspersos rependas corpore naeuos)

Si neque avaritiam, neque fordes, ac mala lustra

Obiiciet vere quisquam mihi: purus & infans

(Vt me collaudem) si & viuo carus amicis: 70

Causa fuit pater his: qui macro pauper agello

Noluit in Flauī ludum me mittere, magni

Quo pueri magnis e centurionibus orti,

Laeuo suspensi loculos tabulamque lacerto,

Ibant octonis referentes idibus aera. 75

Sed puerum est ausus Romam portare, docendum

Artes, quas doceat quiuis eques atque fenator
 Semet prognatos: vestem feruosque sequentes
 In magno vt populo si quis vidisset, auita
 Ex re praeberi sumtus mihi crederet illos. 80
 Ipse mihi custos incorruptissimus omnes
 Circum doctores aderat.. Quid multa? pudicum
 (Qui primus virtutis honos) seruauit ab omni
 Non solum facto, verum opprobrio quoque turpi:
 Nec timuit, sibi ne vitio quis verteret, olim 85
 Si praeco paruas, aut (vt fuit ipse) coactor
 Mercedes sequeretur. Neque ego essem questus. Ob
 hoc nunc

Laus illi debetur, & a me gratia maior.
 Nil me poeniteat fanum patris huius: eoque
 Non, vt magna dolo factum negat esse suo pars, 90
 Quod non ingenuos habeat clarosque parentes,
 Sic me defendam. Longe mea discrepat istis
 Et vox & ratio. Nam si natura iuberet
 A certis annis aeuum remeare peractum,
 Atque alios legere ad factum quoscumque parentes: 95
 Optaret sibi quisque: meis contentus, honestos
 Fascibus & sellis nollem mihi sumere: demens

Iudicio vulgi, sanus fortasse tuo: quod

Nollem onus (haud unquam solitus) portare molestum.

Nam mihi continuo maior quaerenda foret res, 100

Atque salutandi plures: ducendus & vnus

Et comes alter, vti ne solus rufus peregreue

Exirem: plures calones, atque caballi

Pascendi: ducenda petorrita. Nunc mihi curto

Ire licet mulo, vel, si libet, vsque Tarentum; 105

Mantica cui lumbos onere vlceret, atque eques armos.

Obiiciet nemo fordes mihi, quas tibi Tulli,

Quum Tiburte via praetorem quinque sequuntur

Te pueri, lasanum portantes, oenophorumque.

Hoc ego commodius, quam tu, praeclare senator, 110

Millibus atque alijs, viuo. Quacumque libido est,

Incedo solus: percontor quanti olus, ac far:

Fallacem Circum, vespertinumque pererro

Saepe forum: adsisto diuinis: inde domum me

Ad porri & ciceris refero laganique catinum. 115

Coena ministratur pueris tribus: & lapis albus

Pocula cum cyatho duo sustinet: adstat echinus

Vilis, cum patera guttus, Campana supellex.

Deinde eo dormitum, non sollicitus, mihi quod cras

Surgendum fit mane, obeundus Marfya, qui se 120

Vultum ferre negat Nouiorum posse minoris.

Ad quartam iaceo; post hanc vagor, aut ego lecto,

Aut scripto, quod me tacitum iuuat. Vngor oliuo,

Non quo fraudatis immundus Natta lucernis.

Ast vbi me fessum sol acrior ire lauatum 125

Admonuit, fugio rabiosi tempora signi.

Pransus non auide, quantum interpellet inani


Ventre diem durare, domesticus otior. Haec est

Vita solutorum misera ambitione grauique.

His me consolor, victurus suauius ac si 130

Quaestor auus, pater atque meus, patruusque fuissent.






SATYRA VII.

Rixam Rupilii cognomento Regis cum Graeculo
quodam Persio describit. Proscriptus enim ab
Augusto Rex fugit ad Brutum, vbi Horatio tunc
tribuno militum ignobilitatem exprobrasse fe-
runt, qui nunc eam contumeliam vlcisci velit.

Proscripti Regis Rupili pus atque venenum,
Hybrida quo pacto sit Persius vltus, opinor
Omnibus & lippis notum & tonforibus esse.
Persius hic permagna negotia diues habebat
Clazomenis, etiam lites cum Rege molestas: 5
Durus homo, atque odio qui possit vincere Regem.
Confidens, tumidusque: adeo sermonis amari,
Sisennas, Barros vt equis praecurreret albis.
Ad Regem redeo. Postquam nihil inter vtrumque
Conuenit, hoc etenim sunt omnes iure molesti, 10
Quo fortes, quibus aduersum bellum incidit. Inter
Hectora Priamiden, animosum atque inter Achillem
Ira fuit capitalis, vt vltima diuideret mors:
Non aliam ob causam, nisi quod virtus in vtroque
Summa fuit. (Duo si discordia vexet inertes: 15

Aut si disparibus bellum incidat, vt Diomedi
 Cum Lycio Glaucō: discedat pigrior, vltro
 Muneribus missis) Bruto praetore tenente
 Ditem Asiam, Rupili & Persi par pugnāt, vti non
 Compositus melius cum Bitho Bacchius. In ius 20
 Acres procurrunt, magnum spectaculum, vterque.
 Persius exponit causam: ridetur ab omni
 Conuentu: laudat Brutum, laudatque cohortem:
 Solem Asiae Brutum adpellat, stellasque salubres,
 Adpellat comites, excepto Rege: canem illum, 25
 Inuisum agricolis fidus, venisse: ruebat
 Flumen vt hibernum, fertur quo rara securis.
 Tum Praenestinus Salfo multumque fluenti
 Expressa arbuſto regerit conuicia, durus
 Vindemiator, & inuictus, cui saepe viator 30
 Cessisset, magna compellans voce cucullum.
 At Graecus, postquam est Italo perfusus aceto,
 Persius exclamat: Per magnos, Brute, deos te
 Oro, qui reges consueris tollere, cur non
 Hunc Regem iugulas? operum hoc (mihi crede)
 tuorum est. 35



SATYRA VIII.

Priapum deum, custodem hortorum, inducit querentem de Canidia & Sagana veneficis, &, quae ab illis in occulto fierent, describentem.

Olim truncus eram ficulnus, inutile lignum :
Quum faber incertus scamnum faceretne Priapum,
Maluit esse deum. Deus inde ego, furum auiumque
Maxima formido ; nam fures dextra coercet,
Obscoenoque ruber porrectus ab inguine palus : 5
Ast importunas volucres in vertice arundo
Terret fixa, vetatque nouis confidere in hortis.
Huc prius angustis eiecta cadauera cellis
Conseruus vili portanda locabat in arca :
Hoc miserae plebi stabat commune sepulcrum, 10
Pantolabo scurrae, Nomentanoque nepoti.
Mille pedes in fronte, trecentos cippus in agrum
Hic dabat : haeredes monumentum ne sequeretur.
Nunc licet Esquiliis habitare salubribus, atque
Aggere in aprico spatium : quo modo tristes 15
Albis informem spectabant ossibus agrum.

Quum mihi non tantum furesque feraeque suetae
Hunc vexare locum, curae sunt atque labori:

Quantum, carminibus quae versant atque venenis
Humanos animos. Has nullo perdere possum 20
Nec prohibere modo, simul ac vaga luna decorum
Protulit os, quin ossa legant, herbasque nocentes.

Vidi egomet nigra succinctam vadere palla
Canidiam, pedibus nudis, passoque capillo,
Cum Sagana maiore ululantem: (pallor utrasque 25
Fecerat horrendas adspectu) scalpere terram

Vnguibus, & pullam diuellere mordicus agnam
Cooperunt; cruor in fossam confusus, ut inde
Manes elicerent, animas responsa daturas.

Lanea & effigies erat, altera cerea: maior 30
Lanea, quae poenis compesceret inferiorem.

Cerea suppliciter stabat, seruilibus, utque
Iam peritura, modis. Hecaten vocat altera, faeuam
Altera Tisiphonen: serpentes, atque videres

Infernas errare canes; lunamque rubentem, 35
Ne foret his testis, post magna latere sepulcra.

Mentior at si quid, merdis caput inquiner albis
Coruorum, atque in me veniant mictum atque cacatum

Iulius, & fragilis Pedatia, furque Voranus.

Singula quid memorem? quo pacto alterna loquentes

Vmbrae cum Sagana resonarent triste & acutum? 41

Vtque lupi barbam variae cum dente colubrae

Abdiderint furtim terris; & imagine cerea

Largior arserit ignis; & vt non testis inultus

Horruegim voces Furiarum & facta duarum. 45

Nam, displosa sonat quantum vesica, pepedi

Diffusa nate ficus: at illae currere in urbem.

Canidiae dentes, altum Saganae caliendrum

Excidere, atque herbas, atque incantata lacertis

Vincula, cum magno risuque iocoque videres. 50



SATYRA IX.

Describit cuiusdam, in quem forte inciderat, importunam & pertinacem garrulitatem, qua iactabunde quaedam, nonnulla impudenter, omnia stulte deblaterans, diu inuitum detinuerit, & propemodum enecarit.

Ibam forte via sacra (sicut meus est mos)
 Nescio quid meditans nugarum, & totus in illis:
 Adcurrit quidam notus mihi nomine tantum,
 Arreptaque manu, Quid agis, dulcissime rerum?
 Suauiter, vt nunc est, inquam: & cupio omnia, quae vis.
 Quum adfectaretur: Num quid vis? occupo: at ille:
 Noris nos (inquit) docti sumus. Hic ego, Pluris
 Hoc (inquam) mihi eris. Misere discedere quaerens,
 Ire modo ocius, interdum consistere, in aurem
 Dicere nescio quid puero: quum sudor ad imos
 Manaret talos. O te, Bollane, cerebri
 Felicem! aiebam tacitus. Quum quidlibet ille
 Garriret; vicos, urbem laudaret: vt illi
 Nil respondebam: Misere cupis (inquit) abire:
 Iamdudum video: sed nil agis: vsque tenebo, 15

Persequar. Hinc quo nunc iter est tibi? nil opus est te
Circumagi: quemdam volo visere, non tibi notum:
TransThyberim longe cubat is, propeCaesaris hortos.
Nil habeo quod agam, & non sum piger: usque
sequar te:

Demitto auriculas, ut iniquae mentis asellus, 20
Quum grauius dorso subiit onus. Incipit ille:
Si bene me noui, non Viscum pluris amicum,
Non Varium facies: nam quis me scribere plures
Aut citius possit versus? quis membra mouere 24
Mollius? inuideat quod & Hermogenes, ego canto.
Interpellandi locus hic erat: Est tibi mater?
Cognati, quis te saluo est opus? Haud mihi quisquam:
Omnes composui. Felices! Nunc ego resto.
Confice, namque instat fatum mihi triste, Sabella
Quod puero cecinit, diuina mota anus vrna. 30
Hunc neque dira venena, nec hosticus auferet ensis,
Nec laterum dolor, aut tussis, nec tarda podagra:
Garrulus hunc quando consumet cumque: loquaces
Si sapiat, vitet, simul atque adoleuerit aetas.
Ventum erat ad Vestae, quarta iam parte diei 35
Praeterita, & casu tunc respondere vadato

Debebat; quod ni fecisset, perdere litem.

Si me amas (inquit) paullum hic ades. Inteream, si

Aut valeo stare, aut noui ciuilia iura: 39

Et propero, quo scis. Dubius sum, quid faciam (inquit)

Tene relinquam, an rem. Me fodes. Non faciam, ille;

Et praecedere coepit. Ego (vt contendere durum est,

Cum victore) sequor. Maecenas quomodo tecum?

Hinc repetit. Paucorum hominum, & mentis bene
fanae:

Nemo dexterius fortuna est vfus. Haberes 45

Magnum adiutorem, posset qui ferre secundas,

Hunc hominem velles si tradere: dispeream, ni

Summos omnes. Non isto viuimus illic,

Quo tu rere modo: domus hac nec purior vlla est,

Nec magis his aliena malis: nil mi officit vmquam, 50

Ditior hic aut est quia doctior; est locus vni-

Cuique suus. Magnum narras, vix credibile. Atqui

Sic habet. Accendis, quare cupiam magis illi

Proximus esse. Velis tantummodo, quae tua virtus,

Expugnabis; & est qui vinci possit: eoque 55

Difficiles aditus primos habet. Haud mihi deero:

Muneribus seruos corrumpam: non, hodie si
Exclusus fuero, desistam; tempora quaeram:
Occurram in triuiis: deducam. Nil sine magno
Vita labore dedit mortalibus. Haec dum agit, ecce, 60
Fuscus Aristius occurrit, mihi carus, & illum
Qui pulchre nosset: consistimus. Vnde venis? &
Quo tendis? rogat, & respondet. Vellere coepi,
Et prensare manu lentissima brachia, nutans,
Distorquens oculos, vt me eriperet: male falsus 65
Ridens dissimulare: meum iecur vrere bilis.
Certe nescio quid secreto velle loqui te
Aiebas mecum. Memini bene: sed meliori
Tempore dicam: hodie tricesima sabbata. Vin' tu
Curtis Iudaeis oppedere? Nulla mihi (inquam) 70
Religio est. At mi: sum paullo infirmior, vnus
Multorum? ignosces; alias loquar. Hunc cene solem
Tam nigrum surrexe mihi! fugit improbus, ac me
Sub cultro linquit. Casu venit obuius illi
Aduersarius: &, Quo tu turpissime? magna 75
Exclamat voce: &, licet antestari? Ego vero
Oppono auriculam: rapit in ius. Clamor vtrinque,
Vndique concursus. Sic me seruauit Apollo.

SATYRA X.

Hac satyra respondet iis, quos offenderat supra satyra quarta, quum Lucilii versus reprehenderet: ac suae reprehensionis rationem reddit, qua eam fuisse iustam ostendit.

Nempe incomposito dixi pede currere versus
Lucili: quis tam Lucili fautor inepte est,
Vt non hoc fateatur? at idem, quod saepe multo
Vrbem defricuit, charta laudatur eadem.
Nec tamen hoc tribuens, dederim quoque cetera,
nam sic 5

Et Laberi mimos, vt pulchra poemata, mirer.

Ergo non fatis est risu diducere rictum

Auditoris: & est quaedam tamen hic quoque virtus.

Est breuitate opus, vt currat sententia, neu se

Impediat verbis lassas onerantibus aures. 10

Et sermone opus est modo tristi, saepe iocoso:

Defendente vicem modo rhetoris, atque poetae.

Interdum vrbani parcentis viribus, atque

Extenuantis eas consulto. Ridiculum acri

Fortius & melius magnas plerumque secat res. 15

Illi, scripta quibus comoedia prisca viris est,
Hoc stabant, hoc sunt imitandi: quos neque pulcher
Hermogenes umquam legit, neque simius iste,
Nil praeter Caluum & doctus cantare Catullum.
At magnum fecit, quod verbis Graeca Latinis 20
Miscuit. O feri studiorum! quine putetis
Difficile & mirum, Rhodio quod Pitholeonti
Contigit? at sermo lingua concinnus utraque
Suauior, ut Chio nota si commista Falerni est.
Quum versus facias, te ipsum percontor, an, & quum
Dura tibi peragenda rei sit causa Petilli, 26
Scilicet oblitus patriaeque patrisque Latini,
Quum Pedius causas exsudet Poplicola, atque
Coruinus; patriis intermiscere petita
Verba foris malis, Canusini more bilinguis? 30
Atque ego quum Graecos facerem, natus mare citra,
Versiculos; vetuit me tali voce Quirinus
Post mediam noctem visus, quum somnia vera;
In siluam non ligna feras insanius, ac si
Magnas Graecorum malis implere cateruas. 35
Turgidus Alpinus iugulat dum Memnona, dumque
Diffingit Rheni luteum caput, haec ego ludo;

Quae nec in aede sonent certantia iudice Tarpa,

Nec redeant iterum atque iterum spectanda theatri.

Arguta meretrice potes, Dauoque Chremeta 40

Eludente senem, comis garrere libellos,

Vnus viuorum, Fundani: Pollio regum

Facta canit, pede ter percusso: forte epos acer,

Vt nemo, Varius ducit: molle atque facetum

Virgilio annuerunt gaudentes rure Camoenae. 45

Hoc erat, experto frustra Varrone Atacino,

Atque quibusdam aliis, melius quod scribere possem,

Inuentore minor: neque ego illi detrahere ausim

Haerentem capiti multa cum laude coronam.

At dixi fluere hunc lutulentum, saepe ferentem 50

Plura quidem tollenda relinquendis: age, quaeso,

Tu nihil in magno doctus reprendis Homero?

Nil comis tragici mutat Lucilius Acci?

Non ridet versus Enni grauitate minores,

Quum de se loquitur, non vt maiore reprehens? 55

Quid vetat, & nosmet Lucili scripta legentes,

Quaerere num illius, num rerum dura negarit

Versiculos natura magis factos, & euntes

Mollius? ac si quis pedibus quid claudere senis

Hoc tantum contentus, amet scripſiſſe ducentos. 60

Ante cibum verſus, totidem coenatus: Etrufci

Quale fuit Caſſi rapido feruentius amni

Ingenium: capſis quem fama eſt eſſe librisque

Ambuſtum propriis. Fuerit Lucilius, inquam,

Comis & vrbanus, fuerit limatior idem, 65

Quam rudis, & Graecis intacti carminis auctor,

Quamque poetarum ſeniorum turba: ſed ille,

Si foret hoc noſtrum fato dilatus in aeuum,

Detereret ſibi multa, recideret omne, quod vltra

Perfectum traheretur, & in verſu faciendo. 70

Saepe caput ſcaberet, viuos & roderet vngues.

Saepe ſtylum veritas, iterum, quae digna legi ſint,

Scripturus: neque te, vt miretur turba, labores,

Contentus paucis lectoribus: an tua demens

Vilibus in ludis dictari carmina malis? 75

Non ego; nam ſatis eſt equitem mihi plaudere: vt

audax

Contemptis aliis exploſa Arbuſcula dixit.


Men' moueat cimex Pantilius? aut crucier, quod

Vellicet abſentem Demetrius? aut quod ineptus

Fannius Hermogenis laedat conuiua Tigelli? 80

Plotius, & Varius, Maecenas, Virgiliusque,
Valgius, & probet haec Octavius optimus, atque
Fuscus: & haec vtinam Viscorum laudēt vterque.
Ambitione relegata, te dicere possum,
Pollio, te, Messala, tuo cum fratre: simulque 85
Vos Bibuli, & Serui: simul his te, candide Furni,
Complures alios, doctos ego quos & amicos
Prudens praetereo, quibus haec, sint qualiacumque,
Arridere velim, doliturus, si placeant spe
Deterius nostra. Demetri, teque, Tigelli, 90
Discipularum inter iubeo plorare cathedras.
I puer, atque meo citus haec subscribe libello.





Q. HORATII F.

S A T Y R A R V M

L I B E R II.

SATYRA I.

Sibi datum a Trebatio consilium de scribendis re-
bus gestis Augusti, potius quam satyris (utpote
in quibus alii aliud desiderent) exponit: & cur
ei parere non possit, ostendit.

Sunt, quibus in satyra videar nimis acer & ultra
Legem tendere opus: sine nervis altera, quidquid
Composui, pars esse putat: similesque meorum
Mille die versus deduci posse. Trebati,
Quid faciam, praescribe. Quiescas. Ne faciam, inquis,
Omnino versus? Aio. Peream male, si non 6
Optimum erat: verum nequeo dormire. Ter vincti
Transiunto Thyberim, somno quibus est opus alto:
Irriguumque mero sub noctem corpus habento.
Aut, si tantus amor scribendi te rapit, aude 10

Caesaris inuisti res dicere, multa laborum
 Praemia laturus. Cupidum, pater optime, vires
 Deficiunt: neque enim quiuis horrentia pilis
 Agmina, nec fracta pereuntes cuspide Gallos,
 Aut labentis equo describat vulnera Parthi. 15
 Attamen & iustum poteras, & scribere fortem,
 Scipiadam vt sapiens Lucilius. Haud mihi deero,
 Quum res ipsa feret. Nisi dextro tempore, Flacci,
 Verba per attentam non ibunt Caesaris aurem:
 Cui male si palpere, recalcitrat vndique tutus. 20
 Quanto rectius hoc, quam tristi ludere versu
 Pantolabum scurram, Nomentanumque nepotem?
 Quum sibi quisque timet, quamquam est intactus, & odit.
 Quid faciam? saltat Milonius, vt semel isto
 Accessit feruor capiti, numerusque lucernis. 25
 Castor gaudet equis: ouo prognatus eodem
 Pugnis: quot capitum viuunt, totidem studiorum
 Millia: me pedibus delectat claudere verba
 Lucili ritu, nostrum melioris vtroque.
 Ille velut fidis arcana sodalibus, olim 30
 Credebat libris: neque, si male gesserat, vsquam
 Decurrens alio, neque si bene: quo fit, vt omnis

Votiva pateat veluti descripta tabella

Vita senis. Sequor hunc, Lucanus, an Appulus, anceps:

Nam Venusinus arat finem sub vtrumque colonus, 35

Missus ad hoc, pulsus (vetus est vt fama) Sabellis:

Quo ne per vacuum Romano incurreret hostis.

Siue quod Appula gens, seu quod Lucania bellum

Incuteret violenta. Sed hic stylus haud petet vltro

Quemquam animantem: & me, veluti custodiet ensis

Vagina tectus: quem cur distringere coner 41

Tutus ab infestis latronibus? o pater, & rex

Iuppiter, vt pereat positum rubigine telum:

Nec quisquam noceat cupido mihi pacis! at ille,

Qui me commoritur (melius non tangere, clamo:) 45

Flebit, & insignis tota cantabitur vrbe.

Ceruius iratus leges minitatur & urnam,

Canidia Albuci, quibus est inimica, venenum,

Grande malum Turius, si quis se iudice certet.

Vt, quo quisque valet, suspectos terreat, vtque 50

Imperet hoc natura potens, sic collige mecum.

Dente lupo, cornu taurus petit: vnde nisi intus

Monstratum? Scaevae viuacem crede nepoti

Matrem: nil faciet sceleris pia dextera mirum,

Vt neque calce lupo quemquam, neque dente pe-
tit bos. 55

Sed mala tollet anum vitiato melle cicuta.

Ne longum faciam: seu me tranquilla fenestus

Exspectat, seu mors atris circumuolat alis:

Diues, inops, Romae, seu fors ita iusserit, exsul,

Quisquis erit vitae, scribam, color. O puer, ut sis 60

Vitalis metuo, & maiorum ne quis amicus

Frigore te feriat. Quid? quum est Lucilius ausus

Primus in hunc operis componere carmina morem,

Detrahere & pellem, nitidus qua quisque per ora

Cederet, introrsum turpis; num Laelius, aut qui 65

Duxit ab oppressa meritum Carthagine nomen,

Ingenio offensi? aut laeso doluere Metello?

Famosisque Lupo cooperto versibus? atqui

Primores populi arripuit, populumque tributim:

Scilicet vni aequus virtuti, atque eius amicis. 70

Quin ubi se a vulgo, & scena, in secreta remorant

Virtus Scipiadae, & mitis sapientia Laeli;

Nugari cum illo, & discincti ludere, donec

Decoqueretur olus, soliti. Quidquid sum ego,

quamuis

Infra Lucili censum, ingeniumque, tamen me 75

Cum magnis vixisse inuita fatebitur vsque

Inuidia, & fragili quaerens illidere dentem,

Offendet solido: nisi quid tu, docte Trebati,

Dissentis. Equidem nihil hic diffindere possum.

Sed tamen vt monitus caueas, ne forte negoti 80

Incutiat tibi quid sanctarum incscitia legum,

Si mala condiderit in quem quis carmina, ius est,

Iudiciumque. Esto, si quis mala: sed bona si quis

Iudice condiderit, laudatur Caesare, si quis

Opprobriis dignum latrauerit, integer ipse, 85

Soluentur risu tabulae, tu missus abibis.



SATYRA II.

Sub Ofelli persona luxui deditos infectatur. De eo loquens, qui gulae feruit, eum dicit non certo iudicio, sed opinione quadam stulte concepta delicias in nonnullis cibis confectari. Atque ut incommoda recenset, quae comitantur hunc, qui circa victum & luxum, sic commoda, quae tenui & frugali insunt, enumerat.

Quae virtus, & quanta, boni, sit vivere paruo,
 (Nec meus hic sermo est: sed quem praecepit Ofellus
 Rusticus, abnormis sapiens, crassaque Minerua).
 Discite non inter lances, mensasque nitentes,
 Quum stupet insanis acies fulgoribus, & quum
 Acclinis falsis animus meliora recusat;
 Verum hic impransi mecum disquirite. Cur hoc?
 Dicam si potero. Male verum examinat omnis
 Corruptus iudex. Leporem sectatus, equoque
 Lassus ab indomito, vel, si Romana fatigat. 10
 Militia adfuetum graecari, seu pila velox,
 Molliter austerum studio fallente laborem,
 Seu te discus agit: pete cedentem aera disco.

Quum labor extuderit fastidia: ficcus, inanis
Sperne cibum vilem: nisi Hymettia mella Falerno 15
Ne hiberis diluta: foris est promus, & atrum
Defendens pisces hiemat mare, cum fale panis
Latrantem stomachum bene leniet. Vnde putas, aut
Qui partum? non in caro nidore voluptas
Summa, sed in te ipso est: tu pulmentaria quaere 20
Sudando: pinguem vitiiis albumque, nec ostrea,
Nec scarus, aut poterit peregrina iuuare lagois.
Vix tamen eripiam, posito pauone, velis quin
Hoc potius, quam gallina tergere palatum,
Corruptus vanis rerum: quia veneat auro 25
Rara avis, & picta pandat spectacula cauda:
Tamquam ad rem adtineat quidquam. Num vesce-
ris ista,
Quam laudas, pluma? cocto num adest honor idem?
Carne tamen quamuis distat nihil hac magis illa,
Imparibus formis deceptum te patet: esto. 30
Vnde datum sentis, lupo hic, Tiberinus, an alto
Captus hiet? pontesne inter iactatus, an amnis
Ostia sub Tusci? laudas, insane, trilibrem
Mullum: in singula quem minuas pulmenta necesse est.

Ducit te species, video: quo pertinet ergo 35

Proceros odisse lupos? quia scilicet illis

Maiorem natura modum dedit, his breue pondus.

Ieiunus raro stomachus vulgaria temnit.

Porrectum magno magnum spectare catino

Vellem, ait Harpyiis gula digna rapacibus; at vos 40

Praesentes Austri coquite horum obsonia: quamquam

Putet aper, rhombusque recens, mala copia quando

Aegrum sollicitat stomachum: quum rapula plenus

Atque acidas mauult inulas. Nec dum omnis abacta

Pauperies epulis regum: nam vilibus ouis, 45

Nigrisque est oleis hodie locus. Haud ita pridem

Galloni praeconis erat acipensere mensa

Infamis: quid? tum rhombos minus aequor alebat?

Tutus erat rhombus, tutoque ciconia nido:

Donec vos auctor docuit praetorius. Ergo 50

Si quis nunc mergos suaues edixerit affos;

Parebit prauis docilis Romana iuuentus.

Sordibus a tenui victu distabit, Ofello

Iudice. Nam frustra vitium vitaueris illud,

Si te alio prauum detorseris. Auidienus, 55

Cui Canis ex vero dictum cognomen adhaeret,
Quinquennes oleas est, & siluestria corna,
Ac, nisi mutatum, parcit defundere vinum, &
Cuius odorem olei nequeas perferre (licebit
Ille repotia, natales, aliosue dierum 60
Festos albatu celebrat) cornu ipse bilibri
Caulibus instillat, veteris non parcus aceti.
Quali igitur victu sapiens utetur? & horum
Vtrum imitabitur? hac urget lupo, hac canis, aiunt.
Mundus erit, qui non offendant sordibus, atque 65
In neutram partem cultus miser: hic neque feruis,
Albuci senis exemplo, dum munia didit,
Saeuus erit: neque sic ut simplex Naeuius, vinctam
Conuiuiis praebebit aquam. vitium hoc quoque
magnum.

Accipe nunc, victus tenuis quae, quantaque secum 70
Adferat. In primis valeas bene: nam, variae res
Ut noceant homini, credas, memor illius escae,
Quae simplex olim tibi federit: at simul assis
Miscueris elixa, simul conchyliis turdis,
Dulcia se in bilem vertent, stomachoque tumultum 75
Lenta feret pituita. Vides, ut pallidus omnis

Coena defurgat dubia? quin corpus onustum
 Hesternis vitiis animum quoque praegravat vna,
 Atque adfigit humo diuinae particulam aerae.

Alter, vbi dicto citius curata sopori 80

Membra dedit, vegetus praescripta ad munia surgit.
 Hic tamen ad melius poterit transcurrere quondam,
 Siue diem festum rediens adduxerit annus,

Seu recreare volet tenuatum corpus: vbique
 Accedent anni, & tractari mollius aetas 85

Imbecilla volet. Tibi quidnam accedet ad istam,
 Quam puer, & validus praesumis, mollitiem; seu
 Dura valetudo inciderit, seu tarda senectus?

Rancidum aprum antiqui laudabant; non quia nasus
 Illis nullus erat: sed, credo, hac mente, quod hospes
 Tardius adueniens, vitiatum commodius, quam 91
 Integrum edax dominus consumeret. Hos vtinam

inter

Heroas natum tellus me prima tulisset!

Das aliquid famae, quae carmine gratior aurem
 Occupat humanam? grandes rhombi, patinaeque 95

Grande ferunt vna cum damno dedecus: adde
 Iratum patrum, vicinos, te tibi iniquum,

Et frustra mortis cupidum, quum deerit egenti
Aes, laquei pretium. Iure inquis, Thraſius iſtis
Iurgatur verbis: ego veſtigalia magna, 100
Diuitiasque habeo tribus amplas regibus. Ergo
Quod ſuperat, non eſt, melius quo inſumere poſſis?
Cur eget indignus quiſquam te diuite? quare
Templa ruunt antiqua deum? cur improbe carae
Non aliquid patriae tanto emetiris aceruo? 105
Vni nimirum tibi recte ſemper erunt res?
O magnus poſthac inimicis riſus! Vterne
Ad caſus dubios fidet ſibi certius? hic, qui
Pluribus adſuerit mentem, corpusque ſuperbum,
An qui contentus paruo, metuensque futuri, 110
In pace, vt ſapiens, aptarit idonea bello?
Quo magis his credas: puer hunc ego paruus Ofellum
Integris opibus noui non latius uſum,
Quam nunc acciſis. Videas metato in agello
Cum pecore, & gnatis fortem mercede colonum, 115
Non ego, narrantem, temere edi luce profeſta
Quidquam, praeter olus fumoſae cum pede pernae.
Ac, mihi ſeu longum poſt tempus venerat hoſpes,
Siue operum vacuo gratus conuiua per imbrem

Vicinus; bene erat, non piscibus vrbe petitis, 120
 Sed pullo, atque haedo: tum pensilis vua secundas,
 Et nux ornabat menfas, cum duplici ficu.

Post hoc ludus erat cuppa potare magistra:

Ac venerata Ceres, vt culmo surgeret alto,

Explicuit vino contractae feria frontis. 125

Saeuiat, atque nouos moueat fortuna tumultus,

Quantum hinc imminuet? quanto aut ego parcus,

aut vos

O pueri nituistis, vt nunc nouus incola venit?

Nam propriae telluris herum natura neque illum,

Nec me, nec quemquam statuit: nos expulit ille, 130

Illum aut nequities, aut vafri inscitia iuris,

Postremo expellet certe viuacior haeres.


Nunc ager Vmbreni sub nomine, nuper Ofelli

Dictus, erit nulli proprius: sed cedit in vsum

Nunc mihi, nunc alii. Quocirca viuite fortes: 135

Fortiaque aduersis opponite pectora rebus.





SATYRA III.

Damasippum inducit ipsum accusantem, quod nihil scriberet: deinde sub persona Damasippi Stoicum paradoxon tractat, nimirum, stultos omnes insanire.

Sic raro scribis, vt toto non quater anno
 Membranam poscas, scriptorum quaeque retexens,
 Iratus tibi, quod vini somnique benignus
 Nil dignum sermone canas. Quid fiet? ab ipsis
 Saturnalibus huc fugisti. Sobrius ergo 5
 Dic aliquid dignum promissis: incipe; Nil est.
 Culpantur frustra calami, immeritusque laborat
 Iratis natus paries dis atque poetis.
 Atqui vultus erat multa & praeclara minantis,
 Si vacuum tepido cepisset villula testō. 10
 Quorsum pertinuit stipare Platona Menandro?
 Eupolim, Archilochum, comites educere tantos?
 Inuidiam placare paras virtute relicta?
 Contemnere miser. Vitanda est improba Siren
 Desidia: aut quidquid vita meliore parasti, 15

Ponendum aequo animo. Di te, Damasippe, deaeque
 Verum ob consilium donent tonsore. Sed vnde
 Tam bene me nosti? Postquam omnis res mea Ianum
 Ad medium fracta est, aliena negotia curo,
 Excussus propriis. Olim nam quaerere amabam, 20
 Quo vaser ille pedes lauisset Sisyphus aëre,
 Quid sculptum infabre, quid fustum durius esset.
 Callidus huic signo ponebam millia centum:
 Hortos egregiasque domos mercarier vnus
 Cum lucro noram: vnde frequentia Mercuriale 25
 Imposuere mihi cognomen compita. Noui,
 Et morbi miror purgatum te illius. Atqui
 Emouit veterem mire nouus, vt solet, in cor
 Traiecto lateris miseri capitisque dolore. 29
 Vt lethargicus hic, quum fit pugil, & medicum vrget.
 Dum ne quid simile huic, esto vt libet. O bone, ne te
 Frustrere: infanis & tu, stultique prope omnes:
 Si quid Stertinius veri crepat: vnde ego mira
 Descripsi docilis praecepta haec, tempore quo me
 Solatus iussit sapientem pascere barbam, 35
 Atque a Fabricio non tristem ponte reuerti.
 Nam male re gesta quum vellem mittere operto

Me capite in flumen, dexter stetit, & caue faxis
Te quidquam indignum. Pudor (inquit) te malus
vrget,

Infanos qui inter vereare infanus haberi. 40
Primum nam inquiram, quid sit furere: hoc si erit
in te

Solo, nil verbi, pereas quin fortiter, addam.
Quem mala stultitia, & quaecumque inscitia veri
Caecum agit, infanum Chryssippi, porticus & grex
Autumat. Haec populos, haec magnos formula reges,
Excepto sapiente, tenet. Nunc accipe, quare 46
Desipiant omnes, aequae ac tu, qui tibi nomen
Infano posuere. Velut silvis, ubi passim
Palantes error, certo de tramite pellit,
Ille sinistrorsum, hic detrorsum abit: vnus utrique 50
Error, sed variis illudit partibus. Hoc te
Crede modo infanum: nihilo ut sapientior ille,
Qui te deridet, caudam trahat. Est genus vnum
Stultitiae, nihilum metuenda timentis: ut ignes,
Ut rupes, fluuiosque in campo obstare queratur: 55
Alterum & huic varium, & nihilo sapientius, ignes
Per medios, fluuiosque ruentis; clamet amica,

Mater, honesta foror, cum cognatis, pater, vxor:

Hic fossa est ingens, hic rupes maxima: serua:

Non magis audierit, quam Fufius ebrius olim, 60

Quum Ilionam edormit, Catienis mille ducentis,

Mater te adpello, clamantibus: huic ego vulgum

Errori similem cunctum insanire docebo.

Insanit veteres statuas Damasippus emendo:

Integer est mentis Damasippi creditor? esto. 65

Accipe quod numquam reddas mihi, si tibi dicam,

Tunc insanus eris, si acceperis? an magis excors

Reiecta praeda, quam praefens Mercurius fert?

Scribe decem a Nerio: non est fatis: adde Cicutae

Nodosi tabulas centum: mille adde catenas: 70

Effugiet tamen haec sceleratus vincula Proteus.

Quum rapies in ius, malis ridentem alienis,

Fiet aper, modo auis, modo faxum, &, quum

volet arbor.

Si male rem gerere, insani est; contra bene, fani;

Putidius multo cerebrum est (mihi crede) Perilli, 75

Dictantis, quod tu numquam rescribere possis.

Audire, atque togam iubeo componere, quisquis

Ambitione mala, aut argenti pallet amore:

Quisquis luxuria, tristiue superstitione,
Aut alio mentis morbo calet. Huc propius me, 80
Dum doceo insanire omnes, vos ordine adite.
Danda est ellebori multo pars maxima auaris:
Nescio an Anticyram ratio illis destinet omnem.
Haeredes Staberi summam incidere sepulcro:
Ni sic fecissent, gladiatorum dare centum 85
Damnati populo paria, atque epulum, arbitrio Arri,
Frumenti quantum metit Africa. Siue ego praue,
Seu recte hoc volui, ne sis patruus mihi. Credo,
Hoc Staberi prudentem animum vidisse. Quid ergo
Sensit, quum summam patrimoni insculpere saxo 90
Haeredes voluit? Quoad vixit, credidit ingens
Pauperiem vitium, & cauit nihil acrius: ut si
Forte minus locuples vno quadrante periret,
Ipse videretur sibi nequior: omnis enim res,
Virtus, fama, decus, diuina, humanaque pulchris 95
Diuitiis parent: quas qui construxerit, ille
Clarus erit, fortis, iustus, sapiens etiam, & rex,
Et quidquid volet. Hoc, veluti virtute paratum,
Sperauit magnae laudi fore. Quid simile isti
Graecus Aristippus? qui seruos proicere aurum 100

In media iussit Lybia: quia tardius irent
 Propter onus segnes. Vter est infanior horum?
 Nil agit exemplum, litem quod lite resoluit.
 Si quis emit citharas, emtas comportet in vnum,
 Nec studio citharae, nec Musae deditus vlli: 105
 Si scalpra & formas non futor, nautica vela
 Auerfus mercaturis; delirus & amens
 Vndique dicatur merito. Quid discrepat istis,
 Qui nummos aurumque recondit, nescius vti
 Compositis, metuensque velut contingere sacrum?
 Si quis ad ingentem frumenti semper aceruum III
 Porrectus vigilet cum longo fuste; neque illinc
 Audeat efuriens dominus contingere granum,
 Ac potius foliis parcus vescatur amaris:
 Si positis intus Chii veterisque Falerni 115
 Mille cadis (nihil est, tercentum millibus) acre
 Potet acetum: age, si & stramentis incubet, vnde
 Octoginta annos natus, cui stragula vestis,
 Blattarum ac tinearum epulae, putrescat in arca:
 Nimirum infanus paucis videatur, eo quod 120
 Maxima pars hominum morbo iactatur eodem.
 Filius, aut etiam haec libertus vt ebibat haeres,

Dis inimice senex custodis, ne tibi desit?

Quantulum enim summae curtabit quisque dierum,

Vngere si caules oleo meliore, caputque 125

Coeperis impexa foedum porrigine? quare,

Si quiduis fatis est, periuras, furripis, aufers

Vndique? tun' sanus? populum si caedere faxis

Incipias, seruosque tuos, quos aere pararis;

Infantum te omnes pueri clamentque puellae. 130

Quum laqueo vxorem interimis, matremque veneno,

Incolumni capite es? Quid enim? Neque tu hoc fa-

cis Argis,

Nec ferro, vt demens genitricem occidit Orestes.

An tu reris eum occisa infanisse parente?

Ac non ante malis dementem actum furiis, quam 135

In matris iugulo ferrum tepefecit acutum?

Quin ex quo est habitus male tutae mentis Orestes,

Nil sane fecit, quod tu reprehendere possis:

Non Pyladen ferro violare aususue sororem

Electram: tantum maledixit vtrique, vocando 140

Hanc, furiam, hunc, aliud, iussit quod splendida bilis.

Pauper Opimius argenti positi intus & auri,

Qui Veientanum festis potare diebus

Campana solitus trulla, vappamque profestis;
 Quondam lethargo grandi est oppressus, vt haeres 145
 Iam circum loculos & clauas laetus ouansque
 Curreret. Hunc medicus multum celer atque fidelis
 Excitat hoc pacto: mensam poni iubet, atque
 Effundi faccos nummorum, accedere plures
 Ad numerandum: hominem sic erigit: addit & illud:
 Ni tua custodis, auidus iam haec auferet haeres. 151
 Men' viuo? Vt viuas igitur, vigila: hoc age.

Quid vis?

Deficient inopem venae te, ni cibus atque
 Ingens accedat stomacho fultura ruenti.
 Quid cessas? agedum, fume hoc ptisanarium orizae.
 Quanti emtae? Paruo. Quanti ergo? Octo assibus.
 Eheu! 156

Quid refert, morbo, an furtis, pereamne rapinis?
 Quisnam igitur sanus? Qui non stultus. Quid avarus?
 Stultus & infanus. Quid? si quis non sit avarus,
 Continuo sanus? Minime. Cur Stoice? Dicam. 160
 Non est cardiacus (Craterum dixisse putato)
 Hic aeger. Recte est igitur furgetque? Negabit:
 Quod latus aut renes morbo tententur acuto.

Non est periurus, neque sordidus. Immolet aequis
Hic porcum Laribus. Verum ambitiosus & audax. 165
Nauiget Anticyram: quid enim differt, barathrone
Dones quidquid habes, an numquam utare paratis?
Seruius Oppidius Canusi duo praedia, diues,
Antiquo censu, natis diuisse duobus
Fertur, & haec moriens pueris dixisse vocatis 170
Ad lectum: Postquam te talos, Aule, nucesque
Ferre sinu laxo, donare & ludere vidi,
Te, Tiberi, numerare, cauis abscondere tristem;
Extimui, ne vos ageret vefania discors:
Tu Nomentanum, tu ne sequerere Cicutam. 175
Quare per diuos oratus vterque Penates,
Tu caue ne minuas, tu ne maius facias, id,
Quod fatis esse putat pater, & natura coerces.
Praeterea ne vos titillet gloria, iure-
Iurando obstringam ambo: vter aedilis fuerit, vel 180
Vestrum praetor, is intestabilis & sacer esto.
In cicere, atque faba, bona tu perdasque lupinis,
Latus vt in circo spatiere, aut aeneus vt stes,
Nudus agris, nudus nummis insane paternis?
Scilicet vt plausus, quos fert Agrippa, feras tu, 185

Astuta ingenuum vulpes imitata leonem?

Ne quis humasse velit Aiacem Atrida vêtas cur?

Rex sum. Nil vltra quaero plebeius. Et aequam
Rem imperito: ac, si cui videor non iustus, inulto
Dicere, quae sentit, permitto. Maxime regum 190
Di tibi dent capta classem redducere Troia:

Ergo consulere, & mox respondere licebit?

Consule. Cur Ajax heros ab Achille secundus

Putrescit, toties seruatis clarus Achiuis,
Gaudeat vt populus Priami, Priamusque inhumato,
Per quem tot iuuenes patrio caruere sepulcro? 196
Mille ouium insanus morti dedit, inclitum Vlysssem,
Et Menelaum vna mecum se occidere clamans.

Tu quum pro vitula statuis dulcem, Aulide, natam
Ante aras, spargisque mola caput, improbe, falsa,
Rectum animi seruas? Quorsum? Insanus quid enim

Ajax 201

Fecit, quum strauit ferro pecus? abstinuit vim
Vxore, & gnato, mala multa precatus Atridis:
Non ille aut Teucrum, aut ipsum violauit Vlysssem.
Verum ego, vt haerentes aduerso litore naues 205
Eriperem, prudens placavi sanguine diuos.

Nempe tuo, furiose. Meo, sed non furiosus.

Qui species alias veris, scelerisque tumultu

Permissas capiet, commotus habebitur: atque

Stultitiane erret, nihilum distabit, an ira. 210

Ajax immeritos dum occidit, desipit, agnos?

Quum prudens scelus ob titulos admittis inanes,

Stas animo? & purum est vitio tibi quum tumidum
est cor?

Si quis lectica nitidam gestare amet agnam,

Huic vestem vt gnatae, paret, ancillas paret, aurum,

Pusam aut pusillam adpellet, fortique marito 216

Destinet vxorem: interdicto huic omne adimat ius

Praetor, & ad sanos abeat tutela propinquos.

Quid? si quis gnatam pro muta deuouet agna,

Integer est animi? ne dixeris. Ergo vbi praua 220

Stultitia, hic summa est infania: qui sceleratus,

Et furiosus erit: quem cepit vitrea fama,

Hunc circumtonuit gaudens Bellona cruentis.

Nunc age luxuriam, & Nomentanum arripe mecum.

Vincit enim stultos ratio insanire nepotes. 225

Hic simul accepit patrimoni mille talenta,

Edicit, piscator vti, pomarius, auceps,

Vnguentarius, ac Tusci turba impia vici,
 Cum scurris fartor, cum Velabro omne macellum
 Mane domum veniant. Quid tum? Venere fre-
 quentes, 230

Verba facit leno: quidquid mihi, quidquid & horum
 Cuique domi est, id crede tuum: & vel nunc pete,
 vel cras.

Accipe, quid contra iuuenis responderit aequus:

In niue Lucana dormis ocreatus, vt aprum
 Coenem ego: tu pisces hiberno ex aequore verris: 235

Segnis ego, indignus qui tantum possideam: aufer:
 Sume tibi decies, tibi tantumdem, tibi triplex

Vnde vxor media currat de nocte vocata.

Filius Aesopi detractam ex aure Metellae,

(Scilicet vt decies solidum exforberet) aceto 240

Diluit insignem baccam: qui sanior ac si

Illud idem in rapidum flumen iaceretue cloacam?

Quinti progenies Arri, par nobile fratrum,

Nequitia & nugis, prauorum & amore gemellum,

Luscinias soliti impenso prandere coemtas. 145

Quorsum abeant sani? creta an carbone notandi?

Aedificare casas, plostello adiungere mures,
Ludere par impar, equitare in arundine longa,
Si quem delectat barbatum; amentia verset.
Si puerilius his ratio esse evincet, amare; 250
Nec quidquam differre, vtrumne in puluere, trimus
Quale prius, ludas opus, an meretricis amore
Sollicitus plores: quaero, faciasne, quod olim
Mutatus Polemon? ponas insignia morbi,
Fasciolas, cubital, focalia: potus vt ille 255
Dicitur ex collo furtim carpsisse coronas.
Postquam est impransū correptus voce magistri,
Porrigis irato puero quum poma, recusat.
Sume Catelle! negat: si non des, optat: amator
Exclusus qui distat? agit vbi secum, eat, an non 260
Quo rediturus erat non arcessitus, & haeret
Inuisis foribus. Nec nunc, quum me vocet vltro,
Accedam? an potius mediter finire dolores?
Exclussit, reuocat: redeam? non, si obsecret. Ecce
Seruus, non paullo sapientior. O here, quae res 265
Nec modum habet, neque consilium, ratione mo-
doque
Traçtari non vult. In amore haec sunt mala: bellum,

Pax rursus. Haec si quis tempestatis prope ritu
 Mobilia, & coeca fluitantia sorte, laboret
 Reddere certa sibi, nihilo plus explicet, ac si 270
 Insanire paret certa ratione, modoque.

Quid? quum Picens excerpens femina pomis,
 Gaudes, si cameram percussi forte, penes te es?
 Quid? quum balba feris annoso verba palato:
 Aedificante casus qui sanior? adde cruorem 275
 Stultitiae, atque ignem gladio scrutare: modo
 (inquam)

Hellade percussa Marius quum praecipitat se,
 Cerritus fuit? an commotae crimine mentis
 Absolues hominem, & sceleris damnabis eundem,
 Ex more imponens cognata vocabula rebus? 280
 Libertinus erat, qui circum compita ficans
 Lautis mane senex manibus currebat, & vnum,
 Quiddam magnum addens, Vnum me surpitem morti,
 Dis etenim facile est, orabat: sanus vtrisque
 Auribus atque oculis, mentem, nisi litigiosus 285
 Exciperet dominus, quum venderet: hoc quoque
 vulgus

Chrysippus ponit fecunda in gente Meneni.

Iuppiter, ingentes qui das, adimisque dolores,
(Mater ait pueri menses iam quinque cubantis,)
Frigida si puerum quartana reliquerit; illo 390
Mane die, quo tu indicis ieiunia, nudus
In Tiberi stabit: casus medicusue leuarit
Aegrum ex praecipiti, mater delira necabit
In gelida fixum ripa, febrimque reducet.
Quone malo mentem concussa? timore deorum. 295
Haec mihi Stertinius sapientum octauus amico
Arma dedit, posthac ne compellarer inultus.
Dixerit insanum qui me, totidem audiet, atque
Respicere ignoto discet pendentia tergo.
Stoice, post damnum sic vendas omnia pluris; 300
Qua me stultitia (quoniam non est genus vnum)
Insanire putas? ego nam videor mihi sanus.
Quid? caput abscissum demens quum portat Agaue
Gnati infelicis, sibi tum furiosa videtur?
Stultum me fateor (liceat concedere veris) 305
Atque etiam insanum: tantum hoc ediffere, quo me
Aegrotare putes animi vitio. Accipe: primum
Aedificas: hoc est, longos imitaris, ab imo
Ad summum totus moduli bipedalis: & idem

Corpore maiorem rides Turbonis in armis 310

Spiritum & incessum: qui ridiculus minus illo?

An quodcumque facit Maecenas, te quôque verum est,

Tanto dissimilem, & tanto certare minorem?

Absentis ranae pullis vituli pede pressis,

Vnus vbi effugit, matri denarrat, vt ingens 315

Bellua cognatos eliserit. Illa rogare,

Quantane? num tandem, se inflans, sic magna fuisset?

Maior dimidio. Num tanto? Quum magis atque

Se magis inflaret; non, si te ruperis (inquit)

Par eris. Haec a te non multum abludit imago. 320

Adde poemata nunc: hoc est, oleum adde camino;

Quae si quis sanus fecit, sanus facis & tu.


Non dico horrendam rabiem (iam desine) cultum

Maiorem censu, (teneas Damasippe tuis te.)

Mille puellarum, puerorum mille furores. 325

O maior tandem parcas insane minori.





SATYRA IV.

Sub persona cuiusdam Catii philosophi Epicurei
irridet Epicureorum praecepta ad artem culi-
nariam spectantia.

Vnde, & quo Catius? Non est mihi tempus, auenti
Ponere signa nouis praeceptis, qualia vincunt
Pythagoram, Anytique reum, doctumque Platona.
Peccatum fateor, quum te sic tempore laeuo
Interpellarim: sed des veniam bonus, oro. 5
Quod si interciderit tibi nunc aliquid, repetes mox;
Sive est naturae hoc, siue artis; mirus utroque.
Quin id erat curae, quo pacto cuncta tenerem,
Vtpote res tenues, tenui sermone peractas.
Ede hominis nomen: simul, an Romanus, an hospes.
Ipse memor praecepta canam: celabitur auctor. II
Longa quibus facies ouis erit, illa memento,
Vt succi melioris, & ut magis alba rotundis
Ponere: namque marem cohibent callosa vitellum.
Caule suburbano, qui siccis creuit in agris, 15
Dulcior. Irriguo nihil est elutius horto.

Si vespertinus subito te oppresserit hospes,
 Ne gallina malum responset dura palato,
 Doctus eris viuam misto mersare Falerno;
 Hoc teneram faciet. Pratenfibus optima fungis 20
 Natura est: aliis male creditur. Ille salubres
 Aestates peraget, qui nigris prandia moris
 Finiet, ante grauem quae legerit arbore solem.
 Aufidius forti miscebat mella Falerno,
 Mendose: quoniam vacuis committere venis 25
 Nil nisi lene decet: leni praecordia mulso
 Prolueris melius. Si dura morabitur aluus,
 Mitulus & viles pellent obstantia conchae;
 Et lapathi brevis herba, sed albo non sine Coo.
 Lubrica nascentes implent conchyliia lunae. 30
 Sed non omne mare est generosae fertile testae.
 Murice Baiano melior Lucrina peloris:
 Ostrea Circeis, Miseno oriuntur echini:
 Pectinibus patulis iactat se molle Tarentum.
 Nec sibi coenarum quiuvis temere adroget artem? 30
 Non prius exacta tenui ratione saporum.
 Nec fatis est cara pisces auertere mensa,
 Ignarum quibus est ius aptius, & quibus assis

Languidus in cubitum iam se conuiua reponet.

Vmber & iligna nutritus glande rotundas 40

Curuet aper lances carnem vitantis inertem.

Nam Laurens malus est, vluis & arundine pinguis.

Vinea submittit capreas non semper edules.

Fecundi leporis sapiens sectabitur armos.

Piscibus, atque auibus quae natura, & foret aetas, 45

Ante meum nulli patuit quaesita palatum.

Sunt, quorum ingenium noua tantum crustula promit.

Nequaquam fatis in re vna consumere curam.

Vt si quis solum hoc, mala ne sint vina, laboret:

Quali perfundat pisces securus oliuo. 50

Massica si coelo subponas vina sereno,

Nocturna, si quid crassi est, tenuabitur aura,

Et decedet odor neruis inimicus: at illa

Integrum perdunt lino vitiata saporem.

Surrentina vafer qui miscet faece Falerna 55

Vina, columbino limum bene colligit ouo:

Quatenus ima petit voluens aliena vitellus.

Tostis marcentem squillis recreabis, & Afra

Potorem cochlea: nam lactuca innatat acri

Post vinum stomacho: perna magis, ac magis hillis 60

Flagitat in morsus refici: quin omnia malit,
 Quaecumque immundis feruent adlata popinis.
 Est operae pretium duplicis pernoscere iuris
 Naturam. Simplex e dulci constat oliuo,
 Quod pingui miscere mero, muriaque decebit, 65
 Non alia quam qua Byzantia putruit orca.
 Hoc vbi confusum festis inferbuit herbis,
 Corycioque croco sparsum stetit; insuper addes
 Pressa Venafranae quod bacca remisit oliuae.
 Picenis cedunt pomis Tiburtia succo: 70
 Nam facie praestant. Venucula conuenit ollis.
 Rectius Albanam fumo duraueris vuam.
 Hanc ego cum malis, ego faecem primus, & haelec,
 Primus & inuenior piper album, cum sale nigro
 Incretum, puris circumposuisse catillis. 75
 Immane & vitium, dare millia terna macello,
 Angustoque vagos pisces vrgere catino.
 Magna mouent stomacho fastidia, seu puer vnctis
 Tractauit calicem manibus; dum furta ligurrit:
 Siue grauis veteri craterae limus adhaesit. 80
 Vilibus in scopis, in mappis, in scobe, quantus
 Consistit sumtus? neglectis, flagitium ingens.

Ten' lapides varios lutulenta radere palma,
Et Tyrias dare circum illota toralia vestes?
Oblitum, quanto curam, sumtumque minorem 85
Haec habeant, tanto reprehendi iustius illis,
Quae nisi diuitibus nequeunt contingere mensis?
Docte Cati, per amicitiam, diuosque rogatus,
Ducere me auditum, perges quocumque, memento.
Nam quamuis referas memóri mihi pectore cuncta : 90
Non tamen interpres tantumdem iuueris. Adde
Vultum habitumque hominis : quem tu vidisse beatus
Non magni pendis, quia contigit : at mihi cura
Non mediocris inest, fontes vt adire remotos,
Atque haurire queam vitae praecepta beatae. 95





SATYRA V.

Sub persona Vlyssis Tiresiae umbram apud inferos
consulentis, poeta insidiatores & captatores
testamentorum describit.

Hoc quoque Tiresia, praeter narrata, petenti
Responde: quibus amissas reparare queam res
Artibus atque modis. Quid rides? Iamne doloso
Non satis est Ithacam reuehi, patriosque Penates
Adspicere? O nulli quidquam mentite, vides, vt 5
Nudus inopsque domum redeam te vate: neque illic
Aut apotheca procis intacta est, aut pecus, atqui
Et genus, & virtus, nisi cum re, vilior alga est.
Quando pauperiem missis ambagibus horres;
Accipe qua ratione queas ditescere. Turdus, 10
Siue aliud prium dabitur tibi, deuolet illuc,
Res vbi magna nitet domino fene: dulcia poma,
Et quoscumque feret cultus tibi fundus honores,
Ante Larem gustet venerabilior Lare diues:
Qui quamuis periurus erit, sine gente, cruentus 15
Sanguine fraterno, fugitiuus; ne tamen illi

Tu comes exterior, si postulet, ire recuses.
Vtne tegam spurco Damae latus? haud ita Troiae
Me gessi, certans semper melioribus. Ergo
Pauper eris. Fortem hoc animum tolerare iubebo. 20
Et quondam maiora tui: tu protinus, vnde
Diuitias aerisque ruam, dic augur, aceruos.
Dixi equidem, & dico: captes astutus vbique
Testamenta fenum: neu, si vafer vnus & alter
Insidiatorem praeroso fugerit hamo, 25
Aut spem deponas, aut artem illusus omittas.
Magna, minorue foro si res certabitur olim,
Viuat vter locuples sine gnatis, improbus vltro
Qui meliorem audax vocet in ius, illius esto
Defensor: fama ciuem caussaue priorem. 30
Sperne, domi si gnatus erit, fecundaue coniux.
Quinte puta, aut Publi (gaudent praenomine molles
Auriculae) tibi me virtus tua fecit amicum.
Ius anceps noui, causas defendere possum.
Eripiet quiuis oculos citius mihi, quam te. 35
Contemtum, cassa nuce pauperet: haec mea cura est,
Ne quid tu perdas, neu sis iocus. Ire domum atque
Pelliculam curare iube: si cognitor ipse,

Persta atque obdura, seu rubra Canicula findet
Infantes statuas, seu pingui tentus omafo 40
Furius hibernas cana niue conspuet Alpes.
Nonne vides, (aliquis cubito stantem prope tangens
Inquiet) vt patiens? vt amicis aptus? vt acer?
Plures annabunt thynni, & cetaria crescent.
Si cui praeterea validus male filius in re 45
Praeclara sublatus aletur, ne manifestum
Coelibis obsequium nudet te, leniter in spem
Adrepe officiosus, vt & scribare secundus
Haeres, &, si quis casus puerum egerit Orco,
In vacuum venias: perraro haec alea fallit. 50
Qui testamentum tradet tibi cumque legendum,
Abnuere, & tabulas a te remouere memento:
Sic tamen vt limis rapias, quid prima secundo
Cera velit versu: solus, multisne cohaeres,
Veloci percurrere oculo: plerumque recoctus 55
Scribe ex quinqueviro coruum deludet hiantem,
Captatorque dabit risus Nasica Corano.
Num furis? an prudens ludis me, obscura canendo?
O Laertiade, quidquid dicam, aut erit, aut non:

Diuinare etenim magnus mihi donat Apollo. 60

Quid tamen ista velit sibi fabula, si licet, ede.

Tempore quo iuuenis Parthis horrendus, ab alto

Demissum genus Aenea, tellure, marique

Magnus erit, forti nubet procera Corano

Filia Nasicæ, metuentis reddere soldum. 65

Tum gener hoc faciet: tabulas socero dabit, atque

Vt legat orabit. Multum Nasicæ negatas

Accipiet tandem, & tacitus leget, inuenietque

Nil sibi legatum, præter plorare, suisque.

Illud ad hæc iubeo: mulier si forte dolosa 70

Libertusue senem delirum temperet, illis

Accedas focius: laudes, lauderis vt absens.

Adiuuat hoc quoque: sed vincit longe prius, ipsum

Expugnare caput. Scribet mala carmina vecors?

Laudato. Scortator erit? caue te roget: vltro 75

Penelopen facilis potiori trade. Putasne,

Perduci poterit, tam frugi, tamque pudica,

Quam nequiere proci recto depellere cursu?

Venit enim magnum donandi parca iuuentus,

Nec tantum Veneris, quantum studiosa culinae. 80

Sic tibi Penelope frugi est: quae si semel vno
 De fene gustarit, tecum partita lucellum,
 Vt canis, a corio numquam absterrebitur vncto.
 Me fene, quod dicam, factum est. Anus improba
 Thebis


Ex testamento sic est elata: cadauer 85
 Vnctum oleo largo nudis humeris tulit haeres.
 Scilicet elabi si posset mortua; credo,
 Quod nimium insisterat viuenti. Cautus adito:
 Neu desis operae, neue immoderatus abundes.
 Difficilem & morosum offendet garrulus: vltro 90
 Non etiam fileas. Dauus sis comicus, atque
 Stas capite obstipo, multum similis metuenti.
 Obsequio grassare: mone, si increbruit aura,
 Cautus vti velet carum caput: extrahe turba
 Obpositis humeris: aurem substringe loquaci. 95
 Importunus amat laudari? donec, Ohe iam,
 Ad coelum manibus sublatis, dixerit, vrge, &
 Crescentem tumidis infla sermonibus vtrem.
 Quum te seruitio longo curaue leuarit,
 Et certum vigilans, Quartae sit partis Vlysses, 100

Audieris haeres: ergo nunc Dama sodalis
Nusquam est? unde mihi tam fortem, tamque
fidelem?

Sparge subinde: &, si paullum potes, illacri-
mare est

Gaudia prodentem vultum celare. Sepulcrum
Permissum arbitrio sine fordibus exstrue: funus 105
Egregie factum laudet vicinia. Siquis
Forte cohaeredum senior male tussiet, huic tu
Dic, ex parte tua, seu fundi siue domus sit
Emtor, gaudentem nummo te addicere. Sed me
Imperiosa trahit Proserpina. Viue, valeque. 110





SATYRA VI.

Se contentum iis, quae habet, viuere, ac plura non optare dicit. Deinde otii sui, quo ruri fruitur, commoda cum incommodis negotiorum & molestiarum, quae vitam vrbanam comitantur, comparat.

Hoc erat in votis: modus agri non ita magnus,
 Hortus vbi, & tecto vicinus iugis aquae fons,
 Et paullum siluae super his foret: auctius, atque
 Di melius fecere: bene est: nihil amplius oro,
 Maia nate, nisi vt propria haec mihi munera faxis. 5
 Si neque maiorem feci ratione mala rem,
 Nec sum facturus vitio culpaue minorem:
 Si veneror stultus nihil horum; O si angulus ille
 Proximus accedat, qui nunc denormat agellum!
 O si urnam argenti fors qua mihi monstret! vt illi, Io
 Thesauro inuento qui mercenarius agrum
 Illum ipsum mercatus arauit, diues amico
 Hercule: si quod adest, gratum iuuat: hac prece
 te oro,

Pingue pecus domino facias, & cetera, praeter

Ingenium: utque soles, custos mihi maximus adsis. 15

Ergo ubi me in montes, & in arcem ex urbe remoui,

Quid prius illustrem Satyris, Musaque pedestri?

Nec mala me ambitio perdit, nec plumbeus Auster,

Autumnusque grauis, Libitinae quaestus acerbæ.

Matutine pater, seu Iane libentius audis, 20

Vnde homines operum primos vitæque labores

Instituunt (sic dis placitum) tu carminis esto

Principium. Romæ sponforem me rapis: eia,

Ne prior officio quisquam respondeas, vrge:

Siue Aquilo radit terras, seu bruma niualem 25

Interiore diem gyro trahit, ire necesse est.

Postmodo, quod mi obstat, clare, certumque loquuto,

Luctandum in turba: facienda iniuria tardis.

Quid vis insane? & quas res agis? Improbis vrget

Iratis precibus: tu pulses omne quod obstat, 30

Ad Maecenatem memori si mente recurras.

Hoc iuuat, & melli est, non mentiar: at simul atras

Ventum est Esquilias, aliena negotia centum

Per caput, & circa saliunt latus. Ante secundam

Roscium orabat sibi adesses ad Puteal cras. 35

De re communi scribæ magna atque noua te

Orabant hodie meminisses, Quinte, reuerti:
 Inprimat his, cura, Maecenas signa tabellis.
 Dixeris, Experiar: si vis, potes, addit, & instat.
 Septimus octauo propior iam fugerit annus, 40
 Ex quo Maecenas me coepit habere suorum
 In numero: dumtaxat ad hoc, quem tollere rheda
 Vellet, iter faciens, & cui concedere nugas
 Hoc genus: Hora quota est? Thrax est Gallina Syro
 par?

Matutina parum cautos iam frigora mordent, 45
 Et, quae rimosa bene deponuntur in aure.
 Per totum hoc tempus subiectior in diem & horam
 Inuidiae. Noster ludos spectauerat vna,
 Luferat in campo, Fortunae filius, omnes.
 Frigidus a rostris manat per compita rumor; 50
 Quicumque obuius est, me consulit: O bone (nam te
 Scire, deos quoniam propius contingis, oportet)
 Num quid de Dacis audisti? Nil equidem. Vt tu
 Semper eris derisor! at omnes di exagitent me,
 Si quidquam. Quid? militibus promissa, Triquetra
 Praedia Caesar, an est Itala tellure daturus? 56
 Iurantem me scire nihil mirantur, vt vnum

Scilicet egregii mortalem, altiue silenti.

Perditur haec inter misero lux, non sine votis;

O rus, quando ego te adspiciam? quandoque licebit, 60

Nunc veterum libris, nunc somno, & inertibus horis

Ducere sollicitae iucunda obliuia vitae?

O quando faba Pythagorae cognata, simulque

Vincta fatis pingui ponentur oluscula lardo?

O noctes coenaeque deum: quibus ipse, meique 65

Ante Larem proprium vescor, vernasque procaces

Pasco libatis dapibus: prout cuique libido est,

Siccant inaequales calices conuiuia, solutus

Legibus insanis: seu quis capit acria fortis

Pocula, seu modicis humescit laetius. Ergo 70

Sermo oritur, non de villis domibusue alienis,

Nec male, necne Lepos saltet: sed quod magis ad nos

Pertinet, & nescire malum est, agitamus: Vtrumne

Diuitiis homines, an sint virtute beati:

Quidue ad amicitias, vsus, rectumue trahant nos: 75

Et quae sit natura boni, summumque quid eius.

Ceruius, haec inter, vicinus garrit aniles

Ex re fabellas. Nam si quis laudat Arelli

Sollicitas ignarus opes, sic incipit: Olim

Rusticus vrbanum murem mus paupere fertur 80

Accepisse cauo, veterem vetus hospes amicum;

Asper, & attentus quaesitis, vt tamen artum

Solueret hospitiis animum. Quid multa? neque illi

Sepositi ciceris, nec longae inuidit auenae:

Aridum & ore ferens acinum, semesaque lardi 85

Frustra dedit: cupiens varia fastidia coena

Vincere tangentis male singula dente superbo:

Quum pater ipse domus, palea porrectus in horna,

Effet ador, loliumque, dapis meliora relinquens.

Tandem vrbanus ad hunc: Quid te iuuat, (inquit)

amice, 90

Praerupti nemoris patientem viuere dorso?

Vis tu homines vrbemque feris praeponere siluis?

Carpe viam, (mihi crede) comes: terrestria quando

Mortales animas viuunt fortita, neque vlla est 95

Aut magno, aut paruo leti fuga: quo, bone, circa,

Dum licet, in rebus iucundis viue beatus:

Viue memor, quam sis aevi brevis. Haec vbi dicta

Agrestem populere, domo leuis exsilit: inde

Ambo propositum peragunt iter, vrbis auentes

Moenia nocturni subrepere. Iamque tenebat 100

Nox medium coeli spatium, quum ponit vterque
In locuplete domo vestigia: rubro vbi cocco
Tincta super lectos canderet vestis eburnos,
Multaque de magna superessent fercula coena,
Quae procul exstructis inerant hesternae canistris. 105
Ergo vbi purpurea porrectum in veste locauit
Agrestem, veluti subcinctus cursitat hospes,
Continuatque dapes: nec non vernaliter ipsis
Fungitur officiis, praelambens omne, quod adfert.
Ille cubans gaudet mutata forte, bonisque 110
Rebus agit laetum conuiuium: quum subito ingens
Valuarum strepitus lectis excussit vtrumque.
Currere per totum pauidi conclaue, magisque
Exanimes trepidare, simul domus alta Molossis
Personuit canibus. Tum rusticus: haud mihi vita 115
Est opus hac (ait) & valeas: me silua caesusque
Tutus ab insidiis tenui solabitur eruo.





SATYRA VII.

Horatius inducit seruum vehementer dominum suum increpantem, quod aliter viuat quam promiserat, aut prae se ferat.

Iam dudum ausculto: & cupiens tibi dicere seruus
Pauca, reformido. Dauusne? ita, Dauus amicum
Mancipium domino, & frugi, quod sit satis: hoc est,
Vt vitale putes. Age, libertate Decembri,
(Quando ita maiores voluerunt) vtere: narra. 5

Pars hominum vitiis gaudet constanter, & vrget
Propositum: pars multa notat, modo recta capeffens,
Interdum prauis obnoxia. Saepe notatus
Cum tribus annellis, modo laeua Priscus inani,
Vixit inaequalis, clauum vt mutaret in horas: 10
Aedibus ex magnis subito se conderet, vnde
Mundior exiret vix libertinus honeste.

Iam moechus Romae, iam mallet doctus Athenis
Viuerē, Vertumnis, quotquot sunt, natus iniquis.
Scurra Volanerius, postquam illi iusta chiragra 15
Contudit articulos; qui pro se tolleret, atque

Mitteret in phimum talos, mercede diurna
Conductum paut: quanto constantior idem
In vitiis, tanto leuius miser, ac prior ille,
Qui iam contento, iam laxo fune laborat. 20
Non dices hodie, quorsum haec tam putida tendant,
Furcifer? Ad te, inquam. Quo pacto, pessime? Laudas
Fortunam & mores antiquae plebis, & idem,
Si quis ad illa deus subito te agat, vsque recuses:
Aut quia non sentis, quod clamas, rectius esse, 25
Aut quia non firmus rectum defendis, & haeres,
Nequidquam coeno cupiens euellere plantam.
Romae rus optas, absentem rusticus urbem
Tollis ad astra leuis: si nusquam es forte vocatus
Ad coenam, laudas securum olus, ac, velut vsquam 30
Vinctus eas, ita te felicem dicis, amasque,
Quod nusquam tibi sit potandum: iusserit ad se
Maecenas ferum sub lumina prima venire
Conuiuiam: Nemon' oleum feret ocius? ecquis
Audit? cum magno blateras clamore, fugisque. 35
Miluius & scurrae tibi non referenda precati
Discedunt. Etenim fateor, me dixerit ille
Duci ventre leuem: nasum nidore supinor:

Imbecillus, iners: si quid vis, adde, popino.
 Tu, quum sis quod ego, & fortassis nequior, vltro 40
 Insectere, velut melior? verbisque decoris
 Obuoluas vitium? quid, si me stultior ipso
 Quingentis emto drachmis deprnderis? aufer
 Me vultu terrere, manum stomachumque teneto,
 Dum, quae Crispini docuit me ianitor, edo. 45
 Te coniux aliena capit, meretricula Dauum.
 Peccat vter nostrum cruce dignius? acris vbi me
 Natura incendit, sub clara nuda lacerna
 Quaecumque excepit turgentis verbera caudae,
 Clunibus aut agitauit equum lasciua supinum: 50
 Dimittit neque famosum, neque sollicitum, ne
 Ditior, aut formae melioris meiat eodem.
 Tu, quum proiectis insignibus, annulo equestri,
 Romanoque habitu, prodis ex iudice, Dama
 Turpis, odoratum caput obscurante lacerna, 55
 Non es, quod simulas? metuens induceris, atque
 Altercante libidinibus tremis ossa pauore.
 Quid refert, vri virgis, ferroque necari?
 Auctoratus eas, an turpi clausus in arca,
 Quo te demisit peccati conscia herilis 60

Contractum, genibus tangas caput? estne marito

Matronae peccantis in ambos iusta potestas?

In corruptorem vel iustior? illa tamen se

Non habitu, mutatae loco, peccatae superne,

Quum te formidet mulier, neque credat amanti. 65

Ibis sub furcam prudens, dominoque furenti

Committes rem omnem, & vitam, & cum corpore
famam.

Euasti? credo, metues, doctusque cauebis.

Quaeres, quando iterum paueas, iterumque perire

Possis. O toties feruus! quae bellua ruptis 70

Quum semel effugit, reddit se praua catenis?

Non sum moechus, ais. Neque ego hercule fur,
vbi vasa

Praetereo sapiens argentea. Tolle periculum,

Iam vaga profiliet frenis natura remotis.

Tunc mihi dominus, rerum imperiis, hominumque 75

Tot, tantisque minor? quem ter vindicta quaterque

Imposita haud umquam misera formidine priuet?

Adde supra dictis, quod non leuius valeat. Nam

Siue vicarius est, qui seruo paret (vti mos 79

Vester ait) seu conseruus; tibi quid sum ego? nempe

Tu, mihi qui imperitas, aliis feruis miser, atque
Ducers, vt neruis alienis mobile lignum.

Quisnam igitur liber? sapiens, sibi que imperiosus:
Quem neque pauperies, neque mors, neque vin-
cula terrent:


Responfare cupidinibus, contemnere honores 85
Fortis, & in seipso totus teres, atque rotundus,
Externi ne quid valeat per laeue morari:

In quem manca ruit semper fortuna. Potesne
Ex his, vt proprium, quid noscere? quinque talenta
Poscit te mulier, vexat, foribusque repulsum 90
Perfundit gelida: rursus vocat. Eripe turpi
Colla iugo. Liber, liber sum, dic age. Non quis.
Vrget enim dominus mentem non lenis, & acres
Subiectat lasso stimulos, versatque negantem.

Vel quum Pausiaca torpes, insane, tabella, 95
Qui peccas minus atque ego, quum Fului Rutubaeque
Aut Placideiani contento poplite miror
Proelia rubrica picta aut carbone: velut si
Re vera pugnent, feriant, vitentque mouentes
Arma viri? nequam & cessator Dauus: at ipse 100
Subtilis, veterum iudex & callidus audis.

Nil ego, si ducor libo fumante: tibi ingens
Virtus atque animus coenis responSAT opimis.
Obsequium ventris mihi perniciosius est: cur?
Tergo plector enim. Qui tu impunitior, illa 105
Quae paruo fumi nequeunt, quum obsonia captas?
Nempe inamareSCunt epulae sine fine petitae,
Illusque pedes vitiosum ferre recusant
Corpus. An hic peccat, sub noctem qui puer vua
Furtiuam mutat strigilem? qui praedia vendit, 110
Nil seruile gulae parens habet? adde, quod idem.
Non horam tecum esse potes, non otia recte
Ponere: teque ipsum vitas fugitius, vt erro:
Iam vino quaerens, iam fomno fallere curam. 114
Frustra: nam comes atra premit, sequiturque fugacem.
Vnde mihi lapidem? quorsum est opus? vnde sagittas?
Aut insanit homo, aut versus facit. Ocuis hinc te
Ni rapis, accedes opera agro nona Sabino.





SATYRA VIII.

Horatius Fundanum amicum suum interrogat, qualis Nasidieni fuerit coena, cui ipse interfuerat.

Vt Nasidieni iuuit te coena beati?

Nam mihi quaerenti conuiuiam, dictus here illic

De medio potare die. Sic vt mihi numquam

In vita fuerit melius. Da, (si graue non est)

Quae prima iratum ventrem placauerit esca. 5

In primis Lucanus aper leni fuit Austro

Captus, vt aiebat coenae pater: acria circum

Rapula, lactucae, radices: qualia lassum

Peruellunt stomachum: sifer, alec, faecula Coa.

His vbi sublatis, puer alte cinctus acernam 10

Gausape purpureo mensam perterfit, & alter

Sublegit quodcumque iaceret inutile, quodque

Possset coenantes offendere: vt Attica virgo

Cum sacris Cereris, procedit fuscus Hydaspes,

Caecuba vina ferens: Alcon, Chium, maris experts. 15

Hic herus, Albanum, Maecenas, siue Falernum

Te magis adpositis delectat, habemus vtrumque.

Diuitias miseras ! Sed queis coenantibus vna,
Fundani, pulchre fuerit tibi, nosse laboro.
Summus ego, & prope me Viscus Turinus, & infra,
(Si memini) Varius : cum Seruilio Balatrone 21
Vibidius : quos Maecenas adduxerat vmbras.
Nomentanus erat super ipsum, Porcius infra,
Ridiculus totas simul absorbere placentas.
Nomentanus ad hoc, qui, si quid forte lateret, 25
Indice monstraret digito, nam cetera turba,
Nos, inquam, coenamus aues, conchylia, pisces,
Longe dissimilem noto celantia fuccum :
Vt vel continuo patuit, quum passeris atque
Ingustata mihi porrexerit ilia rhombi. 30
Post hoc me docuit melimela rubere, minorem
Ad lunam delecta. Quid hoc intersit, ab ipso
Audieris melius. Tum Vibidius Balatroni,
Nos, nisi damnose bibimus, moriemur inulti ;
Et calices poscit maiores. Vertere pallor 35
Tum parochi faciem, nil sic metuentis, vt acres
Potores : vel quod maledicunt liberius, vel
Feruida quod subtile exfurdant vina palatum.
Inuertunt Aliphanis vinaria tota.

Vibidius Balatroque, sequutis omnibus: imi 40
 Conuiuae lecti nihilum nocuere lagenis.

Adfertur squillas inter muraena natantes

In patina porrecta. Sub hoc herus, haec grauida
 (inquit)

Capta est, deterior post partum carne futura.

His mistum ius est oleo, quod prima Venafri 45

Pressit cella, garo de succis piscis Iberi,

Vino quinquenni, verum citra mare nato,

Dum coquitur: cocto Chium sic conuenit, vt non

Hoc magis vllum aliud, pipere albo, non sine aceto,

Quod Methymnaeam vitio mutauerat vuam. 50

Erucas virides, inulas ego primus amaras

Monstrauit incoquere, illutos Curtillus echinos,

Vt melius muria, quam testa marina remittat.

Interea suspensa graues aulaea ruinas

In patinam fecere, trahentia pulueris atri 55

Quantum non Aquilo Campanis excitat agris.

Nos maius veriti, postquam nihil esse pericli

Sensimus, erigimur. Rufus, posito capite, vt si


Filius immaturus obisset, flere: quis esset

Finis, ni sapiens sic Nomentanus amicum 60

Tolleret? Heu Fortuna, quis est crudelior in nos
Te deus? ut semper gaudes illudere rebus
Humanis! Varius mappa comescere risum
Vix poterat. Balatro suspendens omnia naso,
Haec est conditio viuendi, aiebat: eoque 65
Responsura tuo numquam est par fama labori.
Tene, ut ego accipiar laute, torquerier omni
Sollicitudine districtum? ne panis adustus,
Ne male conditum ius adponatur? ut omnes
Praecincti recte pueri, comitique ministrent? 70
Adde hos praeterea casus: aulaea ruant si,
Ut modo: si patinam pede lapsus frangat agaso.
Sed conuiuatoris (vti ducis) ingenium res
Aduersae nudare solent, celare secundae.
Nasidienus ad haec: Tibi di, quaecumque preceris, 75
Commoda dent: ita vir bonus es, conuiuaque comis:
Et soleas poscit. Tum in lecto quoque videres
Stridere secreta diuisos aure susurros.
Nullos his malle ludos spectasse. Sed illa
Redde, age, quae deinceps risisti. Vibidius dum 80
Quaerit de pueris, num sit quoque fracta lagena,
Quod sibi poscenti non dentur pocula, dumque

Ridetur fictis rerum, Balatrone secundo;
Nasidiene, redis, mutatae frontis, vt arte
Emendaturus fortunam: deinde sequuti 85
Mazonomo pueri magno discerpta ferentes
Membra gruvis, sparsi sale multo, non sine farre,
Pinguibus & ficis pastum iecur anseris albi,
Et leporum auulsos, vt multo suauius, armos,
Quam si cum lumbis quis edit: tum pectore adusto 95
Vidimus & merulas poni, & sine clune palumbes.
Suaues res, si non causas narraret earum, &
Naturas dominus: quem nos sic fugimus vlti,
Vt nihil omnino gustaremus: velut illis
Canidia adflasset, peior serpentibus Afris. 95





Q. HORATII F.

EPISTOLARVM

LIBER I.

AD MAECENATEM

EPISTOLA I.

Se ludicra sua studia missa facere dicit, & ea, quae ad virtutem ducunt, amplecti: sic tamen vt in nullius magistri verba iuret. Huiusmodi autem esse haec studia, vt nemo sit, qui non illis excoli possit, si modo patientem aurem commo- det. Tandem prauum hominum iudicium, vir- tutem opibus & honoribus postponentium, & quae corporis sunt, non quae sunt animi, cu- rantium, reprehendit.

Prima dicte mihi, summa dicende Camoena,
Spectatum satis, & donatum iam rude, quaeris,
Maecenas, iterum antiquo me includere ludo.

Non eadem est aetas, non mens. Veianius, armis
Herculis ad postem fixis, latet abditus agro,

Ne populum extrema toties exoret arena.

Est mihi purgatam crebro qui perfonet aurem,

Solue fenefcentem mature fanus equum, ne

Peccet ad extremum ridendus, & ilia ducat.

Nunc itaque & verſus & cetera ludicra pono: 10

Quid verum, atque decens, curo, & rogo, & om-
nis in hoc ſum:

Condo, & compono, quae mox depromere poſſim.

Ac ne forte roges, quo me duce, quo Lare tuter:

Nullius addiſtus iurare in verba magiſtri,

Quo me cumque rapit tempeſtas, deferor hoſpes. 15

Nunc agilis ſio, & merſor ciuilibus vndis,

Virtutis verae cuſtos, rigidusque ſatelles,

Nunc in Ariſtippi furtim praecepta relabor,

Et mihi res, non me rebus, ſubmittere conor.

Vt nox longa, quibus mentitur amica, diesque 20

Longa videtur opus debentibus; vt piger annus

Pupillis, quos dura premit cuſtodia matrum;

Sic mihi tarda fluunt, ingrataque tempora, quae ſpem

Conſiliumque morantur agendi gnauiter id, quod

Aequae pauperibus prodeſt, locupletibus aequae, 25

Aequae neglectum pueris, ſenibusque nocebit.

Restat, vt his ego me ipse regam, solumque elementis.

Non possis oculo quantum contendere Lynceus,

Non tamen idcirco contemnas lippus inungi:

Nec, quia desperes inuisti membra Glyconis, 30

Nodosa corpus nolis prohibere chiragra.

Est quodam prodire tenus, si non datur ultra.

Feruet auaritia, miseroque cupidine pectus?

Sunt verba & voces, quibus hunc lenire dolorem

Possis, & magnam morbi deponere partem. 35

Laudis amore tumes? sunt certa piacula, quae te

Ter pure lecto poterunt recreare libello.

Inuidus, iracundus, iners, vinosus, amator;

Nemo adeo ferus est, vt non mitescere possit,

Si modo culturae patientem commodet aurem. 40

Virtus est, vitium fugere: & sapientia prima,

Stultitia caruisse. Vides, quae maxima credis

Esse mala, exiguum censum, turpemque repulsam,

Quanto deuities animi, capitisque labore.

Impiger extremos curris mercator ad Indos, 45

Per mare pauperiem fugiens, per saxa, per ignes:

Ne cures ea, quae stulte miraris & optas,

Discere, & audire, & meliori credere non vis?

Quis circum pagos & circum compita pugnax,
Magna coronari contemnat Olympia, cui spes, 50

Cui sit conditio dulcis sine puluere palmae?

Vilius argentum est auro, virtutibus aurum.

O ciues quaerenda pecunia primum est,

Virtus post nummos. Haec Ianus summus ab imo

Perdocet: haec recinunt iuuenes dictata senesque, 55

Laeuo suspensi loculos, tabulamque lacerto.

Si quadringentis, sex, septem millia defunt,

Est animus tibi, sunt mores, & lingua, fidesque;

Plebs eris. At pueri ludentes, rex eris, aiunt,

Si recte facies. Hic Murus aheneus esto, 60

Nil conscire sibi, nulla pallescere culpa.

Roscia, (dic sodes) melior lex, an puerorum

Naenia, quae recte regnum facientibus offert,

Et maribus Curiis, & decantata Camillis?

Isne tibi melius suadet, qui vt rem facias, rem, 65

Si possis, recte: si non, quocumque modo rem:

Vt propius spectes lacrimosa poemata Puppi:

An qui Fortunae te respondere superbae

Liberum, & erectum praesens hortatur, & optat?


Quod si me populus Romanus forte roget, cur 70

Non, vt porticibus, sic iudiciis fruar iisdem,
 Nec sequar, aut fugiam, quae diligit ipse, vel odit:
 Olim quod vulpes aegroto cauta leoni
 Respondit, referam: quia me vestigia terrent,
 Omnia te aduersum spectantia, nulla retrorsum. 75
 Bellua multorum es capitum. Nam quid sequar? aut
 quem?

Pars hominum gestit conducere publica: sunt qui
 Crustis & pomis viduas venentur auaras,
 Excipiantque fenes, quos in viuaria mittant.
 Multis occulto crescit res foenore: verum 80
 Estor, aliis alios rebus studiisque teneri:
 Iidem eadem possunt horam durare probantes?
 Nullus in orbe sinus Baiis praelucet amoenis,
 Si dixit diues, lacus & mare sentit amorem
 Festinantis heri, cui si vitiosa libido 85
 Fecerit auspiciū, cras ferramenta Theanum
 Tolletis fabri. Lectus genialis in aula est?
 Nil ait esse prius, melius nil coelibe vita:
 Si non est, iurat bene solis esse maritis.
 Quo teneam vultus mutantem Protea nodo? 90
 Quid pauper? ride: mutat coenacula, lectos,

Balnea, tonfores: conducto nauigio, aequae
 Nauseat ac locuples, quem ducit priua triremis.
 Si curtatus inaequali tonfore capillos
 Occurri, rides: si forte subucula pexae 95
 Trita subest tunicae, vel si toga dissidet impar?
 Rides: quid, mea quum pugnat sententia secum?
 Quod petiit, spernit: repetit, quod nuper omisit?
 Aestuat, & vitae disconuenit ordine toto?
 Diruit, aedificat, mutat quadrata rotundis? 100
 Infanire putas sollemnia me, neque rides,
 Nec medici credis, nec curatoris egere
 A praetore dati, rerum tutela mearum
 Quum sis, & praue sectum stomacheris ob vnguem
 De te pendentis, te respicientis amici. 105
 Ad summam, sapiens vno minor est Ioue, diues,
 Liber, honoratus, pulcher, rex denique regum:
 Praecipue sanus, nisi quum pituita molesta est.





AD LOLLIVM

EPISTOLA II.

Homerum in suis poematis plenius ac melius, quam quosdam philosophos, quid honestum sit, docere dicit, amborum adferens argumenta: Iliade quidam, quales sint in stultis regibus & populis animi motus describi: in Odyssæa autem, Vlyssis exemplo, quid virtus & sapientia possint, ostendi. Deinde ad studium sapientiae hortatur, utpote, quos recenset animi morbos, sanaturæ. Sed a teneris adsuescendum huiusmodi præceptis esse docet.

Troiani belli scriptorem, maxime Lolli,
Dum tu declamas Romæ, Praeneste, relegi:
Qui, quid sit pulchrum, quid turpe, quid utile,
quid non,
Plenius ac melius Chrysippo & Crantore dicit.
Cur ita crediderim, (nisi quid te detinet) audi. 5
Fabula, qua Paridis propter narratur amorem
Graecia Barbariae lento collisa duello,
Stultorum regum, & populorum continet aestus.

Antenor cenſet belli praecidere cauſſam.

Quid Paris? vt ſaluus regnet, viuaturque beatus, 10

Cogi poſſe negat. Neſtor componere lites

Inter Peliden feſtinat & inter Atriden:

Hunc amor, ira quidem communiter vrit vtrumque.

Quidquid delirant reges, plectuntur Achiui.

Seditione, dolis, ſcelere, atque libidine, & ira 15

Iliacos intra muros peccatur, & extra.

Rurſus, quid virtus, & quid ſapientia poſſit,

Vtile propoſuit nobis exemplar Vlyſſem:

Qui domitor Troiae, multorum prouidus vrbes

Et mores hominum inſpexit: latumque per aequor, 20

Dum ſibi, dum fociis reditum parat, aſpera multa

Pertulit, aduerſis rerum immerſabilis vndis.

Sirenum voces & Circes pocula noſti:

Quae ſi cum fociis ſtultus, cupidusque bibiſſet,

Sub domina meretrice fuiſſet turpis & excors: 25

Vixiſſet canis immundus, vel amica luto fuſ.

Nos numerus ſumus, & fruges conſumere nati,

Sponſi Penelopes, nebulones, Alcinoique,

In cute curanda plus aequo operata iuuentus:

Cui pulchrum fuit in medio dormire dies, & 30

Ad strepitum citharae cessatum ducere curam.

Vt iugulent homines, surgunt de nocte latrones :

Vt teipsum serues, non expergisceris? atqui

Si nolis sanus, curres hydropicus : & ni

Posces ante diem librum cum lumine, si non 35

Intendes animum studiis, & rebus honestis ;

Inuidia, vel amore vigil torquere : nam cur

Quae laedunt oculos, festinas demere ; si quid

Est animum, differs curandi tempus in annum ?

Dimidium facti, qui coepit, habet : sapere aude, 40

Incipe : qui recte viuendi prorogat horam,

Rusticus exspectat dum defluat amnis : at ille

Labitur, & labetur in omne volubilis aeuum.

Quaeritur argentum, puerisque beata creandis

Vxor, & incultae pacantur vomere siluae. 45

Quod satis est, cui contingit, hic nihil amplius optet.

Non domus, & fundus, non aeris aceruus & auri

Aegroto domini deduxit corpore febres,

Non animo curas : valeat possessor oportet,

Si comportatis rebus bene cogitat vti. 50

Qui cupit, aut metuit, iuuat illum sic domus, aut res,

Vt lippum pictae tabulae, fomenta podagram,

Auriculas citharae collecta forde dolentes.

Sincerum est nisi vas, quodcumque infundis, acescit.

Sperne voluptates: nocet enim dolore voluptas. 55

Semper auarus eget: certum voto pete finem.

Inuidus alterius macrescit rebus opimis.

Inuidia Siculi non inuenere tyranni

Maius tormentum. Qui non moderabitur irae,

Infectum volet esse, dolor quod suaserit, & mens, 60

Dum poenas odio per vim festinat inulto.

Ira furor brevis est; animum rege: qui nisi paret,

Imperat: hunc frenis, hunc tu compesce catena.

Fingit equum tenera docilem ceruice magister

Ire viam, quam monstret eques: venaticus, ex quo 65

Tempore ceruinam pellem latrauit in aula,

Militat in siluis catulus: nunc adbibe puro


Pectore verba puer, nunc te melioribus offer.

Quo semel est imbuta recens, seruabit odorem

Testa diu. Quod si cessas, aut strenuus anteis, 70

Nec tardum opperior, nec praecedentibus insto.





AD IVLIVM FLORVM

EPISTOLA III.

Iulium Florum de Claudio Nerone, vbi militet, &
de quorundam amicorum scriptis interrogat.
Deinde ipsum Florum ad sapientiae studium, &
ad redeundum in gratiam cum fratre hortatur.

Iuli Flore, quibus terrarum militet oris
Claudius Augusti priuignus, scire laboro.
Thracane vos, Hebrusque niuali compede victus,
An freta vicinas inter currentia turres,
An pingues Asiae campi collesque morantur? 5
Quid studiosa cohors operum struit? haec quoque curo,
Quis sibi res gestas Augusti scribere sumit?
Bella quis & paces longum diffundit in aeuum?
Quid Titius, Romana breui venturus in ora?
Pindarici fontis qui non expalluit haustus, 10
Fastidire lacus, & riuos ausus apertos:
Vt valet? vt meminit nostri? fidibusne Latinis
Thebanos aptare modos studet, auspice Musa?
An tragica desaeuit, & ampullatur in arte?

Quid mihi Celfus agit? monitus, multumque monendus,
Priuatas ut quaerat opes, & tangere vitet 16

Scripta, Palatinus quaecumque recepit Apollo:

Ne si forte suas repetitum venerit olim

Grex auium plumas, moueat cornicula risum

Furtiuus nudata coloribus. Ipse quid audes? 20

Quae circumuolitas agilis thyma? non tibi paruum

Ingenium, non incultum est, nec turpiter hirtum.

Seu linguam caussis acuis, seu ciuica iura

Respondere paras, seu condis amabile carmen:

Prima feres ederae victricis praemia. Quod si 25

Frigida curarum fomenta relinquere posses,

Quo te coelestis sapientia duceret, ires.

Hoc opus, hoc studium parui properemus & ampli,

Si patriae volumus, si nobis viuere cari.

Debes hoc etiam rescribere, si tibi curae, 30

Quantae conueniat, Munatius: an male facta


Gratia nequidquam coit, & rescinditur? at vos

Seu calidus sanguis, seu rerum inscitia vexat

Indomita ceruice feros; vbicumque locorum

Viuitis, indigni fraternum rumpere foedus, 35

Pascitur in vestrum reditum votiuu iuuenca.



AD ALBIVM TIBVLLVM

EPISTOLA IV.

Albium Tibullum compellat, cui studium philosophiae laudare videtur, atque id facere, ut eius amore illum accendat. Recenset quibus dotibus illum dii ornauerint: deinde ita viuendum illi esse dicit, ut vnumquemque diem extremum sibi fore putet.

Albi, nostrorum sermonum candide iudex,

Quid nunc te dicam facere in regione Pedana?

Scribere quod Cassi Parmensis opuscula vincat?

An tacitum filuas inter reptare salubres,

Curantem quidquid dignum sapiente bonoque est? 5

Non tu corpus eras sine pectore. Di tibi formam,

Di tibi diuitias dederant, artemque fruendi.

Quid voueat dulci nutricula maius alumno,

Quam sapere, & fari possit quae sentiat, & cui

Gratia, fama, valetudo contingat abunde, 10

Et mundus victus, non deficiente crumena?

Inter spem, curamque, timores inter & iras,

Omnem crede diem tibi diluxisse supremum.

Grata superueniet, quae non sperabitur, hora.

Me pinguem, & nitidum bene curata cute vides, 15

Quum ridere voles Epicuri de grege porcum.




AD TORQVATVM

EPISTOLA V.

Torquatum ad coenam inuitat, quam frugalem fore dicit. Hortatur vt curis & cupiditati diuitiarum valedicens, hilaritati se tradat, & laudes ebrietatis addit. Tria esse dicit, quorum studiosus sit in adparatu conuiuii, primum autem ponit munditiem.

Si potes archaicis conuiua recumbere lectis,
 Nec modica coenare times olus omne patella:
 Supremo te sole domi Torquate manebo.
 Vina bibes iterum Tauro diffusa, palustres
 Inter Minturnas, Sinuessanumque Petrinum. 5
 Sin melius quid habes, arcesse, vel imperium fer.
 Iamdudum splendet focus, & tibi munda supellex.
 Mitte leues spes, & certamina diuitiarum,
 Et Moschi caussam. Cras nato Caesare festus
 Dat veniam somnumque dies: impune licebit 10
 Aestiuam sermone benigno tendere noctem.
 Quo mihi fortunas, si non conceditur vti?
 Parcus ob haeredis curam, nimiumque seuerus,

Adfidet infano, potare & spargere flores
Incipiam, patiarque vel inconsultus haberi. 15
Quid non ebrietas designat? operta recludit,
Spes iubet esse ratas: in proelia trudit inermem,
Sollicitis animis onus eximit: addocet artes.
Foecundi calices quem non fecere disertum?
Contracta quem non in paupertate solutum? 20
Haec ego procurare & idoneus imperor, & non
Inuitus: ne turpe toral, ne fordida mappa
Corruget nares: ne non & cantharus & lanx
Ostendat tibi te: ne fidos inter amicos
Sit qui dicta foras eliminet: vt coeat par, 25
Iungaturque pari. Brutum tibi, Septimiumque,
Et nisi coena prior, potiorque puella Sabinum
Detinet, adsumam: locus est & pluribus umbris.
Sed nimis arcta premunt olidae conuiuia caprae.
Tu, quotus esse velis, rescribe: & rebus omis-
Atria seruantem postico falle clientem. 31



AD NUMICIVM

EPISTOLA VI.

Nihil admirari, rem esse dicit, quae propemodum
 sola ad vitae beatitudinem conferat, quum ho-
 mines non ea tantum quae cupiunt, sed etiam quae
 timent illis contraria, eodem fere modo mirentur,
 verum ex iis, quibus admiratio cupiditatem incitat,
 alios aliud expetere: omnes autem frustra in eo felicitatem,
 quae a sola virtute pendet, collocare.

Nil admirari, prope res est vna Numici,
 Solaque, quae possit facere, & seruare beatum.
 Hunc solem, & stellas, & decedentia certis
 Tempora momentis, sunt qui formidine nulla
 Imbuti spectent: quid censes munera terrae? 5
 Quid maris extremos Arabas ditantis, & Indos?
 Ludicra quid, plausus, & amici dona Quiritis,
 Quo spectanda modo, quo sensu credis, & ore?
 Qui timet his aduersa, fere miratur eodem,
 Quo cupiens pacto, paupor est vtroque molestus: 10
 Improvisa simul species exterret vtrumque.

Gaudeat, an doleat: cupiat, metuatne: quid ad rem,

Si, quidquid vidit melius, peiusue sua spe,

Defixis oculis, animoque & corpore torpet?

Infani sapiens nomen ferat, aequus iniqui, 15

Vltra, quam satis est, virtutem si petat ipsam.

I nunc, argentum, & marmor vetus, aeraque & artes

Suspice, cum gemmis Tyrios mirare colores:

Gaude, quod spectant oculi te mille loquentem:

Gnaeus mane forum, & vespertinus pete testum: 20

Ne plus frumenti dotalibus emetat agris

Mucius: indignum, quod sit peioribus ortus:

Hic tibi sit potius, quam tu mirabilis illi.

Quidquid sub terra est, in apricum proferet aetas,

Defodiet, condetque nitentia: quum bene notum 25

Porticus Agrippae, & via te conspexerit Appi,

Ire tamen restat, Numa quo deuenit & Ancus.

Si latus, aut renes morbo tentantur acuto,

Quaere fugam morbi. Vis recte viuere? quis non?

Si virtus hoc vna potest dare, fortis omiſſis 30

Hoc age deliciis. Virtutem verba putas, vt

Lucum ligna? caue ne portus occupet alter,


Ne Cibyratica, ne Bithyna negotia perdas.

Mille talenta rotundentur, totidem altera: porro
 Tertia succedant, & quae pars quadret aceruum. 35
 Scilicet vxorem cum dote, fidemque, & amicos,
 Et genus, & formam regina pecunia donat:
 Ac bene nummatum decorat Suadela, Venusque.
 Mancipiis locuples, eget aeris Cappadocum rex;
 Ne furis hic tu: chlamydes Lucullus (vt aiunt) 40
 Si posset centum scenae praebere rogatus,
 Qui possum tot? ait: tamen & quaeram, & quot
 habebo

Mittam: post paullo scribit, sibi millia quinque
 Esse domi chlamydem; partem, vel tolleret omnes.
 Exilis domus est, vbi non & multa supersunt, 45
 Et dominum fallunt, & profunt furibus. Ergo
 Si res sola potest facere & seruare beatum;
 Hoc primus repetas opus, hoc postremus omittas.
 Si fortunatum species, & gratia praestat,
 Mercemur seruum, qui distet nomina, laeuum 50
 Qui fodiat latus, & cogat trans pondera dextram
 Porrigere. Hic multum in Fabia valet, ille Velina:
 Cuilibet hic fasces dabit, eripietque curule,
 Cui volet, importunus ebur: frater, pater: adde,

Vt cuique est aetas, ita quemque facetus adopta. 55
Si bene qui coënat, bene viuit; lucet, eamus
Quo ducit gula: piscemur, venemur: vt olim
Gargilius, qui mane plagas, venabula, feruos,
Differtum transire forum, populumque iubebat,
Vnus vt e multis populo spectante referret 60
Emtum mulus aprum: crudi, tumidique lauemur,
Quid deceat, quid non, obliti: Cerite cera
Digni, remigium vitiosum Ithacensis Vlyssæi,
Cui potior patria fuit interdicta voluptas.
Si (Mimnermus vti censet) sine amore iocisque 65
Nil est iucundum; viuas in amore iocisque.
Viue, vale: siquid nouisti rectius istis,
Candidus imperti: si non, his vtere mecum.





AD MAECENATEM

EPISTOLA VII.

Maecenati se excusat, quod promissis non steterit, eius in se liberalitatem commemorat, & laudat, sed libertatem, & animi tranquillitatem omnibus amicorum donis, & quibuslibet diuitiis anteponendam esse, atque ideo eum, qui paucis contentus viuere didicit, incommoda, quae vitam ambitiosam comitantur, non posse ferre innuit.

Quinque dies tibi pollicitus me rure futurum,
 Sextilem totum mendax desideror; atqui
 Si me viuere vis sanum, recteque valentem,
 Quam mihi das aegro, dabis aegrotare timenti
 Maecenas, veniam: dum ficus prima calorque 5
 Designatorem decorat lictoribus atris:
 Dum pueris omnis pater, & matercula pallet:
 Officiosaque sedulitas, & opella forensis
 Adducit febres, & testamenta resignat.
 Quod si bruma niues Albanis illinet agris, 10
 Ad mare descendet vates tuus, & sibi parcat,

Contractusque leget, te, dulcis amice, reuifet
Cum Zephyris (fi concedes) & hirundine prima.
Non, quo more pyris vefci Calaber iubet hofpes:
Tu me fecifti locupletem. Vefcere fodes: 15
Iam fatis eft. At tu quantum vis tolle. Benigne.
Non inuifa feres pueris munufcula paruis.
Tam teneor dono, quam fi dimittar onuftus.
Vt libet: haec porcis hodie comedenda relinques.
Prodigus, & ftultus donat, quae fpernit, & odit. 20
Haec feges ingratos tulit, & feret omnibus annis.
Vir bonus, & fapiens dignis ait effe paratum,
Nec tamen ignorat, quid diftent aera lupinis.
Dignum praeftabo me etiam pro laude merentis.
Quod fi me noles vsquam difcedere, reddes 25
Forte latus, nigros angufta fronte capillos:
Reddes dulce loqui: reddes ridere decorum, &
Inter vina fugam Cynarae moerere proteruae.
Forte per anguftam tenuis vulpecula rimam
Repferat in cumeram frumenti, pafteque rurfus 30
Ire foras pleno tendebat corpore frustra.
Cui mustela procul, Si vis (ait) effugere iftinc,
Macra cauum repetes artum, quem macra fubifti.

Hac ego si compellar imagine, cuncta resigno :
 Nec fomnum plebis laudo satur altitium, nec 35
 Otia diuitiis Arabum liberrima muto.
 Saepe verecundum laudasti, rexque paterque
 Audisti coram, nec verbo parcius absens.
 Inspice, si possum donata reponere laetus.
 Haud male Telemachus, proles patientis Vlyssæi, 40
 Non est aptus equis Ithacæ locus : ut neque planis
 Porrectus spatiis, neque multae prodigus herbae :
 Atride, magis apta tibi tua dona relinquam.
 Paruum parua decent. Mihi iam non regia Roma,
 Sed vacuum Tibur placet, aut imbellè Tarentum. 45
 Strenuus & fortis, caussisque Philippus agendis
 Clarus, ab officiis octauam circiter horam
 Dum redit, atque foro nimium distare Carinas
 Iam grandis natu queritur; conspexit (ut aiunt)
 Abrafum quendam vacua tonforis in umbra, 50
 Cultello proprios purgantem leniter vngues.
 Demetri (puer hic non laeue iussa Philippi
 Accipiebat) abi, quaere, & refer : Vnde domo, quis,
 Cuius fortunæ, quo sit patre, quoue patrono.
 It, redit, & narrat, Vulteium nomine Menam, 55

Praeconem, tenui censu, sine crimine notum,
Et properare loco, & cessare, & quaerere, & vti
Gaudentem parvisque fodalibus, & lare certo,
Et ludis, & post decisa negotia, campo.

Scitari libet ex ipso, quaecumque refert: dic 60

Ad coenam veniat. Non sane credere Mena:

Mirari secum tacitus. Quid multa? benigne,

Respondet. Negat ille mihi? Negat improbus, & te

Negligit, aut hõrret. Vulteiũ mane Philippus

Vilia vendentem tunicato scruta popello 65

Occupat, & saluere iubet prior. Ille Philippo

Excusare laborem, & mercenaria vincla

Quod non mane domum venisset, denique, quod non

Prouidisset eum. Sic ignouisse putato

Me tibi, si coenas hodie mecum. Vt libet. Ergo 70

Post nonam venies: nunc i, rem strenuus auge.

Vt ventum ad coenam est, dicenda, tacenda loquutus,

Tandem dormitum dimittitur. Hic vbi saepe


Occultum visus decurrere piscis ad hamum;

Mane cliens, & iam certus conuiua, iubetur 75

Rura sub vrbana indictis comes ire Latinis.

Impositus mannis, aruum coelumque Sabinum

Non cessat laudare: videt, ridetque Philippus:
 Et sibi dum requiem, dum risus vndique quaerit,
 Dum septem donat sestertia, mutua septem 80
 Promittit, persuadet vti mercetur agellum.
 Mercatur: ne te longis ambagibus vltra
 Quam satis est, morer, ex nitido fit rusticus, atque
 Sulcos, & vineta crepat mera: praeparat vltimos:
 Immoritur studiis, & amore senescit habendi. 85
 Verum vbi oues furto, morbo periere capellae,
 Spem mentita seges, bos est enectus arando:
 Offensus damnis, media de nocte caballum
 Arripit, iratusque Philippi tendit ad aedes.
 Quem simul adspexit scabrum intonsumque Philippus,
 Durus, (ait) Vultei nimis attentusque videris 91
 Esse mihi. Pol, me miserum, patrone, vocares,
 Si velles (inquit) verum mihi ponere nomen.
 Quod te per genium, dextramque, deosque penates,
 Obsecro, & obtestor, vitae me redde priori. 95
 Qui simul adspexit, quantum dimissa petitis
 Praestent, mature redeat, repetatque relicta.
 Metiri se quemque suo modulo, ac pede, verum est.



AD CELSUM ALBINOVANVM

EPISTOLA VIII.

Ad Celsum scribens, se minus animo, quam corpore valere dicit, in seipso quum alia quaedam vitia, tum inconstantiam reprehendens: sed ita ut illum in persona sua taxare videri possit. A Musa autem, de non ferenda immoderate & insolenter fortuna, eum vult admoneri.

Celso gaudere, & bene rem gerere, Albinouano Musa rogata refer, comiti, scribaeque Neronis.

Si quaeret quid agam: dic, multa, & pulchra minantem,

Viuerē nec recte, nec suauiter: haud quia grando

Contuderit vites, oleamque momorderit aestus; 5

Nec quia longinquis armentum aegrotet in aruis:

Sed quia mente minus validus, quam corpore toto,

Nil audire velim, nil discere, quod leuet aegrum;

Fidis offendar medicis, irascatur amicis,

Cur me funesto properent arcere veterno, 10

Quae nocuere sequar, fugiam, quae profore credam;
Romae Tibur amem ventosus, Tibure Romam.


Post haec, vt valeat, quo pacto rem gerat, & se:
Vt placeat iuueni, percontare, vtque cohorti.

Si dicet, Recte: primum gaudere, subinde 15

Praeceptum auriculis hoc instillare memento:

Vt tu fortunam, sic nos te, Celse, feremus.






AD CLAUDIVM NERONEM

EPISTOLA IX.

Claudio Neroni Septimium commendat, & rogat,
vt in amicitiam suam eum recipiat. Sed hoc
verecunde facit, & ita, vt ab ipso Nerone id
tamquam pro suo iure petere videri non possit.

Septimius, Claudii, nimirum intelligit vnus,
Quanti me facias: nam quum rogat, & prece cogit
Scilicet, vt tibi se laudare, & tradere coner,
Dignum mente, domoque legentis honesta Neronis,
Munere quum fungi propioris censet amici; 5
Quid possim videt, ac mouit me valdius ipso
Multa quidem dixi, cur excusatus abirem:
Sed timui, mea ne finxisse minora putarer,
Dissimulator opis propriae, mihi commodus vni.
Sic ego, maioris fugiens opprobria culpaе, 10
Frontis ad vrbae descendi proemia: quod si
Depositum laudas ob amici iussa pudorem;
Scribe tui gregis hunc, & fortem crede bonumque.



AD FVSCVM ARISTIVM

EPISTOLA X.

Fusco Aristio, vrbis amatori, vitam rusticam, qua ipse delectabatur, laudat, & varia eius com-
moda recenset. Simul autem ab ambitione (quae vitam vrbis, non rusticam comitatur) eum deterret.

Vrbis amatorem Fuscum saluere iubemus

Ruris amatores: hac in re scilicet vna

Multum dissimiles, ad cetera paene gemelli:

Fraternis animis, quidquid negat alter, & alter:

Annuimus pariter vetuli, notique columbi. 5

Tu nidum seruas: ego laudo ruris amoeni

Riuos, & musco circumlita saxa, nemusque.

Quid quaeris? viuo, & regno, simul ista reliqui,

Quae vos ad coelum effertis rumore secundo.

Vtque sacerdotis fugitiuus, liba recuso: 10

Pane egeo, iam mellitis potiore placentis.

Viuere naturae si conuenienter oportet,

Ponendaeque domo quaerenda est area primum:

Nouistine locum potiore rure beato?

Est vbi plus tepeant hiemes? vbi gratior aura 15

Leniat & rabiem Canis, & momenta Leonis,

Quum semel accepit solem furibundus acutum?

Est vbi depellat fomnos minus inuida cura?

Deterius Libycis olet aut nitet herba lapillis?

Purior in vicis aqua tendit rumpere plumbum, 20

Quam, quae per pronum trepidat cum murmure
riuum?

Nempe inter varias nutritur filua columnas,

Laudaturque domus, longos quae prospicit agros.

Naturam expellas furca, tamen vsque recurret,

Et mala perrumpet furtim fastidia victrix. 25

Non, qui Sidonio contendere callidus ostro

Nescit Aquinatem potantia vellera fucum,

Certius accipiet damnum, propiusue medullis,

Quam, qui non poterit vero distinguere falsum.

Quem res plus nimio delectauere secundae, 30

Mutatae quatient. Si quid mirabere, pones

Inuitus: fuge magna: licet sub paupere tecto


Reges, & regum vita praecurrere amicos.

Ceruus equum pugna melior communibus herbis

Pellebat, donec minor in certamine longo 35

Implorauit opes hominis, frenumque recepit:
Sed postquam victor violens discessit ab hoste,
Non equitem dorso, non frenum depulit ore.
Sic: qui pauperiem veritus, potiore metallis
Libertate caret, dominum vehet improbus, atque 40
Seruiet aeternum, quia paruo nesciet vti.
Cui non conueniet sua res, vt calceus olim,
Si pede maior erit, subuertet, si minor, vret.
Laetus forte tua viues sapienter, Aristi:
Nec me dimittes incastrigatum, vbi plura 45
Cogere, quam satis est, ac non cessare videbor.
Imperat, aut seruit collecta pecunia cuique,
Tortum digna sequi potius, quam ducere funem.
Haec tibi dictabam post fanum putre Vacunae,
Excepto, quod non simul esses, cetera laetus. 50





AD BULLATVM REVERSVM EX ASIA

EPISTOLA XI.

Ad vitae beatitudinem nihil interesse dicit, quo quisque loco habitet, quum haec ab animi tranquillitate pendeat. Docet etiam, de quopiam loco aut aliquo vitae genere non debere a nobis iudicium fieri ex commodis, aut incommodis, quae in eis fenserimus.

Quid tibi visa Chios, Bullati, notaque Lesbos?

Quid concinna Samos? quid Croesi regia Sardis?

Smyrna quid, & Colophon? maiora, minorane fama?

Cunctane prae campo, & Thyberino flumine sordent?

An venit in votum Attalicis ex urbibus vna? 5

An Lebedum laudas, odio maris atque viarum?

Scis, Lebedus, quid sit? Gabiis desertior, atque

Fidenis vicis: tamen illic vivere vellem:

Oblitusque meorum, obliuiscendus & illis,

Neptunum procul e terra spectare furem. 10

Sed neque, qui Capua Romam petit, imbre lutoque

Adpersus, volet in caupona vivere: nec, qui

Frigus collegit, furnos & balnea laudat,

Vt fortunatam plene praestantia vitam.
 Nec si te validus iactauerit Auster in alto, 15
 Idcirco nauem trans Aegaeum mare vendas.
 Incolumi Rhodos, & Mitylene pulchra facit, quod
 Paenula solstitio, campestre niualibus auris,
 Per brumatm Thyberis, Sextili mense caminus.
 Dum licet, & vultum seruat fortuna benignum, 20
 Romae laudetur Samos, & Chios, & Rhodos absens.
 Tu, quamcumque deus tibi fortunauerit horam,
 Grata sume manu: nec dulcia differ in annum:
 Vt quocumque loco fueris, vixisse libenter
 Te dicas. Nam si ratio, & prudentia curas, 25
 Non locus effusi late maris arbiter, aufert;
 Coelum non animum mutant, qui trans mare currunt.
 Strenua nos exercet inertia: nauibus atque
 Quadrigis petimus bene viuere: quod petis, hic est,
 Est Vlubris: animus si te non deficit aequus. 30



AD ICCIVM

EPISTOLA XII.

Iccio eas esse facultates, dicit, quibus si recte fruatur, ne ab ipso quidem Ioue ditiozem effici posse: innuens nimirum, tantum esse diuitem vnumquemque, quantum rebus utitur. Eius exemplo mirum non debere videri, quod de Democrito narratur. Suadet illi, ut Grosphum in familiaritatem suam recipiat. Quo in statu sint res Romanae certiozem facit.

Fruſtibus Agrippae Siculis, quos colligis, Icci,
Si recte frueris, non eſt vt copia maior
Ab Ioue donari poſſit tibi: tolle querelas.
Pauper enim non eſt, cui rerum ſubpetit vſus.
Si ventri bene, ſi lateri eſt, pedibusque tuis, nil
Diuitiae poterunt regales addere maius.
Si forte in medio poſitorum abſtemius herbis
Viuis, & vrtica, ſic viues protinus, vt te
Confeſtim liquidus fortunae riuus inauret;
Vel quia naturam mutare pecunia neſcit,
Vel quia cuncta putas vna virtute minora.

Miramur si Democriti pecus edit agellös,
 Cultaque, dum peregre est animus sine corpore velox:
 Quum tu inter scabiem tantam & contagia lucri,
 Nil paruum sapias, & adhuc sublimia cures: 15
 Quae mare compescant caussae; quid temperet
 annum:

Stellae sponte sua, iussaene vagentur & errent:
 Quid premat obscurum lunae, quid proferat orbem:
 Quid velit, & possit rerum concordia discors:
 Empedocles, an Stertinium deliret acumen? 20
 Verum seu pisces, seu porrum, & cepe trucas,
 Vtere Pompeio Grospho, &, si quid petet, vltro
 Defer: nil Grosphus, nisi verum, orabit, & aequum.
 Vilis amicorum est annona, bonis vbi quid deest.
 Ne tamen ignores, quo sit Romana loco res; 25
 Cantaber Agrippae, Claudii virtute Neronis
 Armenius cecidit: ius imperiumque Phraates
 Caesaris accepit genibus minor. Aurea fruges
 Italiae pleno diffudit copia cornu.




AD VINNIVM ASELLAM

EPISTOLA XIII.

A Vinnio petit, vt in offerendis Augusto suis libris, & temporis, & decoris rationem habeat.

Vt proficiscentem docui te saepe, diuque
Augusto reddes signata volumina, Vinni,
Si validus, si laetus erit, si denique poscet:
Ne studio nostri pecces, odiumque libellis
Sedulus importes opera vehemente minister. 5
Si te forte meae grauis vret sarcina chartae,
Abiicito potius, quam quo perferre iuberis
Clitellas ferus impingas, Asinaeque paternum
Cognomen vertas in risum, & fabula fias.
Viribus vteris per cliuos, flumina, lamas. 10
Victor propositi simul ac perueneris illuc,
Sic positum seruabis onus, ne forte sub ala
Fasciculum portes librorum, vt rusticus agnum,
Vt vinosa glomos furtivae Pyrrhia lanae:
Vt cum pileolo soleas conuiua tribulis. 15
Ne vulgo narres te sudauisse ferendo

Carmina, quae possunt oculos auresque morari
 Caesaris: oratus multa prece, nitere porro.
 Vade, vale, caue ne titubes, mandataque frangas.



AD VILLICVM SVVM

EPISTOLA XIV.


Villici sui desiderium reprehendit, cupientis ob
 lupanaria & popinas in vrbe viuere, & interim
 inconstanter fastidientis rura, quae antea tacita
 prece petiisset. Cur autem vitam rusticam vr-
 banae praeferat, exponit. Sed illum more
 hominum facere dicit, vt alienam sortem suae
 praeferat.

Villice siluarum, & mihi me reddentis agelli,
 Quem tu fastidis, habitatum quinque focis, &
 Quinque bonos solitum Bariam dimittere patres,
 Certemus, spinas animone ego fortius, an tu
 Euellas agro, & melior, sit Horatius, an res. 5
 Me quamuis Lamiae pietas, & cura moratur
 Fratrem moerentis, rapto de fratre dolentis
 Insolabiliter, tamen istuc mens animusque
 Fert, & amat spatiis obstantia rumpere claustra.

Rure ego viuentem, tu dicis in vrbe, beatum. 10
Cui placet alterius, sua nimirum est odio fors.
Stultus vterque locum immeritum caussatur inique.
In culpa est animus, qui se non effugit vmquam.
Tu mediastinus tacita prece rura petebas,
Nunc urbem, & ludos, & balnea Villicus optas. 15
Me constare mihi scis, & discedere tristem,
Quandocumque trahunt inuisa negotia Romam.
Non eadem miramur: eo disconuenit inter
Meque & te: nam quae deserta & inhospita tesqua
Credis, amoena vocat, mecum qui sentit; & odit, 20
Quae tu pulchra vocas: fornix tibi, & vncta popina
Incutiunt vrbis desiderium, (video) & quod
Angulus iste feret piper & tus, ocius vua:
Nec vicina subest vinum praeberet taberna
Quae possit tibi: nec meretrix tibicina, cuius 25
Ad strepitum salias terrae grauis: & tamen vrges
Iam pridem non tacta ligonibus arua, bouemque
Disiunctum curas, & strictis frondibus explens.
Addit opus pigro riuus, si decidit imber,
Multa mole docendus aprico parcere prato. 30
Nunc, age, quid nostrum concentum diuidat, audi,

Quem tenues decuere togae, nitidique capilli:
 Quem scis immunem Cynarae placuisse rapaci:
 Quem bibulum liquidi media de luce Falerni; 34
 Coena brevis iuuat, & prope riuum somnus in herba,
 Nec lusisse pudet, sed non incidere ludum.
 Non istic obliquo oculo mea commoda quisquam
 Limat, non odio obscuro, morfuque venenat.
 Rident vicini, glebas & faxa mouentem.
 Cum seruis vrbana diaria rodere mauis. 40
 Horum tu in numerum voto ruis. Inuidet vsum
 Lignorum & pecoris tibi calo argutus, & horti.
 Optat ephippia bos piger, optat arare caballus.
 Quam scit vterque, libens, censebo, exerceat artem.





AD VALAM

EPISTOLA XV.

Quod Veliam & Salernum proficisci cogitet, quae
ibi sit hiems, & quale coelum percontatur:
sed se non ita salubritatis rationem habere in-
nuit, vt non etiam aliquam voluptatis habere
velit.

Quae sit hiems Veliae, quod coelum, Vala, Salerni,
Quorum hominum regio, & qualis via (nam mihi
Baiae

Musa superuacuas Antonius, & tamen illis
Me facit inuisum, gelida quum perlaor vnda
Per medium frigus. Sane myrteta relinqui, 5
Dictaque cessantem neruis elidere morbum
Sulfurâ contemni, vicus gemit, inuidus aegris,
Qui caput, & stomachum supponere fontibus audent
Clusinis, Gabiosque petunt, & frigida rura.
Mutandus locus est, & diuersoria nota 10
Praeteragendus equus: quo tendis? Non mihi Cumas
Est iter, aut Baiae: laeua stomachosus habena
Dicet eques: sed equi frenato est auris in ore.)

Maior vtrum populum frumenti copia pascat,
 Collectosne bibant imbres, puteosne perennes 15
 Dulcis aquae: nam vina nihil moror illius orae.
 Rure meo possum quiduis perferre patique:
 Ad mare quum veni, generosum & lene requiro:
 Quod curas abigat, quod cum spe diuite manet
 In venas, animumque meum: quod verba ministret:
 Quod me Lucanae iuuenem commendet amicae. 21
 Tractus vter plures lepores, vter educet apros,
 Vtra magis pisces, & echinos aequora celent:
 Pinguis vt inde domum possim, Phaeaxque reuerti:
 Scribere te nobis, tibi nos accredere par est. 25
 Maenius, vt rebus maternis atque paternis
 Fortiter absuntis, vrbani coepit haberi,
 Scurra vagus, non qui certum praesepe teneret:
 Impransus non qui ciuem dignosceret hoste:
 Quaelibet in quemuis opprobria fingere saeuus: 30
 Pernicies, & tempestas barathrumque macelli,
 Quidquid quaesierat, ventri donabat auaro.
 Hic, vbi nequitiae fautoribus, & timidis nil,
 Aut paullum abstulerat, patinas coenabat omasi
 Vilis, & agninae, tribus vrsis quod satis esset. 35

Scilicet vt ventres lamna candente nepotum
Diceret vrendos, correctus. Maenius idem
Quidquid erat nactus praedae maioris, vbi omne
Verterat in fumum, & cinerem; Non hercule miror
(Aiebat) si qui comedunt bona: quum sit obeso 40
Nil melius turdo, nil vulua pulchrius ampla.
Nimirum hic ego sum: nam tuta & paruula laudo,
Quum res deficiunt, satis inter vilia fortis:
Verum, vbi quid melius contingit, & vnctius; idem
Vos sapere, & solos aio bene viuere, quorum 45
Conspicitur nitidis fundata pecunia villis.



AD QVINCTIVM

EPISTOLA XVI.

Postquam agri sui formam, & situm Quinctio descripsit, in eoque iucunde se viuere dixit, in eius vitam inquit, monetque ne ex rumore vulgi pendeat, sed vir bonus esse, quam videri malit. Deinde, quis demum viri boni nomine dignus sit, ostendit.

Ne percuncteris, fundus meus, optime Quincti,
 Aruo pascat herum, an baccis opulentet oliuae,
 Pomisne, & pratis, an amicta vitibus vlmo;
 Scribetur tibi forma loquaciter, & situs agri.
 Continui montes, ni diffocientur opaca 5
 Valle; sed vt veniens dextrum latus adspiciat sol,
 Laeuum discedens curru fugiente vaporet.
 Temperiem laudes. Quid, si rubicunda benigne
 Corna vepres, & pruna ferant? si quercus, & ilex
 Multa fruge pecus, multa dominum iuuet vmbra? 10
 Dicas adductum propius frondere Tarentum.
 Fons etiam riuo dare nomen idoneus: vt nec
 Frigidior Thracam, nec purior ambiat Hebrus;

Infirmo capiti fluit vtilis, vtilis aluo.

Hae latebrae dulces, etiam (si credis) amoenae, 15

Incolumem tibi me praestant Septembribus horis.

Tu recte viuis, si curas esse, quod audis.

Iactamus iam pridem omnis te Roma beatum.

Sed vereor, ne cui de te plus, quam tibi credas,

Neue putes alium sapiente, bonoque beatum. 20

Neu, si te populus sanum, recteque valentem

Disstitet, occultam febrem sub tempus edendi

Dissimules, donec manibus tremor incidat vnctis.

Stultorum incurata pudor malus vlcera celat.

Si quis bella tibi terra pugnata marique 25

Dicat, & his verbis vacuas permulceat aures:

Tene magis saluum populus velit, an populum tu:

Seruet in ambiguo, qui consulit & tibi, & vrbi,

Iuppiter: Augusti laudes agnoscere possis?

Quum pateris sapiens, emendatusque vocari, 30

Respondesne tuo, dic fodes, nomine? nempe

Vir bonus, & prudens dici delector ego, ac tu.

Qui dedit hoc hodie, cras, si volet, auferet: vt si

Detulerit fasces indigno, detrahet idem.

Pone, meum est (inquit :) pono, tristisque recedo. 35


Idem si clamet furem, neget esse pudicum,
 Contendat laqueo collum pressisse paternum:
 Mordear opprobriis falsis? mutemque colores?
 Falsus honor iuuat, & mendax infamia terret.
 Quem? nisi mendosum, & mendacem? vir bonus
 est quis? 40

Qui consulta patrum, qui leges iuraque seruat:
 Quo multae, magnaeque secantur iudice lites:
 Quo responfore, & quo caussae teste tenentur.
 Sed videt hunc omnis domus, & vicinia tota
 Introrsum turpem, speciosum pelle decora. 45
 Nec furtum feci, nec fugi, si mihi dicat
 Seruus: Habes pretium, loris non vreris, aio.
 Non hominem occidi: Non pasces in cruce coruos.
 Sum bonus, & frugi. Renuit, negat atque Sabellus.
 Cautus enim metuit foueam lupo, accipiterque 50
 Suspectos laqueos, & opertum miluius hamum.
 Oderunt peccare boni virtutis amore.
 Tu nihil admittes in te, formidine poenae.
 Sit spes fallendi, miscebis sacra profanis.
 Nam de mille fabae modiis quum surripis vnum, 55
 Damnum est, non facinus mihi pacto lenius isto.

Vir bonus , omne forum quem spectat , & omne
tribunal,

Quandocumque deos vel porco , vel boue placat ;
Iane pater , clare , clare quum dixit , Apollo ,
Labra mouet , metuens audiri : pulchra Lauerna 60
Da mihi fallere , da iusto sanctoque videri :
Noctem peccatis , & fraudibus obiiice nubem.
Qui melior seruo , qui liberior sit avarus ,
In triuiis fixum quum se demittit ob assem ,
Non video : nam qui cupiet , metuet quoque porro , 65
Qui metuens viuet , liber mihi non erit vmquam.
Perdedit arma , locum virtutis deseruit , qui
Semper in augenda festinat , & obruitur re.
Vendere quum possis captium , occidere noli :
Seruiet vtiliter : sine pascat durus , aretque : 70
Nauiget ; ac mediis hiemet mercator in vndis :
Annonae profit : portet frumenta , penusque.
Vir bonus , & sapiens audebit dicere , Pentheu
Rector Thebarum , quid me perferre patique
Indignum coges ? Adimam bona. Nempe pecus ,
rem , 75
Lectos , argentum. Tollas licet. In manicis &

Compedibus saeuo te sub custode tenebo.
Ipse deus, simul atque volam, me soluet. Opinor,
Hoc sentit, moriar. Mors vltima linea rerum est.



AD SCAEVAM

EPISTOLA XVII.

Scaeuam monet, ne potentiorum amicitias spernat,
atque vt in suo vitae genere Aristippum potius,
quam Diogenem imitetur. Ad principum ami-
citas peruenire, & illorum fauorem ac libera-
litatem emereri non cuiusuis esse: & quanta sit
arte opus hac in re, docet.

Quamuis, Scaeuam, satis per te tibi consulis, & scis
Quo tandem pacto deceat maioribus vti;
Disce, docendus adhuc, quae censet amicus: vt si
Coecus iter monstrare velit: tamen adspice, si quid
Et nos, quod cures proprium fecisse, loquamur. 5
Si te grata quies, & primam somnus in horam
Delectat; si te puluis strepitusque rotarum,
Si laedit caupona: Ferentinum ire iubebo.
Nam neque diuitibus contingunt gaudia solis:

Nec vixit male, qui natus moriensque fefellit. 10
Si prodesse tuis, paulloque benignius ipsum
Te tractare voles; accedes ficcus ad vinctum.
Si pranderet olus patienter, regibus uti
Nollet Aristippus. Si sciret regibus uti,
Fastidiret olus, qui me notat. Vtrius horum 15
Verba probes, & facta, doce: vel, iunior, audi,
Cur sit Aristippi potior sententia. Namque
Mordacem Cynicum sic eludebat (ut aiunt)
Scurror ego ipse mihi, populo tu: rectius hoc, &
Splendidius multo est, equus ut me portet, alat rex. 20
Officium facio: tu poscis vilia: verum es
Dante minor: quamuis fers te nullius egentem.
Omnis Aristippum decuit color, & status, & res,
Tentantem maiora, fere praesentibus aequum.
Contra, quem duplici panno patientia velat, 25
Mirabor, vitae via si conuersa decebit.
Alter purpureum non expectabit amictum,
Quidlibet indutus celeberrima per loca vadet,
Personamque feret non inconcinnus utramque:
Alter Miletii textam cane peius & angue 30
Vitabit chlamydem: morietur frigore, si non

Rettuleris pannum: refer, & sine viuat ineptus.

Res gerere, & captos ostendere ciuibus hostes,

Adtingit solium Iouis, & coelestia tentat.

Principibus placuisse viris, non vltima laus est. 35

Non cuiuis homini contingit adire Corinthum.

Sedit, qui timuit ne non succederet: esto.

Quid? qui peruenit, fecitne viriliter? atqui

Hic est, aut nusquam, quod quaerimus: hic onus
horret,

Vt paruis animis, & paruo corpore maius: 40

Hic subit, & perfert. Aut virtus nomen inane est;

Aut decus, & pretium recte petit experiens vir.

Coram rege suo de paupertate tacentes,

Plus poscente ferent: distat, sumasne pudenter,

An rapias: atqui rerum caput hoc erat, hic fons. 45

Indotata mihi soror est, paupercula mater,

Et fundus nec vendibilis, nec pascere firmus,

Qui dicit: clamat, Victum date: succinit alter,


Et mihi diuiduo findetur munere quadra.

Sed tacitus pasci si posset coruus, haberet 50

Plus dapis, & rixae multo minus, inuidiaeque.

Brundisium comes, aut Surrentum ductus amoenum,
Qui queritur falebras, & acerbum frigus, & imbres,
Aut cistam effractam, & subducta viatica plorat:
Nota refert meretricis acumina, saepe catellam, 55
Saepe periscelidem raptam sibi flentis: vti mox
Nulla fides damnis, verisque doloribus adsit.
Nec semel irrisus, triuiis adtollere curat.
Fracto crure planum: licet illi plurima manet
Lacrima: per sanctum iuratus dicat Osirim, 60
Credite: non ludo: crudeles tollite claudum.
Quaere peregrinum, vicinia rauca reclamat.





AD LOLLIVM

EPISTOLA XVIII.

Quae ad amicitiam conseruandam facienda sint, quae item vitanda, ac praesertim quo modo quis erga potentiorum amicum gerere se debeat, Lollium docet. Initium autem sumit ab iis, qui dum tenere modum non norunt, vel scurrarum potius quam amicorum fungi officio videntur, vel asperitate agresti (quam libertatem meram & virtutem veram haberi volunt) vtuntur. Postremo eum ad quaerenda illa, ex quibus tranquillitatem vitae consequi possit, hortatur.

Si bene te noui, metues, liberrime Lolli,
 Scurrantis speciem praebere, professus amicum.
 Vt matrona meretrici dispar erit, atque
 Discolor, infido scurrae distabit amicus.
 Est huic diuersum vitio vitium prope maius, 5
 Asperitas agrestis, & inconcinna grauisque,
 Quae se commendat tonsa cute, dentibus atris:
 Dum vult libertas mera dici, veraque virtus.
 Virtus est medium vitiorum, & vtrimque reductum.

Alter in obsequium plus aequo pronus, & imi 10
Derisor lecti, sic nutum diuitis horret;
Sic iterat voces, & verba cadentia tollit,
Vt puerum saeuo credas dictata magistro
Reddere, vel partes mimum tractare secundas.
Alter rixatur de lana saepe caprina, 15
Propugnat nugis armatus: scilicet, vt non
Sit mihi prima fides, & vere quod placet, vt non
Acriter elatrem, pretium aetas altera fordet.
Ambigitur quid enim? Castor sciat, an Docilis plus;
Brundisium Numici melius via ducat, an Appi; 20
Quem damnosa Venus, quem praeceps alea nudat;
Gloria quem supra vires & vestit, & vngit;
Quem tenet argenti sitis importuna famesque;
Quem paupertatis pudor, & fuga: diues amicus,
Saepe decem vitiis instructior, odit, & horret: 25
Aut, si non odit, regit; ac, veluti pia mater,
Plus, quam se sapere, & virtutibus esse priorem
Vult, & ait prope vera: Meae, (contendere noli)
Stultitiam patiuntur opes: tibi paruula res est.
Arta decet sanum comitem toga: desine mecum 30
Certare. Eutrapelus, cuicumque nocere volebat,

Vestimenta dabat pretiosa: beatus enim iam
 Cum pulchris tunicis fumet noua consilia, & spes:
 Dormiet in lucem; scorto postponet honestum
 Officium: nummos alienos pascet: ad inum 35
 Thrax erit, aut olitoris aget mercede caballum.
 Arcanum neque tu scrutaberis vllius vmquam,
 Commissumque teges, & vino tortus, & ira.
 Nec tua laudabis studia aut aliena reprendes;
 Nec, quum venari volet ille, poemata panges. 40
 Gratia sic fratrum geminorum, Amphionis atque
 Zethi dissiluit: donec suspecta seuerio
 Conticuit lyra: fraternis cessisse putatur
 Moribus Amphion: tu cede potentis amici
 Lenibus imperiis: quotiesque educet in agros 45
 Aetolis onerata plagis iumenta canesque,
 Surge, & inhumanae fenium depone Camoenae,
 Coenes vt pariter pulmenta laboribus emta:
 Romanis sollemne viris opus, vtile famae,
 Vitaeque & membris: praesertim quum valeas, & 50
 Vel cursu superare canem, vel viribus aprum
 Possis: adde, virilia quod speciosius arma
 Non est qui tractet: scis quo clamore coronae

Proelia sustineas campestria : denique faeuam
Militiam puer & Cantabrica bella tulisti, 55
Sub duce, qui templis Parthorum signa refixit,
Et nunc, si quid abest, Italisi adiudicat armis.
Ac, ne te retrahas, & inexcusabilis absis :
Quamuis nil extra numerum fecisse modumque
Curas, interdum nugaris rure paterno. 60
Partitur lintres exercitus : Actia pugna
Te duce per pueros hostili more refertur.
Aduersarius est frater ; lacus, Adria : donec
Alterutrum velox victoria fronde coronet.
Consentire suis studiis qui crediderit te, 65
Fautor utroque tuum laudabit pollice ludum.
Protinus ut moneam (si quid monitoris eges tu)
Quid de quoque viro, & cui dicas, saepe videto.
Percunctatorem fugito : nam garrulus idem est :
Nec retinent patulae commissa fideliter aures : 70
Et semel emissum volat irreuocabile verbum.
Non ancilla tuum iecur vlceret vlla, puerue,
Intra marmoreum venerandi limen amici :
Ne dominus pueri pulchri caraeue puellae
Munere te paruo beet, aut incommodus angat. 75

Qualem commendes, etiam atque etiam adspice:

ne mox

Incutiant aliena tibi peccata pudorem.

Fallimur, & quondam non dignum tradimus: ergo

Quem sua culpa premet, deceptus omitte tueri:

Vt penitus notum, si tentent crimina, ferues, 80

Tuterisque tuo fidentem praesidio: qui

Dente Theonino quum circumroditur, ecquid

Ad te post paullo ventura pericula sentis?

Nam tua res agitur, paries quum proximus ardet:

Et neglecta solent incendia fumere vires. 85

Dulcis inexpertis cultura potentis amici;

Expertus metuit: tu, dum tua naus in alto est,

Hoc age, ne mutata retrorsum se ferat aura.

Oderunt hilarem tristes, tristemque iocosi,

Sedatum celeres, agilem gnauumque remissi. 90

Potiores bibuli media de nocte Falerni

Oderunt porrecta negantem pocula: quamuis

Nocturnos iures te formidare vapores.

Deme supercilio nubem, plerumque modestus.

Occupat obscuri speciem, taciturnus acerbi. 95

Inter cuncta leges & percunctabere doctos,

Qua ratione queas traducere leniter aeuum :

• Ne te semper inops agitet vexetque cupido,

Ne pauor, & rerum mediocriter vtilium spes.

Virtutem doctrina paret, naturane donet: 100

Quid minuat curas, quid te tibi reddat amicum :

Quid pure tranquillet; honos, an dulce lucellum,

An secretum iter, & fallentis semita vitae.

Me quoties reficit gelidus Digentia riuus,

Quem Mandela bibit, rugosus frigore pagus; 105

Quid sentire putas? quid credis amice precari?

Sit mihi, quod nunc est, etiam minus; vt mihi viuam

Quod superest aevi, si quid superesse volunt di:

Sit bona librorum & prouisae frugis in annum

Copia: neu fluitem dubiae spe pendulus horae. 110

Sed satis est orare Iouem, qui donat & aufert:

Det vitam, det opes: aequum mi animum ipse parabo.





AD MAECENATEM

EPISTOLA XIX.

Prauum quorundam in imitandis poetarum vitiis
 potius, quam virtutibus studium reprehendit.
 Imitatores vocans feruum pecus, se contra ve-
 stigiiis aliorum insistere voluisse negat. Deinde
 rationem reddit, cur ii, qui librorum eius lec-
 tione domi delectarentur, eosque laudarent, fo-
 ris eos vituperarent.

Prisco si credis, Maecenas docte, Cratino,
 Nulla placere diu, nec viuere carmina possunt,
 Quae scribuntur aquae potoribus: vt male sanos
 Adscripsit Liber Satyris Faunisq;ue poetas.
 Vina fere dulces oluerunt mane Camoenae. 5
 Laudibus arguitur vini vinosus Homerus.
 Ennius ipse pater numquam, nisi potus ad arma
 Profiluit dicenda. Forum, Putealque Libonis
 Mandabo siccis, adimam cantare feueris.
 Hoc simul edixit, non cessauere poetae 10
 Nocturno certare mero, putere diurno.
 Quid? si quis vultu toruo ferus, & pede nudo,

Exiguaeque togae simulet textore Catonem,
Virtutemne repraesentet moresque Catonis?
Rupit Hyarbitam Timagenis aemula lingua, 15
Dum studet vrbanus, tenditque disertus haberi.
Decipit exemplar vitiis imitabile: quod si
Pallerem casu, biberent exsangue cuminum.
O imitatores, seruum pecus, vt mihi saepe
Bilem, saepe iocum vestri mouere tumultus! 20
Libera per vacuum posui vestigia princeps,
Non aliena meo pressi pede: qui sibi fudit
Dux, regit examen. Parios ego primus iambos
Ostendi Latio, numeros animosque sequutus
Archilochi, non res & agentia verba Lycamben. 25
At, ne me foliis ideo breuioribus ornes,
Quod timui mutare modos & carminis artem:
Temperat Archilochi Musam pede mascula Sappho,
Temperat Alcaeus: sed rebus & ordine dispar:
Nec foecerum quaerit, quem versibus oblinat atris, 30
Nec sponsae laqueum famoso carmine nectit.
Hunc ego non alio dictum prius ore, Latinis
Vulgaui fidicen: iuuat immemorata ferentem
Ingenuis oculisque legi, manibusque teneri.

Scire velis, mea cur ingratus opuscula lector 35

Laudet, ametque domi, premat extra limen iniquus?

Non ego ventosae plebis suffragia venor,

Impensis coenarum & tritae munere vestis.

Non ego, nobilium scriptorum auditor & vltor,

Grammaticas ambire tribus & pulpita dignor. 40

Hinc illae lacrimae: spissis indigna theatris

Scripta pudet recitare, & nugis addere pondus:

Si dixi: Rides, ait: & Iouis auribus ista

Seruas: fidis enim manare poetica mella

Te solum, tibi pulcher. Ad haec ego naribus vti 45

Formido, & luctantis acuto ne fecer vngui,

Displicet iste locus, clamo, & diludia posco.

Ludus enim genuit trepidum certamen, & iram:

Ira truces inimicitias, & funebre bellum.





AD LIBRVM SVVM

EPISTOLÀ XX.

Librum suum compellat in lucem prodire cupientem, a quo eum, propositis, quae impendent, periculis, detertere conatur. De suo genere, vita & moribus, nec non de corporis statura & aetate quaedam refert, quae ab eo narrari velit.

Vertumnum Ianumque, liber, spectare videris:

Scilicet ut prostes Sosiorum pumice mundus.

Odisti clauas, & grata sigilla pudico:

Paucis ostendi gemis, & communia laudas.

Non ita nutritus: fuge, quo discedere gestis. 5

Non erit emissio redditus tibi. Quid miser egi?

Quid volui? dices: ubi quis te laeserit: & scis

In breue te cogi, quum plenus languet amator.

Quod si non odio peccantis desipit augur,

Carus eris Romae, donec te deferat aetas. 10


Contrectatus ubi manibus fordescere vulgi

Coeperis, aut tineas pasces taciturnus inertes,

Aut fugies Vticam, aut victus mitteris Ilerdam.

Ridebit monitor non exauditus: vt ille,
 Qui male parentem in rupes protrufit afellum 15
 Iratus. Quis enim inuitum feruare laboret?
 Hoc quoque te manet, vt pueros elementa docentem
 Occupet extremis in vicis balba fenectus.
 Quum tibi fol tepidus plures admoūerit aures,
 Me libertino natum patre, & in tenui re 20
 Maiores pennas nido extendiffē loqueris:
 Vt quantum generi demas, virtutibus addas.
 Me primis vrbis belli placuiſſe domique:
 Corporis exigui, praecanum, folibus aptum:
 Iraſci celerem, tamen vt placabilis eſſem. 25
 Forte meum ſi quis te percunctabitur aeuum,
 Me quater vndenos ſciat impleuiſſe Decembres,
 Collegam Lepidum quo duxit Lollius anno.





Q. HORATII F.

EPISTOLARVM

LIBER II.

AD AVGVSTVM

EPISTOLA I.

Queritur de prauo Romanorum suae aetatis iudicio, poemata e vetustate aestimantium, & noua, non ob aliud, quam quod noua essent, fastidientium: quum tamen multa sint in veteribus poetis reprehensione digna. Poeticae studium non multis ante seculis Romae coli coeptum esse dicit: & fatetur quidem, non minus indoctos, quam doctos poemata scribere: sed aliqua commoda hunc illorum errorem consequi, atque adeo, qualescumque sint, illo suo poeticae studio ipsi reipublicae, vtilis esse ostendit; poesis initio rudem, non nisi sero ex Graecorum lectione expoliri coepisse ait, quum Graecia capta ceteras etiam artes agresti Latio intulit. Vulgi de Comoedia, tamquam opere minime laborio-

so, iudicium reprehendit: & quae a scribendis fabulis multos deterreant, exponit. Postremo de poetis illis agit, qui non spectatoribus scribunt, sed lectoribus: & Augustum, ad calcar illis addendum, hortatur, eius de Virgilio & Vario iudicium laudans.

Quum tot sustineas & tanta negotia solus,
 Res. Italas armis tuteris, moribus ornes,
 Legibus emendes: in publica commoda peccem,
 Si longo sermone morer tua tempora, Caesar.
 Romulus, & Liber pater, & cum Castore Pollux, 5
 Post ingentia facta, deorum in templa recepti,
 Dum terras hominumque colunt genus, aspera bella
 Componunt, agros assignant, oppida condunt;
 Plorauere suis non respondere fauorem
 Speratum meritis: diram qui contudit hydram, 10
 Notaque fatali portenta labore subegit,
 Comperit inuidiam supremo fine domari.
 Vrit enim fulgore suo, qui prae grauat artes
 Infra se positas, extinctus amabitur idem.
 Praesenti tibi maturos largimur honores, 15
 Iurandasque tuum per nomen ponimus aras,

Nil oriturum alias, nil ortum tale fatentes.
Sed tuus hic populus, sapiens & iustus in vno,
Te nostris ducibus, te Graiis anteferendo,
Cetera nequaquam simili ratione modoque 20
Aestimat: &, nisi quae terris semota, suisque
Temporibus defuncta videt, fastidit & odit.
Sic fautor veterum, ut tabulas peccare vetantes,
Quas bis, quinque viri sanxerunt, foedera regum,
Vel Gabiis vel cum rigidis aequata Sabinis, 25
Pontificum libros, annosa volumina vatum,
Dictitet Albano Musas in monte loquutas.
Si, quia Graecorum sunt antiquissima quaeque
Scripta, vel optima, Romani pensantur eadem
Scriptores trutina; non est quod multa loquamur; 30
Nil intra est oleam, nil extra est in nuce duri.
Venimus ad summum fortunae: pingimus, atque
Pfallimus, & luctamur Achiuis doctius vinctis.
Si meliora dies, ut vina, poemata reddit;
Scire velim; pretium chartis quotus adroget annus. 35
Scriptor adhinc annos centum qui decedit, inter
Perfectos veteresque referri debet? an inter
Viles atque novos? excludat iurgia finis.

Est vetus atque probus, centum qui perficit annos,
 Quid? qui deperiit minor vno mense, vel anno, 40
 Inter quos referendus erit? veteresne poetas?
 An quos & praesens & postera respuet aetas?
 Iste quidem veteres inter ponetur honeste,
 Qui vel mense breui, vel toto est iunior anno.
 Vtor permissio, caudaeque pilos vt equinae 45
 Paullatim vello, demo vnum, demo etiam vnum:
 Dum cadat elusus ratione ruentis acerui,
 Qui redit ad fastos & virtutem aestimat annis,
 Miraturque nihil nisi quod Libitina sacrauit.
 Ennius & sapiens & fortis, & alter Homerus, 50
 Vt critici dicunt, leuiter curare videtur,
 Quo promissa cadant & somnia Pythagorea.
 Naeuius in manibus non est, & mentibus haeret
 Paene recens: adeo sanctum est vetus omne poema.
 Ambigitur quoties vter vtro sit prior, aufert 55
 Pacuuius docti famam senis, Accius alti:
 Dicitur Afrani toga conuenisse Menandro:
 Plautus ad exemplar Siculi properare Epicharmi:
 Vincere Caecilius grauitate, Terentius arte.

Hos edificat, & hos arto stipata theatro 60
Spectat Roma potens: habet hos numeratque poetas
Ad nostrum tempus, Liui scriptoris ab aeuo.
Interdum vulgus rectum videt, est vbi peccat.
Si veteres ita miratur, laudatque poetas,
Vt nihil anteferat, nihil illis comparet, errat. 65
Si quaedam nimis antiquae, si pleraque dure
Dicere credit eos, ignaue multa, fatetur:
Et sapit, & mecum facit, & Ioue iudicat aequo.
Non equidem infector, delendaque carmina Liui
Esse reor, memini quae plagosum mihi paruo 70
Orbilium distare: sed emendata videri,
Pulchraque, & exactis minimum distantia, miror.
Inter quae verbum emicuit si forte decorum, &
Si versus paullo concinnior vnus & alter,
Iniuste totum ducit venditque poema. 75
Indignor quidquam reprehendi, non quia crasse
Compositum, illepideum putetur, sed quia nuper:
Nec veniam antiquis, sed honorem & praemia posci.
Recte, necne, crocum floresque perambulet Attae
Fabula, si dubitem, clament periisse pudorem 80
Cuncti paene patres, ea quum reprehendere coner,

Quae grauis Aesopus, quae doctus Roscius egit:
 Vel quia nil rectum, nisi quod placuit sibi, ducunt;
 Vel quia turpe putant parere minoribus, & quae
 Imberbes didicere, senes perdenda fateri. 85
 Iam saliare Numae carmen qui laudat, & illud,
 Quod mecum ignorat, solus vult scire videri:
 Ingeniis non ille fauet plauditque sepultis,
 Nostra sed impugnat, nos nostraque liuidus odit.
 Quod si tam Graecis nouitas inuisa fuisset, 90
 Quam nobis, quid nunc esset vetus? aut quid haberet,
 Quod legeret tereretque viritim publicus vsus?
 Vt primum positis nugari Graecia bellis
 Coepit, & in vitium fortuna labier aequa,
 Nunc athletarum studiis, nunc arsit equorum: 95
 Marmoris, aut eboris fabros, aut aeris amauit:
 Suspendit picta vultum, mentemque tabella:
 Nunc tibicinibus, nunc est gauisa tragoedis:
 Sub nutrice puella velut si luderet infans,
 Quod cupide petiit, mature plena reliquit. 100
 Quid placet, aut odio est, quod non mutabile credas?
 Hoc paces habuere bonae ventique secundi.
 Romae dulce diu fuit & sollemne, reclusa

Mane domo vigilare, clienti promere iura;
Cautos nominibus certis expendere nummos, 105
Maiores audite, minori dicere, per quæ
Crescere res posset, minui damnosa libido.
Mutauit mentem populus leuis, & calet vno
Scribendi studio, pueri patresque feueri.
Fronde comas vincti coenant, & carmina distant. 110
Ipse ego, qui nullos me adfirmo scribere versus,
Inuenior Parthis mendacior, & prius orto
Sole, vigil calamum & chartas & scrinia posco.
Nauem agere, ignarus nauis timet: abrotonum aegro
Non audet, nisi qui didicit, dare. Quod medicorum est,
Promittunt medici: tractant fabrilia fabri. 116
Scribimus indocti doctique poemata passim.
Hic error tamen & leuis haec infania quantas
Virtutes habeat, sic collige: vatis auarus
Non temere est animus: versus amat, hoc studet
vnum: 120
Detrimenta, fugas seruorum, incendia ridet:
Non fraudem socio, pueroue incogitat vllam
Pupillo: viuit filiquis & pane secundo:
Militiæ quamquam piger & malus, utilis vrbi.

Si das hoc, paruis quoque rebus magna iuuari. 125

Os tenerum pueri balbumque poeta figurat:

Torquet ab obscenis iam nunc sermonibus aurem:

Mox etiam pectus praeceptis format amicis,

Asperitatis & inuidiae corrector & irae:

Recte facta refert: orientia tempora notis 130

Instruit exemplis: inopem solatur & aegrum.

Castis cum pueris ignara puella mariti

Disceret unde preces, vatem ni Musa dedisset?

Poscit opem chorus, & praesentia numina sentit:

Coelestes implorat aquas docta prece blandus: 135

Auertit morbos, metuenda pericula pellit:

Impetrat & pacem, & locupletem frugibus annum.

Carmines di superi placantur, carmine manes.

Agricolae prisca, fortes, paruoque beati,

Condita post frumenta, levantes tempore festo 140

Corpus, & ipsum animum spe finis dura ferentem,

Cum fociis operum, & pueris, & coniuge fida,

Tellurem porco, Sylvanum lacte piabant,

Floribus & vino Genium, memorem brevis aevi.

Fescennina per hunc inuenta licentia morem 145

Versibus alternis opprobria rustica fudit,

Libertasque recurrentes accepta per annos
Lusit amabiliter; donec iam saeuus apertam
In rabiem verti coepit iocus, & per honestas
Ire domos impune minax: doluere cruento 150
Dente laceffiti: fuit intactis quoque cura
Conditione super communi: quin etiam lex
Poenaque lata, malo quae nollet carmine quemquam
Describi: vertere modum, formidine fustis
Ad bene dicendum delectandumque reducti. 155
Graecia capta ferum victorem cepit, & artes
Intulit agresti Latio: sic horridus ille
Defluxit numerus Saturnius, & graue virus
Munditiae pepulere: sed in longum tamen aeuum
Manferunt, hodieque manent, vestigia ruris. 160
Serus enim Graecis admouit acumina chartis,
Et post Punica bella quietus, quaerere coepit,
Quid Sophocles & Thespis & Aeschylus vtile ferrent.
Tentaui quoque, rem si digne vertere posset:
Et placuit sibi, natura sublimis & acer: 165
Nam spirat tragicum satis, & feliciter audet:
Sed turpem putat in scriptis, metuitque lituram.
Creditor, ex medio quia res arcessit, habere

Sudoris minimum; sed habet comoedia tanto
 Plus oneris, quanto veniae minus: adspice, Plautus
 Quo pacto partes tutetur amantis ephebi, 171
 Vt patris attenti, lenonis vt infidiosi:
 Quantus sit Dossennus edacibus in parasitis:
 Quam non adstricto percurrat pulpita focco.
 Gestit enim nummum in oculos demittere, post hoc
 Securus, cadat, an recto stet fabula talo. 176
 Quem tulit ad scenam ventoso gloria curru:
 Exanimat lentus spectator, sedulus inflat.
 Sic leue, sic paruum est, animum quod laudis auarum
 Subruit aut reficit. Valeat res ludicra, si me 180
 Palma negata macrum, donata reducit opimum.
 Saepe etiam audacem fugat, hoc terretque poetam,
 Quod numero plures, virtute & honore minores,
 Indocti stolidique, & depugnare parati,
 Si discordet eques, media inter carmina poscunt 185
 Aut vrsus, aut pugiles: his nam plebecula gaudet.
 Verum equitis quoque iam migravit ab aure voluptas
 Omnis ad incertos oculos & gaudia vana.
 Quattuor, aut plures aulaea premuntur in horas,
 Dum fugiunt equitum turmae, peditumque cateruae.

Mox trahitur manibus regum fortuna retortis. 191
Effeda festinant, pilenta, petorrta, naues:
Captiuum portatur ebur, captiua Corinthus.
Si foret in terris, rideret Democritus, seu
Diuersum confusa genus panthera camelo, 195
Siue elephas albus vulgi conuerteret ora:
Spectaret populum ludis attentius ipsis,
Vt sibi praeberentem mimo spectacula plura.
Scriptores autem narrare putaret afello
Fabellam furdo: nam quae peruincere voces 200
Eualuere sonum, referunt quem nostra theatra?
Garganum mūgire putes nemus, aut mare Tuscum;
Tanto cum strepitu ludi spectantur, & artes,
Diuitiaeque peregrinae, quibus oblitus actor
Quum stetit in scena, concurrat dextera laeuae. 205
Dixit adhuc aliquid? Nil sane. Quid placet ergo?
Lana Tarentino violas imitata veneno.
Ac ne forte putes me, quae facere ipse recusem,
Quum recte tractent alii, laudare maligne:
Ille per extentum funem mihi posse videtur 210
Ire poeta, meum qui pectus inaniter angit,
Irritat, mulcet, falsis terroribus implet,

Vt magus; & modo me Thebis, modo ponit Athenis.
 Verum age, & his, qui se lectori credere malunt,
 Quam spectatoris fastidia ferre superbi, 215
 Curam redde breuem, si munus Apolline dignum
 Vis complere libris, & vatibus addere calcar,
 Vt studio maiore petant Helicon virentem.
 Multa quidem nobis facimus mala saepe poetae, 219
 (Vt vineta egomet caedam mea) quum tibi librum
 Sollicito damus, aut fesso: quum laedimur, vnum
 Si quis amicorum est ausus reprehendere versum:
 Quum loca iam recitata reuoluimus irreuocati:
 Quum lamentamur, non adparere labores
 Nostros & tenui deducta poemata filo: 225
 Quum speramus eo rem venturam, vt simul atque
 Carmina rescieris nos fingere, commodus vltro
 Arceffas, & egere vetes, & scribere cogas.
 Sed tamen est operae pretium cognoscere, quales
 Aedituos habeat belli spectata domique 230
 Virtus, indigno non committenda poetae.
 Gratus Alexandro regi Magno fuit ille
 Choerilus, incultis qui versibus & male natis
 Rettulit acceptos, regale numisma, Philippos.

Sed veluti tractata notam labemque remittunt 235

Atramenta, fere scriptores carmine foedo

Splendida facta linunt. Idem rex ille, poema

Qui tam ridiculum tam care prodigus emit,

Edicto vetuit, ne quis se, praeter Apellem,

Pingeret, aut alius Lysippo duceret aera 240

Fortis Alexandri vultum simulantia. Quod si

Iudicium subtile videndis artibus, illud

Ad libros & ad haec Musarum dona vocares,

Boeotum in crasso iurares aere natum.

At neque dedecorant tua de se iudicia, atque 245

Munera, quae multa dantis cum laude tulerunt,

Dilecti tibi Virgilius, Variusque poetae.

Nec magis expressi vultus per aenea signa,

Quam per vatis opus mores, animique virorum

Clarorum adparent: nec sermones ego mallet 250

Repentes per humum, quam res componere gestas:

Terrarumque situs, & flumina dicere, & arces

Montibus impositas, & barbara regna, tuisque

Auspiciis totum confecta duella per orbem,


Claustraque custodem pacis cohibentia Ianum, 255

Et formidatam Parthis te principe Romam:

Si, quantum cuperem, possem quoque; sed neque
paruum

Carmen maiestas recipit tua, nec meus audet
Rem tentare pudor, quam vires ferre recusent.
Sedulitas autem, stulte quem diligit, vrget; 260
Praecipue quum se numeris commendat & arte.
Discit enim citius, meminitque libentius illud,
Quod quis deridet, quam quod probat & veneratur.
Nil moror officium, quod me grauat: ac neque ficto
In peius vultu proponi cereus vsquam, 265
Nec praue factis decorari versibus opto:
Ne rubeam pingui donatus munere, & vna
Cum scriptore meo, capsâ porrectus aperta
Deferar in vicum vendentem tus & odores,
Et piper, & quidquid chartis amicitur ineptis. 270





AD IVLIVM FLORVM,

EPISTOLA II.

Excusat se Iulio Floro, querenti, quod nec epistolam ullam, nec ea, quae promiserat, carmina misisset. Ac primum se pigrum fatetur esse, atque id illi praedixisse: ideoque se vitioso seruo comparat, cuius emtor sit Florus, a venditore de vitio praemonitus. Deinde se, quod de Luculli milite narrat, imitari velle dicit. Ac quum paupertate ad versus faciendos impulsus fuerit, nunc eas facultates consequutum, quae satis esse possint, malle somno id temporis dare, quod alioqui scribendis versibus daturus esset. Adfert & alias rationes, cur non scribat: quarum vna conuenit cum his Nasonis verbis: „Carmina secessum scribentis & otia quaerunt.„ Denique quamuis poetae vulgo mutuis laudibus se ornent, multa componi ab illis, quae merito risu excipiantur. Contra vero, ad scribendum legitimum poema, plurima requiri: rem magni laboris esse, & quae animum etiam torqueat: at sibi non tanti esse, sapientem scriptorem haberi. Sibi igitur, quum iam prouectae aetatis sit, ad alios numeros animum esse adpellendum:

nimirum ad numeros, & artem vitae bene instituendae. Atque, adeo se iam in eo totum esse, vt fruendo modicis opibus, quae adsunt, discat maiores non concupiscere. Verum ad bene beateque viuendum (quod vocat recte viuere) non satis esse carere auaritia, sed cetera etiam omnia vitia extirpari debere.

Flore, bono claroque fidelis amice Neroni,
 Si quis forte velit puerum tibi vendere natum
 Tibure, vel Gabiis, & tecum sic agat: Hic &
 Candidus, & talos a vertice pulcher ad imos,
 Fiet, eritque tuus nummorum millibus octo, S
 Verna ministeriis ad nutus aptus heriles,
 Litterulis Graecis imbutus, idoneus arti
 Cuilibet: argilla quiduis imitaberis vda.
 Quin etiam canet indoctum, sed dulce bibenti.
 Multa fidem promissa leuant, vbi plenius aequo IO
 Laudat venales, qui vult extrudere, merces.
 Res vrget me nulla: meo sum pauper in aere.
 Nemo hoc mangonum faceret tibi: non temere a me
 Quiuis ferret idem: semel hic cessauit, & (vt fit)
 In scalis latuit metuens pendentis habenae. 15
 Des nummos, excepta nihil te si fuga laedat.

Ille ferat pretium, poenae securus, opinor.

Prudens emisti vitiosum: dicta tibi est lex.

Insequeris tamen hunc, & lite moraris iniqua.

Dixi me pigrum proficiscenti tibi, dixi 20

Talibus officiis prope mancum: ne mea faeuus

Iurgares ad te quod epistola nulla veniret.

Quid tum profeci, mecum facientia iura

Si tamen attentas? quereris super hoc etiam, quod

Expectata tibi non mittam carmina mendax. 25

Luculli miles collecta viatica multis

Aerumnis, lassus dum noctu stertit, ad assem

Perdiderat: post hoc vehemens lupus, & sibi & hosti

Iratus pariter, ieiunis dentibus acer,

Praesidium regale loco deiecit. (vt aiunt) 30

Summe munito, & multarum diuite rerum.

Clarus ob id factum donis ornatur honestis,

Accipit & bis dena super sestertia nummum.

Forte sub hoc tempus castellum euertere praetor

Nescio quod cupiens, hortari coepit eundem 35

Verbis, quae timido quoque possent addere mentem:

I bone, quo virtus tua te vocat; i pede fausto,

Grandia laturus meritorum praemia: quid stas?

Post haec ille catus, quantumuis rusticus, ibit,
 Ibit eo, quo vis, qui zonam perdidit (inquit). 40
 Romae nutrir mihi contigit, atque doceri,
 Iratus Graiis quantum nocuisset Achilles.
 Adiecere bonae paullo plus artis Athenae:
 Scilicet vt possem curuo dignoscere rectum,
 Atque inter filuas Academi quaerere verum. 45
 Dura sed emouere loco me tempora grato,
 Ciuilisque rudem belli tulit aestus in arma,
 Caesaris Augusti non responsura lacertis.
 Vnde simul primum me dimisere Philippi,
 Decisis humilem pennis, inopemque paterni 50
 Et laris & fundi; paupertas impulit audax;
 Vt versus facerem: sed, quod non desit, habentem,
 Quae poterunt vmquam satis expurgare cicutae,
 Ni melius dormire putem, quam scribere versus?
 Singula de nobis anni praedantur euntes: 55
 Eripuere iocos, Venerem, conuiuia, ludum:
 Tendunt extorquere poemata: quid faciam vis?
 Denique non omnes eadem mirantur, amantque:
 Carmine tu gaudes, hic delectatur iambis:
 Ille, Bioneis sermonibus, & sale nigro. 60

Tres mihi conuiuae prope dissentire videntur,

Poscentes vario multum diuersa palato.

Quid dem? quid non dem? renuis tu, quod iubet
alter;

Quod petis, id sane est inuisum acidumque duobus.

Praeter cetera, me Romaene poemata censes 65

Scribere posse, inter tot curas, totque labores?

Hic sponsum vocat, hic auditum scripta, relictis

Omnibus officiis: cubat hic in colle Quirini,

Hic extremo in Auentino: visendus vterque.

Interualla vides humane commoda. Verum 70

Purae sunt plateae, nihil vt meditantibus obstat.

Festinat calidus mulis, gerulisque redemptor:

Torquet nunc lapidem, nunc ingens machina tignum:

Tristia robustis luctantur funera plaustris:

Hac rabiosa fugit canis, hac lutulenta ruit sus. 75

I nunc, & versus tecum meditare canoros.

Scriptorum chorus omnis amat nemus, & fugit vrbes,

Rite cliens Bacchi, somno gaudentis, & umbra.

Tu me inter strepitus nocturnos atque diurnos

Vis canere, & contracta sequi vestigia vatum? 80

Ingenium, sibi quod vacuas desumpsit Athenas,

Et studiis annos septem dedit, infenuitque
 Libris & curis, statua taciturnius exit
 Plerumque, & risu populum quatit: hic ego rerum
 Fluctibus in mediis, & tempestatibus vrbis, 85
 Verba lyrae motura sonum connectere digner?
 Frater erat Romae consulti rhetor, vt alter
 Alterius fermone meros audiret honores:
 Gracchus vt hic illi foret, -hic vt Mutius illi.
 Qui minus argutos vexat furor iste poetas? 90
 Carmina compono, hic elegos: mirabile visu,
 Caelatumque nouem Musis opus. Adspice primum,
 Quanto cum fastu, quanto molimine circum-
 Spectemus vacuam Romanis vatibus aedem.
 Mox etiam (si forte vacas) sequere, & procul audi, 95
 Quid ferat, & quare sibi nectat vterque coronam.
 Caedimur, & totidem plagis consumimus hostem,
 Lento Samnites ad lumina prima duello.
 Discedo Alcaeus puncto illius: ille meo quis?
 Quis, nisi Callimachus? si plus adposcere visus, 100
 Fit Mimnermus, & optiuo cognomine crescit.
 Multa fero, vt placeam genus irritabile vatum,

Quum scribo, & supplex populi suffragia capto :
Idem, finitis studiis, & mente recepta,
Obturem patulas impune legentibus aures. 105
Ridentur, mala qui componunt carmina: verum
Gaudent scribentes, & se venerantur, & vltro
(Si taceas) laudant quidquid scripsere, beati.
At qui legitimum cupiet fecisse poema,
Cum tabulis animum censoris sumet honesti: 110
Audebit quaecumque parum splendoris habebunt,
Et sine pondere erunt, & honore indigna ferentur,
Verba mouere loco: quamuis inuita recedant,
Et versentur adhuc intra penetralia Vestae.
Obscurata diu populo bonus eruet, atque 115
Proferet in lucem speciosa vocabula rerum,
Quae priscis memorata Catonibus atque Cethegis,
Nunc situs informis premit & deserta vetustas.
Adsciscet noua, quae genitor produxerit vsus.
Vehemens & liquidus, puroque simillimus amni, 120
Fundet opes, Latiumque beabit diuite lingua.
Luxuriantia compescet, nimis aspera sano
Leuabit cultu, virtute carentia tollet:
Ludentis speciem dabit, & torquebitur: vt qui

Nunc Satyrum, nunc agrestem Cyclopa mouetur. 125

Praetulerim scriptor delirus inersque videri,

Dum mea delectent mala me, vel denique fallant,

Quam sapere, & ringi. Fuit haud ignobilis Argis,

Qui se credebat miros audire tragoedos,

In vacuo laetus fessor plausorque theatro: 130

Cetera qui vitae seruaret munia recto

More, bonus sane vicinus, amabilis hospes,

Comis in vxorem, posset qui ignoscere seruis,

Et signo laeso non insanire lagenae:

Posset qui rupem & puteum vitare patentem. 135

Hic vbi cognatorum opibus curisque relictus,

Expulit elleboro morbum, bilemque meraco,

Et redit ad sese; pol me occidistis amici,

Non seruastis, (ait) cui sic extorta voluptas,

Et demtus per vim mentis gratissimus error. 140

Nimirum sapere est abiectis vtile nugis,

Et tempestiuum pueris concedere ludum,

Ac non verba sequi fidibus modulanda Latinis,

Sed verae numerosque modosque ediscere vitae.

Quocirca mecum loquor haec, tacitusque recordor:

Si tibi nulla sitim finiret copia lymphae, 146

Narrares medicis: quod quanto plura parasti,
Tanto plura cupis, nulline faterier audes?

Si vulnus tibi, monstrata radice vel herba,
Non fieret leuius; fugeres radice vel herba 150

Proficiente nihil curarier: audieras, cui
Rem di donarent, illi decedere prauam

Stultitiam; & quum sis nihilo sapientior, ex quo
Plenior es, tamen vteris monitoribus isdem?

At si diuitiae prudentem reddere possent, 155

Si cupidum timidumque minus te: nempe ruberes,
Viueret in terris te si quis auarior vno.

Si proprium est, quod quis libera mercatus &
aere est,

Quaedam (si credis consultis) mancipat vsus:

Qui te pascit ager, tuus est: & villicus Orbi, 160

Quum segetes occat, tibi mox frumenta daturus,

Te dominum sentit: das nummos: accipis vuam,

Pullos, oua, cadum temeti: nempe modo isto

Paullatim mercaris agrum, fortasse trecentis

(Aut etiam supra) nummorum millibus emptum. 165

Quid refert, viuas numerato nuper, an olim?

Emtor Aricini quondam Veientis & arui,

Emitum coenat olus, quamuis aliter putat: emitis

Sub noctem gelidam lignis calefactat ahenum.

Sed vocat vsque suum, qua populus adfita certis 170

Limitibus vicina refugit iurgia, tamquam

Sit proprium quidquam, puncto quod mobilis horae,

Nunc prece, nunc pretio, nunc vi, nunc forte
suprema

Permutet dominos, & cedat in altera iura.

Sic quia perpetuus nulli datur vsus, & haeres 175

Haeredem alterius, velut vnda superuenit vndam;

Quid vici profunt, aut horrea? quidue Calabris

Saltibus adiecti Lucani? si metit Orcus

Grandia cum paruis, non exorabilis auro?

Gemmas, marmor, ebur, Tyrrhena sigilla, tabellas,

Argentum, vestes Gaetulo murice tinctas, 181

Sunt qui non habeant, est qui non curet habere.

Cur alter fratrum cessare, & ludere, & vngi

Praeferat Herodis palmetis pinguibus, alter

Diues & importunus, ad vmbram lucis ab ortu 185

Siluestrem flammis & ferro mitiget agrum,

Scit Genius, natale comes qui temperat astrum,

Naturae deus humanae, mortalis in vnum-

Quodque caput, vultu mutabilis, albus, & ater.
Vtar, & ex modico, quantum res poscet, aceruo 190
Tollam: nec metuam quid de me iudicet haeres,
Quod non plura datis inuenerit, & tamen idem
Scire volam, quantum simplex hilarisque nepoti
Discrepet, & quantum discordet parcus avaro.
Distat enim, spargas tua prodigus, an neque sumtum
Inuitus facias, neque plura parare labores; 196
Ac potius, puer vt festis quinquatribus olim,
Exiguo, gratoque fruaris tempore raptim.
Pauperies, immunda domus procul absit: ego,
vtrum

Naue ferar magna an parua, ferar vnus & idem. 200
Non agimur tumidis velis Aquilone secundo:
Non tamen aduersis aetatem ducimus Austris.
Viribus, ingenio, specie, virtute, loco, re,
Extremi primorum, extremis vsque priores.
Non es avarus: abi, quid cetera? iam simul isto 205
Cum vitio fugere? caret tibi pectus inani
Ambitione? caret mortis formidine, & ira?
Somnia, terrores magicos, miracula, fagas,
Nocturnos lemures, portentaque Theffala rides?

Natales grate numeras? ignoscis amicis? 210

Lenior & melior sis accedente senectâ?

Quid te exempta iuuat spinis de pluribus vna?

Viuerè si rectè nescis, decede peritis.

Lusisti satis, edisti satis, atque bibisti:

Tempus abire tibi est: ne potum largius aequo 215

Rideat, & pulset lasciua decentius aetas.





Q. HORATII F.
DE ARTE POETICA
LIBER

AD PISONES

Humano capiti ceruicem pictor equinam
Iungere si velit, & varias inducere plumas,
Vndique collatis membris, vt turpiter atrum
Desinat in piscem mulier formosa superne;
Spectatum admissi risum teneatis amici? 5
Credite, Pisones, isti tabulae fore librum
Perfimilem, cuius, velut aegri somnia, vanae
Fingentur species: vt nec pes, nec caput vni
Reddatur formae. Pictoribus atque poetis
Quidlibet audendi semper fuit aequa potestas. 10
Scimus, & hanc veniam petimusque damusque vicissim:
Sed non vt placidis coeant immitia, non vt
Serpentes auibus gementur, tigribus agni.

Inceptis grauibus plerumque & magna professis
 Purpureus, late qui splendeat, vnus & alter 15
 Adfuitur pannus; quum lucus, & ara Dianae,
 Et properantis aquae per amoenos ambitus agros,
 Aut flumen Rhenum, aut pluuius describitur arcus.
 Sed nunc non erat his locus: & fortasse cupressum
 Scis simulare: quid hoc? si fractis enatat exspēs 20
 Nauibus, aere dato qui pingitur? amphora coepit
 Institui, currente rota, cur vrceus exit?
 Denique sit, quod vis, simplex dumtaxat & vnum.

Maxima pars vatum, pater, & iuuenes patre digni,
 Decipimur specie recti: breuis esse laboro, 25
 Obscurus fio: sectantem laeuia, nerui
 Deficiunt animique; professus grandia turget:
 Serpit humi tutus nimium, timidusque procellae.
 Qui variare cupit rem prodigialiter vnam,
 Delphinum siluis adpingit, fluctibus aprum. 30
 In vitium ducit culpae fuga, si caret arte.
 Aemilium circa ludum faber imus & vngues
 Exprimet, & molles imitabitur aere capillos:
 Infelix operis summa, quia ponere totum

Nesciet: hunc ego me, si quid componere curem, 35
Non magis esse velim, quam prauo viuere naso;
Spectandum nigris oculis, nigroque capillo.

Sumite materiam vestris, qui scribitis, aequam
Viribus, & versate diu, quid ferre recusent,
Quid valeant humeri: cui lecta potenter erit res, 40
Nec facundia deferet hunc, nec lucidus ordo.

Ordinis haec virtus erit, & Venus (aut ego fallor)
Vt iam nunc dicat, iam nunc debentia dici
Pleraque differat, & praesens in tempus omittat.
Hoc amet, hoc spernat promissi carminis auctor. 45

In verbis etiam tenuis, cautusque serendis,
Dixeris egregie, notum si callida verbum
Reddiderit iunctura nouum. Si forte necesse est
Indiciis monstrare recentibus abdita rerum,
Fingere cinctutis non exaudita Cethegis 50
Continget, dabiturque licentia sumta pudenter.
Et noua fictaque nuper habebunt verba fidem, si
Graeco fonte cadant, parce detorta. Quid autem

Caecilio, Plautoque dabit Romanus, ademptum
 Virgilio, Varioque? ego, cur acquirere pauca, 55
 Si possum, inuideor, quum lingua Catonis & Enni
 Sermonem patrium ditauerit, & noua rerum
 Nomina protulerit? licuit, semperque licebit,
 Signatum praesente nota producere nomen.

Vt filuae foliis pronos mutantur in annos, 60
 Prima cadunt: ita verborum vetus interit aetas,
 Et iuuenum ritu florent modo nata vigentque.
 Debemur morti nos, nostraque: siue receptus
 Terra Neptunus, classes aquilonibus arcet,
 Regis opus, sterilisque diu palus aptaque remis, 65
 Vicinas vrbes alit, & graue fentit aratrum:
 Seu cursum mutauit iniquum frugibus amnis,
 Doctus iter melius. Mortalia facta peribunt:
 Ne dum sermonum stet honos, & gratia viuax.
 Multa renascentur, quae iam cecidere, cadentque, 70
 Quae nunc sunt in honore, vocabula, si volet usus:
 Quem penes arbitrium est, & ius & norma loquendi.

Res gestae regumque ducumque, & tristia bella,
 Quo scribi possent numero, monstrauit Homerus.

Verſibus impariter iunctis querimonia primum, 75

Post etiam incluſa eſt voti ſententia compos.

Quis tamen exiguos elegos emiſerit auctor,

Grammatici certant, & adhuc ſub iudice lis eſt.

Archilochum proprio rabies armavit iambo.

Hunc focci cepere pedem, grandesque cothurni, 80

Alternis aptum ſermonibus, & populares

Vincentem ſtrepitus, & natum rebus agendis.

Muſa dedit ſidibus diuos, puerosque deorum,

Et pugilem victorem, & equum certamine primum,

Et iuuenum curas, & libera vina referre. 85

Deſcriptas ſeruare vices operumque colores

Cur ego ſi nequeo ignoroque, poeta ſalutor?

Cur nescire, pudens prae, quam diſcere malo?

Verſibus exponi tragicis res comica non vult:

Indignatur item priuatis ac prope focco, 90

Dignis carminibus narrari coena Thyestae.

Singula quaeque locum teneant ſortita decenter.

Interdum tamen & vocem comoedia tollit,
 Iratusque Chremes tumido delitigat ore:
 Et tragicus plerumque dolet sermone pedestri. 95
 Telephus & Peleus, quum pauper & exsul vterque,
 Proiicit ampullas, & fesquipedalia verba,
 Si curat cor spectantis tetigisse querela.
 Non satis est pulchra esse poemata: dulcia sunt,
 Et quocumque volent, animum auditoris agunto. 100
 Vt ridentibus arrident, ita flentibus adsunt
 Humani vultus. Si vis me flere, dolendum est
 Primum ipsi tibi: tunc tua me infortunia laedent,
 Telephe, vel Peleu: male si mandata loqueris,
 Aut dormitabo, aut ridebo. Tristia moestum 105
 Vultum verba decent: iratum, plena minarum:
 Ludentem, lasciua: seuerum, seria dictu.
 Format enim natura prius nos intus ad omnem
 Fortunarum habitum: iuuat, aut impellit ad iram,
 Aut ad humum moerore graui deducit, & angit: 110
 Post effert animi motus interprete lingua.
 Si dicentis erunt fortunis absona dicta,
 Romani tollent equites peditesque cachinnum.
 Intererit multum, Diuusne loquatur, an Heros:

Maturusne fenex, an adhuc florente iuuenta 115

Feruidus: an matrona potens, an sedula nutrix:

Mercatorne vagus, cultorne virentis agelli:

Colchus, an Assyrius: Thebis nutritus, an Argis.

Aut famam sequere, aut sibi conuenientia finge

Scriptor. Honoratum si forte reponis Achillem: 120

Impiger, iracundus, inexorabilis, acer:

Iura neget sibi nata, nihil non adroget armis.

Sit Medea ferox inuictaque, flebilis Ino,

Perfidus Ixion, Io vaga, tristis Orestes.

Si quid inexpertum scenae committis, & audes 125

Personam formare nouam; seruetur ad imum

Qualis ab incepto processerit, & sibi constet.

Difficile est proprie communia dicere: tuque

Rectius Iliacum carmen deducis in actus,

Quam si proferres ignota indictaque primus. 130

Publica materies priuati iuris erit, si

Nec circa vilem patulum moraberis orbem:

Nec verbum verbo curabis reddere fidus

Interpres: nec desilies imitator in artum,

Vnde pedem referre pudor vetet, aut operis lex: 135

Nec sic incipies, vt scriptor cyclicus olim:

„ Fortunam Priami cantabo, & nobile bellum. „

Quid dignum tanto feret hic promissor hiatu?

Parturient montes, nascetur ridiculus mus.

Quanto rectius hic, qui nil molitur inepte: 140

Dic mihi Musa virum, captae post tempora Troiae,

Qui mores hominum multorum vidit & vrbes.

Non fumum ex fulgore, sed ex fumo dare lucem

Cogitat, vt speciosa dehinc miracula promat, 144

Antiphaten, Scyllamque & cum Cyclope Charybdim.

Nec reditum Diomedis ab interitu Meleagri,

Nec gemino bellum Troianum orditur ab ovo.

Semper ad euentum festinat, & in medias res,

Non secus ac notas, auditorem rapit, & quae

Desperat tractata nitescere posse, relinquit. 150

Atque ita mentitur, sic veris falsa remiscet,

Primo ne medium, medio ne discrepet imum.

Tu, quid ego, & populus mecum desideret, audi.

Si plausoris eges aulaea manentis, & vsque

Sessuri, donec cantor, vos plaudite, dicat: 155

Aetatis cuiusque notandi sunt tibi mores,

Mobilibusque decor naturis dandus, & annis.
Reddere qui voces iam scit puer, & pede certo
Signat humum, gessit paribus colludere, & iram
Colligit ac ponit temere, & mutatur in horas. 160
Inberbis iuuenis tandem custodè remoto,
Gaudet equis canibusque & aprici gramine campi;
Cereus in vitium flecti, monitoribus asper,
Vtilium tardus prouisor, prodigus aeris,
Sublimis, cupidusque, & amata relinquere pernix. 165
Conuersis studiis, aetas, animusque virilis
Quaerit opes, & amicitias, inferuit honori:
Commisisse cauet, quod mox mutare laboret.
Multa senem circumueniunt incommoda: vel quod
Quaerit, & inuentis miser abstinet, ac timet vti: 170
Vel quod res omnes timide gelideque ministrat,
Dilator, spe longus, iners, auidusque futuri,
Difficilis, querulus, laudator temporis acti
Se puero, censor castigatorque minorum.
Multa ferunt anni venientes cominoda secum, 175
Multa recedentes adimunt. Ne forte seniles
Mandentur iuueni partes, pueroque viriles;
Semper in adiunctis, aeuoque morabimur aptis.

Aut agitur res in scenis, aut acta refertur.
 Segnius irritant animos demissa per aurem, 180
 Quam quae sunt oculis subiecta fidelibus, & quae
 Ipse sibi tradit spectator. Non tamen intus
 Digna geri promes in scenam, multaque tolles
 Ex oculis, quae mox narret facundia praesens.
 Nec pueros coram populo Medea trucidet, 185
 Aut humana palam coquat exta nefarius Atreus.
 Aut in avem Progne vertatur, Cadmus in anguem.
 Quodcumque ostendis mihi sic, incredulus odi.

Neue minor, neu sit quinto productior actu
 Fabula, quae posci vult, & spectata reponi. 190
 Nec deus interfit, nisi dignus vindice nodus
 Inciderit: nec quarta loqui persona laboret.

Actoris partes chorus officiumque virile
 Defendat: neu quid medios intercinat actus,
 Quod non proposito conducat & haereat apte. 195
 Ille bonis fauceatque, & consilietur amice,
 Et regat iratos, & amet peccare timentes:
 Ille dapēs laudet mensae brevis, ille salubrem

Iustitiam, legesque, & apertis otia portis.

Ille tegat commissa, deosque precetur & oret, 200

Vt redeat miseris, abeat fortuna superbis.

Tibia non, vt nunc, orichalco vincta, tubaeque

Aemula, sed tenuis simplexque, foramine paucō

Adspirare, & adesse choris erat utilis, atque

Nondum spissa nimis complere fedilia flatu. 205

Quo fane populus numerabilis, vtpote paruus,

Et frugi, castusque, verecundusque coibat.

Postquam coepit agros extendere victor, & urbem

Latior amplecti murus, vinoque diurno

Placari Genius festis impune diebus;

210

Accessit numerisque modisque licentia maior.

Indoctus quid enim sciret, liberque laborum

Rusticus, urbano confusus, turpis honesto?

Sic priscae motumque & luxuriam addidit arti

Tibicen, traxitque vagus per pulpita vestem. 215

Sic etiam fidibus voces creuere feueris,

Et tulit eloquium insolitum facundia praeceps:

Vtiliumque sagax rerum & diuina futuri

Sortilegis non discrepuit sententia Delphis.

Carmine qui tragico vilem certauit ob hircum, 220
 Mox etiam agrestes Satyros nudauit, & asper
 Incolumi grauitate iocum tentauit: eo quod
 Illecebris erat & grata nouitate morandus
 Spectator, functusque sacris, & potus & exlex.
 Verum ita riores, ita commendare dicaces 225
 Conueniet Satyros, ita vertere seria ludo:
 Ne, quicumque deus, quicumque adhibebitur heros,
 Regali conspectus in auro nuper & ostro,
 Migret in obscuras humili sermone tabernas;
 Aut, dum vitat humum, nubes & inania captet. 230
 Effutire leues indigna tragoedia versus,
 Vt festis matrona moueri iussa diebus,
 Intererit Satyris paullum pudibunda proteruis.
 Non ego inornata & dominantia nomina solum,
 Verbaque, Pisones, Satyrorum scriptor amabo: 235
 Nec sic enitar tragico differre colori,
 Vt nihil intersit, Dauusne loquatur, & audax
 Pythias, emuncto lucrata Simone talentum,
 An custos famulusque dei Silenus alumni.
 Ex noto fictum carmen sequar, vt sibi quiuis 240
 Speret idem: sudet multum, frustraue laboret

Aufus idem. Tantum series iuncturaque pollet,
Tantum de medio fuentis accedit honoris.

Siluis deducti caueant (me iudice) Fauni,

Ne, velut innati triuiis, ac paene forenfes, 245

Aut nimium teneris iuuenentur versibus vñquam,

Aut immunda crepent, ignominiosaque dicta.

Offenduntur enim, quibus est equus, & pater, & res:

Nec, si quid fricti ciceris probat, & nucis emtor,

Aequis accipiunt animis, donantue corona. 250

Syllaba longa breui subiecta vocatur iambus,

Pes citus: vñde etiam trimetris accrescere iussit

Nomen iambeis, quum senos redderet ictus,

Primus ad extremum similis sibi: non ita pridem,

Tardior vt paullo grauiorque veniret ad aures, 255

Spondeos stabiles in iura paterna recepit

Commodus, & patiens: non vt de fede secunda

Cederet, aut quarta socialiter. Hic & in Acci

Nobilibus trimetris adparet rarus, & Enni.

In scenam missos magno cum pondere versus, 260

Aut operae celeris nimium, curaue carentis,

Aut ignoratae premit artis crimine turpi.

Non quivis videt inmodulata poemata iudex:

Et data Romanis venia est indigna poetis.

Idcircone vager, scribamque licenter? an omnes 265

Visuros peccata putem mea, tutus, & intra

Spern. veniæ cautus? vitæ denique culpam,

Non laudem merui. Vos exemplaria Graeca

Nocturna versate manu, versate diurna.

At nostri proavi Plautinos & numeros, & 270

Laudauere sales: nimium patienter vtrumque,

(Ne dicam stulte) mirati; si modo ego & vos

Scimus inurbanum lepido seponere dicto,

Legitimumque sonum digitis callemus, & aure.

Ignotum Tragicae genus inuenisse Camoenae 275

Dicitur, & plaustris vexisse poemata Thespis,

Quae canerent agerentque peruncti faecibus ora.

Post hunc personae pallaeque repertor honestae

Aeschylus, & modicis instrauit pulpita tignis,

Et docuit magnumque loqui, nitique cothurno. 280

Successit vetus his comoedia, non sine multa

Laude: sed in vitium libertas excidit, & vim

Dignam lege regi; lex est accepta, chorusque
Turpiter obticuit, sublato iure nocendi.

Nil intentatum nostri liquere poetae, 275

Nec minimum meruere decus, vestigia Graeca

Ausi deferere, & celebrare domestica facta:

Vel qui Praetextas, vel qui docuere Togatas.

Nec virtute foret clarisue potentius armis,

Quam lingua, Latium, si non offenderet vnum-290

Quemque poetarum limae labor, & mora. Vos, o

Pompilius sanguis, carmen reprehendite, quod non

Multa dies, & multa litura coercuit, atque

Perfectum decies non castigavit ad vnguem.

Ingenium misera quia fortunatius arte 295

Credit, & excludit sanos Helicone poetas

Democritus; bona pars non vngues ponere curat,

Non barbam: secreta petit loca, balnea vitat.

Nanciscetur enim pretium, nomenque poetae,

Si tribus Anticyris caput insanabile, numquam 300

Tonfori Licino commiserit. O ego laevis,

Qui purgor bilem sub verni temporis horam!

Non alius faceret meliora poemata, verum
 Nil tanti est. Ergo fungar vice cotis, acutum
 Reddere quae ferrum valet, exfors ipsa secandi, 305
 Munus & officium, nil scribens ipse, docebo:
 Vnde parentur opes: quid alat, formetque poetam:
 Quid deceat, quid non: quo virtus, quo ferat error.

Scribendi recte, sapere est principium & fons.
 Rem tibi Socraticae poterunt ostendere chartae, 310
 Verbaque prouisam rem non inuita sequentur.
 Qui didicit patriae quid debeat, & quid amicis,
 Quo sit amore parens, quo frater amandus, & hospes,
 Quod sit conscripti, quod iudicis officium, quae
 Partes in bellum missi ducis: ille profecto 315
 Reddere personae scit conuenientia cuique.
 Respicere exemplar vitae morumque iubebo
 Doctum imitatore, & veras hinc ducere voces.
 Interdum speciosa locis, morataque recte
 Fabula, nullius Veneris, sine pondere, & arte, 320
 Valdius oblectat populum, meliusque moratur,
 Quam versus inopes rerum, nugaeque canorae.

Graiis ingenium, Graiis dedit ore rotundo
 Musa loqui, praeter laudem nullius auaris.
 Romani pueri longis rationibus affem 325
 Discunt in partes centum diducere. Dicat
 Filius Albini, si de quincunce remota est
 Vncia, quid superat? poteras dixisse, Triens. Eu!
 Rem poteris seruare tuam. Redit vncia: quid fit?
 Semis. Ad haec, animos aerugo, & cura peculi 330
 Quum semel imbuerit, speramus carmina fingi
 Posse linenda cedro, & laeui seruanda cupresso?

Aut prodesse volunt aut delectare poetae,
 Aut simul & iucunda & idonea dicere vitae.
 Quidquid praecipies, esto brevis: ut cito dicta 335
 Percipiant animi dociles, teneantque fideles.
 Omne superuacuum pleno de pectore manat.
 Ficta voluptatis causa, sint proxima veris.
 Nec quodcumque volet, poscat sibi fabula credi:
 Neu pransae Lamiae viuum puerum extrahat aluo. 340
 Centuriae seniorum agitant expertia frugis,
 Celsi praetereunt austeram poemata Rhamnes.
 Omne tulit punctum, qui miscuit utile dulci,

Lectorem delectando, pariterque monendo.

Hic meret aera liber Sotii: hic & mare transit, 345

Et longum noto scriptori prorogat aeuum.

Sunt delicta tamen, quibus ignouisse velimus.

Nam neque chorda sonum reddit, quem vult manus

& mens,

Poscentique grauem persaepe remittit acutum:

Nec semper feriet quodcumque minabitur arcus. 350

Verum vbi plura nitent in carmine, non ego paucis

Offendar maculis, quas aut incuria fudit,

Aut humana parum cauit natura: quid ergo?

Vt scriptor si peccat idem librarius vsque,

Quamuis est monitus, venia caret: & citharoedus 355

Ridetur, chorda qui semper oberrat eadem:

Sic mihi, qui multum cessat, fit Choerilus ille,

Quem bis terque bonum, cum risu miror; & idem

Indignor, quandoque bonus dormitat Homerus.

Verum opere in longo fas est obrepere somnum. 360

Vt pictura, poesis: erit, quae, si propius stes,

Te capiat magis, & quaedam, si longius abstes.

Haec amat obscurum, volet haec sub luce videri,
Iudicis argutum quae non formidat acumen.

Haec placuit semel, haec decies repetita placebit. 365

O maior iuuenum, quamuis & voce paterna-
Fingeris ad rectum, & per te sapis, hoc tibi dictum
Tolle memor: certis medium & tolerabile rebus
Recte concedi. Consultus iuris, & actor
Caussarum mediocribus abest virtute disertis 370
Messalae, nec scit quantum Cassellius Aulus:
Sed tamen in pretio est. Mediocribus esse poetis
Non homines, non di, non concessere columnae.
Ut gratas inter mensas symphonia discors,
Et crassum vnguentum & Sardo cum melle papauer
Offendunt; poterat duci quia coena sine istis: 376
Sic animis natum inuentumque poema iuuandis,
Si paullum a summo discessit, vergit ad imum.

Ludere qui nescit, campestribus abstinet armis:
Indoctusque pilae, disciue, trochiue quiescit, 380
Ne spissae risum tollant impune coronae.
Qui nescit, versus tamen audet fingere. Quidni?

Liber & ingenuus, praefertim census equestrem
 Summam nummorum, vitioque remotus ab omni.
 Tu nihil inuita dices faciesue Minerua. 385
 Id tibi iudicium est, ea mens: si quid tamen olim
 Scripseris, in Metii descendat iudicis aures,
 Et patris, & nostras, nonumque prematur in annum.
 Membranis intus positis, delere licebit
 Quod non edideris: nescit vox missa reuerti. 390

Siluestres homines facer, interpretsque deorum
 Caedibus & victu foedo deterruit Orpheus:
 Dictus ob hoc lenire tigres, rabidosque leones;
 Dictus & Amphion Thebae conditor arcis
 Saxa mouere sono testudinis, & prece blanda 395
 Ducere quo vellet. Fuit haec sapientia quondam,
 Publica priuatis secernere, sacra profanis,
 Concubitu prohibere vago, dare iura maritis,
 Oppida moliri, leges incidere ligno:
 Sic honor & nomen diuinis vatibus, atque 400
 Carminibus venit. Post hos insignis Homerus,
 Tyrtaeusque mares animos in Martia bella
 Versibus exacuit: dictae per carmina sortes,

Et vitae monstrata via est. & gratia regum,
Pieriis tentata modis, ludusque repertus, 405
Et longorum operum finis: ne forte pudori
Sit tibi Musa lyrae solers, & cantor Apollo.

Natura fieret laudabile carmen, an arte,
Quaesitum est: ego nec studium sine diuite vena,
Nec rude quid profit video ingenium: alterius sic 410
Altera poscit opem res, & coniurat amice.
Qui studet optatam cursu contingere metam,
Multa tulit fecitque puer: sudauit & alsit,
Abstinit Venere & vino. Qui Pythia cantat
Tibicen, didicit prius, extimuitque magistrum. 415
Nunc fatis est dixisse: ego mira poemata pango.
Occupet extremum scabies: mihi turpe relinqui est,
Et, quod non didici, sane nescire fateri.

Vt praeco ad merces turbam qui cogit emendas,
Adsentatores iubet ad lucrum ire poeta, 420
Diues agris, diues positus in foenore nummis.
Si vero est, vnctum qui recte ponere possit,
Et spondere leui pro paupere, & eripere atris

Litibus implicitum : mirabor si sciet inter-
 Noscere mendacem verumque beatus amicum. 425
 Tu seu donaris , seu quid donare voles cui ,
 Nolito ad versus tibi factos ducere plenum
 Laetitiae. Clamabit enim, pulchre, bene, recte.
 Pallefcet super his : etiam stillabit amicis
 Ex oculis rorem : faliet, tundet pede terram. 430
 Vt, qui conducti plorant in funere, dicunt
 Et faciunt prope plura dolentibus ex animo : sic
 Derisor vero plus laudatore mouetur.
 Reges dicuntur multis vrgere culullis,
 Et torquere mero, quem perspexisse laborent, 435
 An fit amicitia dignus : sic carmina condes,
 Numquam te fallant animi sub vulpe latentes.

Quintilio si quid recitares, corrige, fodes,
 Hoc, (aiebat) & hoc : melius te posse negares,
 Bis terque expertum frustra, delere iubebat, 440
 Et male tornatos incudi reddere versus.
 Si defendere delictum, quam vertere, mallets,
 Nullum ultra verbum, aut operam fumebat inanem,
 Quin sine rivali teque & tua solus amares.

Vir bonus & prudens versus reprehendet inertes : 445

Culpabit duros : in comitis adlinet atrum

Transuerso calamo signum : ambitiosa recidet

Ornamenta : parum claris lucem dare coget :

Arguet ambigue dictum : mutanda notabit :

Fiet Aristarchus : nec dicet , cur ego amicum 450

Offendam in nugis ? hae nugae seria ducent

In mala , derisum semel , exceptumque sinistre .

Vt, mala quem scabies, aut morbus regius urget,

Aut fanaticus error, & iracunda Diana,

Vesantum tetigisse timent, fugiuntque poetam, 455

Qui sapiunt : agitant pueri , incautique sequuntur.

Hic, dum sublimes versus ructatur, & errat,

Si veluti merulis intentus decidit auceps

In puteum foueamue : licet, succurrite, longum

Clamet, Io ciues, non sit qui tollere curet. 460

Si quis curet opem ferre & demittere funem,

Qui scis, an prudens huc se deiecerit, atque

Seruari nolit ? dicam, Siculique poetae

Narrabo interitum. Deus immortalis haberi

Dum cupit Empedocles, ardentem frigidus Aetnam

Influit. Sit ius, liceatque perire poetis. 466

Inuitum qui seruat, idem facit occidenti.

Nec semel hoc fecit; nec, si retractus erit, iam

Fiet homo, & ponet famosae mortis amorem.

Nec satis adparet, cur versus facitet: vtrum 470

Minxerit in patrios cineres, an triste bidental

Mouerit incestus: certe furit, ac velut vrsus,


Obiectos caueae valuit si frangere clathros,

Indoctum doctumque fugat recitator acerbus.

Quem vero adripuit, tenet, occiditque legendo, 475

Non missura cutem, nisi plena cruoris, hirudo.





VARIAE LECTIONES NOTABILIORES

LIBRI I. SATYRA I.

- Versus 37. sapiens MSS. plerique & Porphyrio.
 patiens plures & Acron.
- V. 81. *leſto te* adfixit Cruq. Pulm. & Torrent. ad-
 fixit ceteri MSS.
- V. 88. *At ſi cognatos* &c. Bemb. duo Cruq. An ſi &c.
cum nota interrogandi ad finem verſ. 91.
Torrentio placet.
- V. 92. *Quumque habeas plus, Quoque habeas* &c.
vnus Murct.
- V. 94. *Nec facias* &c. Ne Cruq. Pulm. & Torr.
- V. 101. *Vt viuam* Naeuius &c. plerique cum Acron.
 & Porphy. Maenius Torr. Edit. *Aſcenſ.*
- V. 108. *Nemon' vt auarus* &c. *vix non omnes.* In
antiquiſſ. Bland. Cruq. legitur: Qui nemo
&c. at Dacier includit, vt auarus, duplici
commate.
- V. 118. *Exacto contentus tempore vitae Cedat.* vul-
garis leſtio & Cruq. *tempore, vita cedat*
 MSS. omnes.

LIBRI I. SATYRA II.

Versus 6. *Famem depellere possit. Bemb. quatuor Pulm. propellere.*

V. 14. *Quinas hic capiti mercedes exsecat: exigit mendoſe Porphy.*

V. 19. *At in ſe pro quaestu ſuntum facit. ipſe Bemb. & ille edit Aſcenſ.*

V. 86. *opertos inſpiciunt. meliores MSS. apertos Muret. Dacier.*

V. 105. *Cantat & adponit. omnes MSS. captat & adponit Lamb.*

V. 129. *Vepallida Recentiores & Lamb. Vae pallida Bemb. & omnes Torrent. Vt pallida quidam MSS. Lamb. Vel pallida unus Pulm. Ne pallida Petr.*

LIBRI I. SATYRA III.

V. 7. *Io Bacche MSS. Bacchae Turnebus.*

V. 8. *Modo hac reſonat quae chordis quattuor ima. reſonans unus Cod. Canteri. chordis quae quattuor ima plures optimi MSS.*

V. 20. *Immo alia, haud fortasse minora. Et fortasse minora, plures MSS. Cruq. Lamb. & quinque Pulm.*

V. 25. *Quum tua peruideas oculis. praeuideas alii.*

V. 34. *Latet hoc ſub corpore Petr. Lamb. pectore plures & melior. Torrent.*

- V. 58. *Tardo cognomen pingui damus. optimi MSS.*
pinguis Lamb. Cruq. Turnebus.
- V. 63. *Simplicior si quis vulgati omnes. Simplicior*
quis at est Lamb. Torrent. & est sex Pulm.
& tres Canter.
- V. 65. *Aut tacitum impellat MSS. meliores. apellet*
Lambin.
- V. 70. *Hisce inclinet. his se Edit. Ascens.*
- V. 140. *Si quid peccauero. peccaro Bemb. & duo*
Pulm. peccabo quidam Lamb. quinque Torr.

LIBRI I. SATYRA IV.

- V. 14. *Accipiam tabulas. MSS. pleriq. Cruq. & Torr.*
duo Pulm. Accipe iam Mur. edit Ascensf.
- V. eodem detur. dentur Bemb.
- V. 25. *Quem vis media erue turba. Editt. Lamb.*
Cruq. Torrent. & Heinsf. eripe tres Cruq.
& unus Pulm. elige ante Lambinum.
- V. 26. *Aut ob auaritiam, aut misera ambitione*
laboret. D. Heinsius ab auaritia. in MSS.
pler. Torrent. miser.
- V. 49. *infanit amica Filius. Muret & prima edit.*
Lamb. infanus alii.
- V. 69. *Coeli Byrrhique plurimi. Leli & Byrrique,*
Titi & Seique alii.
- V. 87. *praebet aquam omnes Codd. aqua Muretus.*
- V. 105. *Infueuit — hoc me omnes MSS. ante Lamb.*
Infeuit — hoc mi Lambin.

- V. 141. Auxilio quae sit mihi. Edit. Cruq. & Torrent. Auxilioque unus Canter. & Ascens.

LIBRI I. SATYRA V.

- Versus 3. Longe doctissimus. Multi MSS. Acro, & Fabricius. Linguae nonnulli Lambin. Cruq. & Torrent. Edit. Aldina.

- V. 36. prunaeque batillum. Duo Cruq. unus Pulm. & omnes vulg. vatillum plurimi MSS.

- V. 51. Quae superest Caudi Cauponas. unus Pulm. & Torrent. item Acron & Porphy. Claudi alii MSS.

- V. 67. Deterius nihilo Bemb. Nihilo deterius, vel Nullo deterius Lamb. Torrent. & Canter.

- V. 71. Paene arsit, macros &c. Lamb. Paene macros, arsit, Membranae omnes.

- V. 89. Vltra meliores Codd. Vltro Muret.

- V. 91. Aquae non ditior urna. dulcior tres Torrent. & unus Cruq.

LIBRI I. SATYRA VI.

- V. 11. Amplis. Multis quidam Lambin.

- V. 13. regno pulsus fuit. fugit nonnulli Lambin. & Cruq.

- V. 18. longe lateque remotos. quidam Lambin. & Torrent. longe longeque &c. plures & meliores Codd. & Cruq.

- V. 25. *fieri*que Tribuno *quidam* Codd. Lambin. & Pulm. Tribunalum ante Lambin.
- V. 29. *Quis homo hic est? quo patre* &c. & *quo patre* &c. Torr. aut *quo patre* &c. Muret.
- V. 30. *Haberi* Et cupiat omnes Cruq. & Torrent. Vt alii MSS. & vulg.
- V. 96. honestos *Fascibus* & *sellis*. omnes Codd. Cruq. Pulm. Torr. onustos quatuor Lamb.
- V. III. Millibus atque aliis. omnes MSS. ante Lambin. Multis Lambin.
- V. 130. *His me consolar*, victurum *suavius*. victurus tres MSS. Lamb. & unus Torrent.

LIBRI I. SATYRA VII.

- Versus 7. tumidusque: adeo sermonis amari. tumidus, adeo &c. Edit. Lamb. ex quatuor codd.
- V. 15. *si discordia vexet inertes*. verset aliqui Lamb.
- V. 17. *discedat* pigrior. multi codd. pulchrior. quatuor Cruq. quinque Torrent.
- V. 20. *Acres* procurrunt plerique MSS. & Acron. concurrunt sex Cruq. quinque Pulman. & Torrent.
- V. 28. multumque *fluente*. multoque plures & meliores Codd. Torrent. Mustoque D. Heins.

LIBRI I. SATYRA VIII.

- Versus 28. *in fossam confusus. diffusus duo Torrent.*
 V. 32. *vtque Iam peritura. vt quae tres Pulm. duo Torrent.*

LIBRI I. SATYRA IX.

- V. 3. *Adcurrit omnes Lamb. Cruq. Pulm. & Torr. occurrit MSS. Fabricii.*
 V. 4. *Quid agis, dulcissime rerum? Dacierus. Quid agis, dulcissime, rerum? Acron. & plures interpretes.*
 V. 50. *Nil mi officit vñquam. mi abest in quibusd. Cruq. inquam quidam Lamb. & Torrent. sex Pulm.*
 V. 55. *vinci possit. poscit Muret.*
 V. 64. *prensare manu meliores. pressare edit. Lamb.*

LIBRI I. SATYRA X.

- V. 27. *Oblitus patriae patrisque latini, Quum &c. plures codd. patrisque, latine quum &c. ita emendat Lambin.*
 V. 41. *comis garrire libellos. comes duo Cruq.*
 V. 44. *Varius ducit. plures Lamb. Pulm. dictu duo Pulm. ductu alii MSS.*
 V. 49. *multa cum laude. plurimi. cum multa tres Pulm. & Torrent. cumulata unus Pulm. & Torrent.*

- V. 68. *dilatus in aeuum. Bambus quatuor Lambin.
delatus quatuor Cruq. delapsus unus Pulm.
& Ascens.*
- V. 78. *Aut cruciet; cruciet plures Pulm. & Torr.*

LIBRI II. SATYRA I.

- Versus 20. *Cui male si palpere. Qui male &c. tres
Pulm.*
- V. 31. *Si male gesserat, vsquam; cesserat Lamb.
vmquam duo Cruq. & Pulm.*
- V. 69. *tributum meliores Codd. tributum Lambin.
Turnebus.*
- V. 79. *Nihil hic diffindere possum. Bamb. tres Lamb.
Cruq. & quidam Torrent. diffidere quidam
Torr. diffingere plures MSS. & Dacier.*
- V. 85. *Opprobriis dignum latrauerit optimi Codd.
lacerauerit nonnulli Lambin.*

LIBRI II. SATYRA II.

- Versus I. *boni. bonis Bamb. edit. Aldina.*
- V. 3. *abnormis sapiens. abnormi tres vetustiss. Bland.
Cruq. & alii.*
- V. 28. *Cocto num adest honor idem. optimi Codd.
Cocto nec Edit. Gryph. Muret. Coctoue
num adest. recentiores. pro honor, color
quidam Pulm. & Torrent.*
- V. 38. *raro stomachus omnes MSS. stomachus raro
Edit. Aldin. & Muret.*

- V. 53. distabit. distabat omnes Cruq.
 V. 64. aiunt Bemb. plures Cruq. optimi Torr. angit
 plures MSS.
 V. 79. Adfigit humo. omnes MSS. adfligit Lambin.
 ex duodecim MSS.
 V. 83. Adduxerit. aduexerit omnes ante Lambinum.
 V. 95. occupat omnes Cruq. occupet meliores Torr.
 V. 99. Aes Torrent. As Lamb. quinque Cruq.
 V. 106. tibi recte Muret. Lambin. & recent. recte
 tibi veteres MSS.
 V. 123. cuppa potare magistra. vnus Cod. R. &
 coniectura Lamb. culpa omnia exemplaria.

LIBRI II. SATYRA III.

- Versus 39. vrget. angit septem Cruq. Torrent.
 V. 43. quaecumque inscitia veri. Muret. & Dacier.
 quemcumque plurimi MSS.
 V. 72. in ius malis. in iura malis plures MSS.
 V. 88. prudentem animum vidisse omnes MSS. ius-
 sisse Lambin. voluisse Porphyrr.
 V. 96, construxerit. contraxerit plures Cruq. duo
 Pulm.
 V. 97. Sapiens etiam plures MSS. Sapiensne? etiam
 Bemb. omnes Lamb. meliores Torrent.
 V. 189. ac si plures MSS. at si antiq. Cod. Bland. Cruq.
 V. 208. species alias veris Cod. R. vetustiss. MSS.
 Cruq. vero vnus Cruq. veri vulgo.

- V. 216. Pausam aut pussillam *plures MSS.* Rufam aut pussillam. *plerique.* Pupam aut pupilam *quidam.*
- V. 235. *ex aequore verris. ante Lambinum vellis.*
- V. 246. *carbone notandi. notati alii.*
- V. 255. cubital. *sed cubitale optimi Torrent.*

LIBRI II. SATYRA IV.

- Versus 2. vincunt. *alii vincant vel vincent.*
- V. 66. putruit orca. putuit omnes *Cruq.*
- V. 74. inuenior piper. omnes *Lamb.* inueni alii & edit. *Ascens.*

LIBRI II. SATYRA V.

- Versus II. priuum R. primum.
- V. 36. cassa nuce. *Lamb. Cruq. & Torrent.* quassa *Memb. vett.*
- V. 44. thynni & cetaria crescent. cygni & viuaria *alii.*
- V. 105. Permissum omnes *MSS.* Commissum unus *Muret.*

LIBRI II. SATYRA VI.

- Versus 24. Ne — respondeat, vrge plurim. *Codd.* vrges *Lambin. Turneb.*
- V. 44. Thrax est Gallina Syro par? Thrax an &c. *Lambin. ex plur. MSS. vett.*

V. 70. *modicis humescit Laetius. Torrent. Muret. edit. Ascens. vuescit quidam Lambin. quatuor Cruq.*

V. 116. & valeas. valeat Lambin.

LIBRI II. SATYRA VII.

Versus 13. *doctus communis lectio MSS. doctor quinque Lamb. & Cruq.*

V. 17. *Mitteret in phinum talos. quidam Lambin. Cruq. pyrgum Cod. Petr. & alii.*

V. 19. *ac prior ille plur. Lamb. Cruq. illo alii vulgo.*

V. 34. *Oleum feret ocius? ecquis &c. fert Bemb. tres Cruq. duo Pulm. haec quis ante Lamb.*

V. 35. *fugisque. furisque quat, Pulm. quinq. Torr.*

V. 109. *vua Furtiuam mutat strigilem, nouem MSS. Lamb. vuam furtiuam mutat strigili plurimi Codd.*

LIBRI II. SATYRA VIII.

Versus 10. *alte cinctus. alter Bemb. & Cruq.*

V. 24. *absorbere placentas. obforbere tres Cruq. vnus Pulm.*

LIBRI I. EPISTOLA I.

Versus 16. *Merfor omnes MSS. Verfor vnus Muret.*

V. 55. *Perdocet Mur. edit. Ascens. Praedocet Bemb. duo Cruq. Edocet alii. Prodocet ceteri omni.*

- V. 68. *Hortatur & optat Turneb. aptat Bemb. quidam Lamb. nouem Torrent.*
- V. 78. *Cruftis quidam Lamb. & Cruq. Edit. Mureti, & recent. Fruftis vulg. lectio MSS.*
- V. 94. *curtatus unus Cruq. curatus omnes MSS.*

LIBRI I. EPISTOLA II.

- Versus 34. *curres hydropicus. Bemb. tres Lambin. cures Edit. Aldinn.*
- V. 60. *Dolor quod fuaserit & mens ita meliores ex mens, amens coniectura H. Stephan.*

LIBRI I. EPISTOLA IV.

- Versus II. *Et mundus victus. meliores. Et modus & victus. quidam Lamb.*
- V. 13. *Diem tibi diluxisse. reposuit Muret. tibid' il-luxisse.*

LIBRI I. EPISTOLA V.

- Versus 12. *Quo mihi fortunas Muret. Lamb. Cruq. fortunam nonnulli Lamb. & Cruq. fortuna omnes MSS.*
- V. 17. *inermem plures. inertem Bemb. & plures Lamb. & Cruq.*

LIBRI I. EPISTOLA VI.

- Versus 10. *vtrobique Edit. Lamb. & Cruq. vtrique Edit. Ascens. & Muret.*

V. 21. Mucius: *indignum. omnes post Lamb. Mutus: & indignum alii.*

V. 50. Laeuum *Qui fodiat latus. Saeuum Edit. Ascens. & Muret.*

LIBRI I. EPISTOLA VII.

Versus 40. *proles patientis Vlysssei plures MSS. sapientis quidam Fabric.*

V. 93. *ponere nomen. plur. MSS. dicere Bemb. & nonnulli Cruq.*

LIBRI I. EPISTOLA VIII.

Versus 6. *aegrotet in aruis, in agris veteres plerique.*

LIBRI I. EPISTOLA X.

Versus 5. *vetuli, notique columbi. vetulis notisque columbis Cruq. ex duob. codd.*

V. 13. *Ponendaeque. Ponendaque quatuor Blandin. & Cruq.*

V. 18. *depellat Bemb. & decem Lambin. & plures Cruq. & Torr. diuellat Mur. Asc. & Torr.*

V. 25. *perrumpet furtim fastidia victrix. sed Bemb. & plerique Torr. fastigia. vestigia Edit. Ascens.*

V. 27. *fucum meliores Codd. succum Edit. Ascens.*

LIBRI I. EPISTOLA XI.

Versus 7. *Scis, Lebedus quid sit? Gabiis desertior.*
omnes Codd. quam sit Gabiis desertior.
Lambinus.

LIBRI I. EPISTOLA XIII.

Versus 12. *Sic positum omnes MSS. sepositum Hein-*
sii coniectura.

LIBRI I. EPISTOLA XIV.

Versus 21. *quae tu pulchra vocas Muret. & Torr.*
putas alii.

V. 34. *media de luce ita plures MSS. media de*
nocte Bemb.

LIBRI I. EPISTOLA XV.

Versus 15. *Dulcis aquae. Bemb. duo Lambin. tres*
Cruq. Iugis aquae. quidam Torr. Muret.

V. 35. *agninae quidam Lamb. & Torr. & octo Cruq.*
agnini plures MSS. & Edit. Stephani.

V. 37. *Maenius Muretus. Bestius veteres MSS.*

LIBRI I. EPISTOLA XVI.

Versus 14. *fluit utilis, utilis aluo. aptus, & utilis*
plures Torrent.

V. 43. *Quo responfore omnes MSS. Quo res spon-*
fore Cruq. ex antiquiss. MS. Blandin.

LIBRI I. EPISTOLA XVII.

Versus 21. *Tu poscis vilia: verum &c. plures MSS.*
vilia rerum, Bemb. undecim Lambin.

V. 42. *Aut decus &c. Vt decus H. Stephan.*

LIBRI I. EPISTOLA XVIII.

Versus 33. & spes. ex spes unus *Cruquius.*

V. 93. *vapores Muret. tepores plures MSS. Cruq.*
Torrent. Pulm.

LIBRI I. EPISTOLA XIX.

Versus 10. *Hoc simul edixit. edixi codex Lambin.*
& antiquiss. Torrent.

V. 13. *textore Catonem. omnes MSS. tesquore Mu-*
retus putat. & Dacier squalore.

V. 32. *Latinis plures MSS. latinus Bemb. & omnes*
Lambin.

LIBRI I. EPISTOLA XX.

V. 13. *vinctus omnes MSS. vnctus recentior. impress.*

LIBRI II. EPISTOLA I.

Versus 16. *nomen. numen vetustiss. MS. Bland.*

V. 105. *nominiibus certis quidam Lamb. optimi Tor-*
rent. Muret. rectis alii.

LIBRI II. EPISTOLA II.

Versus 3. *imitaberis quat. Lamb. septem Cruq. imita-*
bitur plures MSS. & Editt. Asc. & Muret.

V. 80. *Contracta sequi vestigiâ vatum. Acron. Dacier.*
Contacta Bemb. sex Lamb. octo Cruq.

V. 154. *monitoribus. rationibus Bemb. & tres Lamb.*

V. 158. *Libra mercatus & aere est. mercatur & aere*
Ascens. Muret. & recentiores.

V. 172. *quidquam omnes MSS. cuiquam Aldin. &*
recentior.

V. 173. *forte suprema. ante Muret. morte suprema.*

LIBER DE ARTE POETICA

Versus 59. *nota producere nomen. procudere qui-*
dâ MSS. Lamb. Codex Achilles Stat.

V. 63. *debemur. debemus Achilles Stat. ex MSS.*
Prisciani.

V. 114. *Diuusne loquatur, an Heros quatuor Bland.*
Cruq. Edit. Aldin. Dauusne loquatur, Eros-
ne Lambin.

V. 193. *Actoris. Auctoris duo Lamb. & Pulm.*

V. 196. *confilietur amice Bemb. & decem Lambin.*
amicus aliqui. amicis post Muretum vulgo.

V. 202. *orichalco vincta. iuncta nouem Lambin.*

V. 208. *urbem. urbes plurimi.*

V. 266. *intra spem veniae omnes. extra spem ve-*
niae unus Lamb.

V. 360. *opere in longo Bemb. Lambin. duo Pulm.*
operi longo ceteri MSS.

V. 441. *Et male tornatos. ter natos Bentleyi coniect.*






CATALOGVS

PRAESTANTIORVM EDITIONVM

Q. HORATII F.

1470. Mediolani curante A. Zaroto.
1474. Ferrariae. in 8.
1476 & 77. Mediolani per Philipp. de Lauagnia. fol.
1477. Venetiis per Phil. Condam Petri.
1481. Sine loci nota cum commentariis H. Acronis
P. Porphyronis.
1482. Florentiae cum C. Landini interpretationibus.
in fol.
1483. Venetiis per I. de Forliuio. in fol.
1485. Mediolani per A. Zarotum P. cum comment.
Acronis & Porphyronis.
1486. Venetiis per Bernardin. de Tridino. in fol.
1490. Venetiis cum comment. I. Arriabeni. in fol.
1492. Venetiis cum scholiis A. Mancinelli & Lan-
dini. in fol.
1495. Venetiis per I. Quarengis. in fol.
1498. Argentorati per I. Locherum. in fol.
1498. Lipsiae. in 4.
1501. Aldina editio. in 8.
1503. Parisiis cum comment. A. Macinelli & B. As-
censii. in fol.
1506. Parisiis cum notis B. Ascensii. in 4.
1519. Parisiis cum commentariis variorum recensente
B. Ascensio. in fol.
1527. Basileae cum comment. Acronis. in 8.
1533. Friburgi cum notis H. Glareani. in 8.
1535. Lugduni apud Gryph. in 8.
1539. Parisiis Rob. Stephani. in 8.
1545. Parisiis ex officina Vascosani. in 4.
1545. Basileae cum comment. Acronis & Porphy.

1552. Venetiis apud Aldum cum comment. A. Murer.
 1553. Venetiis cum comment. & obseruat. varior. fol.
 1555. Basileae emendante Fabricio. in fol.
 1555. Basileae cum notis I. Hartungi. in fol.
 1561. Lugduni cum comment. D. Lambini. in 4.
 1566. Venetiis D. Lambini apud P. Manutium. in 4.
 1566. Antverp. apud Plantin. castigat. Pulmanni.
 1567. Lugduni Francisc. Irenici. in 8.
 1575. Heidelbergae cum notis G. Xylandri. in 8.
 1577. Parisiis Adr. Turnebi. in 8.
 1578. Antverp. apud Plant. cum comment. Cruquii.
 1578. Lipsiae G. Fabricii cum not. Mureti & Manutii. in 8.
 1582. Parisiis Petri Gualteri Chabotii. in 8.
 1590. Neostadii cum notis G. Xylandri. in 8.
 1602. Lipsiae cum scholiis Greg. Bersmanni. in 8.
 1606. Londini cum notis I. Bond. in 8.
 1608. Antverp. cum comment. Lauini Torrent. in 4.
 1610. Lipsiae cum notis D. Heinsii. in 8.
 1613. Parisiis apud R. Stephan. cum not. I. Rutgersii. in 12.
 1642. Parisiis e typographia regia. in fol.
 1653. Lugduni Batau. curante Schreuelio. in 8.
 1668. Roterdami cum notis Io. Minelli.
 1683. Tolosae P. Godellius in usum Delphini.
 1691. Parisiis L. Desprez. in 4.
 1694. Londini cum notis Dacerii. in 8.
 1696. Parisiis I. Iuuentii expurgatus. in 8.
 1699. Traiecti Batau. Petri Burmanni. in 12.
 1699. Cantabrigiae, ad opti. exemplar. fidem. in 4.
 1701. Londini per Guil. Baxterum. in 8.
 1711. Cantabrigiae R. Bentleyi. in 4.
 1713 & 28. Amstelodami Bentleyi emendat. editio.
 1713. Cantabrigiae Isacci Verburgii. in 8.
 1713. Amstelodami P. Burmanni. in 12.
 1721. Londini curis Alex. Cuninghami. in 8.
 1731. Londini ex recens. G. Wade. in 8.



2070393





